

শাক্যমুনিচরিত

ও

নিৰ্ঘাণতত্ত্ব

দ্বিতীয় ভাগ।

স্বর্গীয় সাধু অঘোরনাথ

প্রণীত।

তদনুগ বন্ধু কর্তৃক সম্পাদিত।

“বুদ্ধঃ জ্ঞানমনন্তঃ হি আকাশবিপুলঃ সমম্।
অপয়েৎ কল্পভাষন্তো ন চ বুদ্ধগুণক্ষয়ঃ ॥”
ললিতবিস্তরঃ।

কলিকাতা।

বিধান যন্ত্রে শ্রীরামসর্বস্ব ভট্টাচার্য্য কর্তৃক মুদ্রিত ও
প্রকাশিত।

১৮০৪ শক।

শাক্যমুনিচরিত

ও

নির্বাণতত্ত্ব

দ্বিতীয় ভাগ।

স্বর্গীয় সাধু অঘোরনাথ

প্রণীত।

তদনুগ বঙ্কু কর্তৃক সম্পাদিত।

“বুদ্ধঃ জ্ঞানমনন্তঃ হি আকাশবিপুলঃ সমম্।
অপয়েৎ কল্পভাষন্তো ন চ বুদ্ধগুণকরঃ ॥”
ললিতবিস্তরঃ।

কলিকাতা।

বিধান যন্ত্রে শ্রীরামসর্বস্ব ভট্টাচার্য্য কর্তৃক মুদ্রিত ও
প্রকাশিত।

১৮০৪ শক।

শাক্যমুনিচরিত

ও

নিৰ্ৰাণতত্ত্ব ।

অধ্যয়ন ও তপশ্চরণ ।

গৃহ হইতে নির্গমন কালে বুদ্ধদেব যখন চন্দকের নিকট
অশ্ব ও আভরণ চাহেন তখন সে হৃদয়ের ভাব প্রচ্ছন্ন
রাখিতে না পারিয়া বিষমভাবে রোদন করিতেছিল ও
অশেষ প্রকারে কুমারকে প্রবোধ দিয়াছিল। ~~তৎকালে~~
উভয়ের মধ্যে যে কথোপকথন হইরাছিল পুনরায় আমরা
তাহার সংক্ষেপ বিবরণ প্রকাশ করিতেছি ।

চন্দক । আৰ্য্য ! কমললোচনা মনিরত্নভূষিতা গলে
হারাবলম্বিনী মেঘযুক্ত সোদামিনীর ন্যায় লাবণ্যময়ী পদপুং
শয়না এই পত্নীকে উপেক্ষা করিয়া যাইবেন না, সুন্দরী
কিন্নরীগণের এমন মৃদঙ্গ বংশবেগুসংযুক্ত সুললিত তানলয়-
বিশুদ্ধ সঙ্গীত পরিত্যাগ করিবেন না, একপ স্নগন্ধ দ্রব্য
অনুলিপ্ত শ্রক চন্দনাদি বা কি ব্রাহ্মী উপেক্ষা করেন ।

বিবিধরসপূর্ণ বাজনাদি উপাদেয় আহাৰ্য্য ও মিষ্টান্ন ছাড়িয়াই বা কোথায় যাইবেন, বিশেষতঃ গ্রীষ্মে শীতলতাসঞ্চারী ও শীতে ঠাণ্ডতাপ্রদায়ী অরূপ পরিচ্ছদ ও উদ্যান ভূমি পরিত্যাগ করিয়া কেন যাইবেন ? অতএব অগ্রে আপনি এই সুখদ বহু ভালরূপে উপভোগ করুন পরে উপযুক্ত সময় হইলে যাইবেন।

বুদ্ধ । চন্দক ! আমি রূপরসগন্ধস্পর্শজনিত বিবিধ সুখ অপরিমিতরূপে ভোগ করিয়াছি, স্ত্রী পুত্রের রসাস্বাদও অনুভব করিয়াছি । প্রভূত ঐশ্বর্য্যে আমি পরিতৃপ্ত হইয়াছি, কিন্তু দেখিলাম এই সকল বিষয় ভোগে কেবল বাসনাই প্রবল হয়, তাহাতে আর আমার শান্তি হইতেছে না, সংসার নিত্যান্ত অসার । দেখ, ইহাশূন্য আবদ্ধ থাকিলে মনুষ্যের তৃষ্ণাই বাড়ে, তবে আর তৃপ্তি কোথায় ? এই ~~বাসনা~~ তৃষ্ণাই সকল দুঃখের মূল, বাসনাহীন তৃষ্ণাহীন লোক কি সুখী শান্ত ! পার্থক্য কোন পদার্থে বাহ্য প্রকৃতি নাই, ইন্দ্রিয়জনিত কোন প্রকার সুখে বাহ্য অভিজ্ঞা নাই, তিনি প্রকৃতিস্থ আত্মজ্ঞানে নিমগ্ন ও জিতেন্দ্রিয় । তাঁহার চিতেই পরম সন্তোষ, তাঁহার জীবনেরও আশা নাই মরণেরও ভয় নাই । তিনি নির্বাসন ও পৃথিবীতে জীবনমৃত ও সদানন্দ, ইনি জন্মমৃত্যু জরা ব্যাধির অতীত । চন্দক অতএব আমিও এই জগৎ উপেক্ষা করিয়া গমন করিতেছি ।

তদান্বনোত্তীৰ্য্য ঠৈদং ভবান্ববং
সবৈবদৃষ্টিগ্রহক্লেশরাক্ষসং ।
স্বয়ং তরিত্বা চ অনন্তকং জগৎ
স্থলেহন্তরীক্ষে অজরামুরে শিবে ॥

ল, বি, ১৫, অ ।

মিথ্যা দৃষ্টিক্রপ গ্রহ ও ক্লেশরূপ রাক্ষসপূর্ণ এই ~~জগৎ~~ নাগর
স্বয়ং পার হইয়া অনন্ত জগৎকে আমি অজর অমর ও মঙ্গলময়
ভুলোকে এবং দুলোকে প্রবেশ করাইব ।

তখন চন্দক নিরতিশয় শোকসন্তপ্তহৃদয়ে কাঁদিতে
লাগিল এবং অতি কাতর স্বরে বলিল তবে, দেব, আপনার
এই দৃঢ় নিশ্চয় হইয়াছে? ইহা শুনিয়া কুমার বলিলেন
“অচলাচলমব্যয়ং দৃঢ়ং, অমররাজেব যথা সূক্ষ্মচলং ।”
আমার নিশ্চয় অচলের ন্যায় অচল অব্যয় এবং দৃঢ় । ইহা
পর্ব্বতরাজের ন্যায় অতি দুশ্চল । ~~যুবরাজ~~
নিশাকালে ঘোর তিমিরাবৃত, বিপদাকীর্ণ নানা হিংস্র জন্তু
পরিপূরিত নিবিড় অরণ্যানী দিয়া অশ্রোপরি ভ্রমণ করিতে
করিতে উষাকালে অনোমা নদীতীরে উপস্থিত হইলেন ।
তথায় ঘোটক হইতে অবতীর্ণ হইয়া অমূল্য স্বর্ণ ও হীর
মুক্তাযুক্ত আভরণাদি গাত্র হইতে উন্মোচন করত চন্দকেব
হস্তে অর্পণ করিলেন । তুমি আমার বৃদ্ধ পিতামাতার
শোকাপনোদন করিবে এই বলিয়া অশ্বসহ তাহাকে তথা
হইতে বিদায় দিলেন । সে চলিতেছে আর সজলনয়নে

পশ্চাদিকে ফিরিয়া যুবরাজের প্রতি নিরীক্ষণ করিতেছে, যত দূর দৃষ্টি যায় চন্দক এই ভাবে চলিয়া গেল। যে স্থান হইতে ঐ অশ্বরক্ষককে বিদায় দেওয়া হয় তথায় নাকি অদ্যাপি এক চৈত্যা নিৰ্ম্মিত আছে। ললিত বিস্তরেও টহার উল্লেখ দেখিতে পাওয়া যায়। সুবিখ্যাত চীন পর্য্যটক ফা হিয়ন বলেন আর্নি যখন কুশি (১) নগরান্তিমুখে যাত্রা করিতেছিলাম তখন পশ্চিমধ্যে একটি নিবিড় ঘনসন্নিবিষ্ট বিটপিপরিবেষ্টিত কাননের প্রান্তভাগে এক কীর্তিস্তম্ভ দর্শন করি, তাহা এই।

গৌতম তখন একা নিষ্কণ্টক হইলেন। তথায় তিনি খড়্গদ্বারা কেশগুচ্ছ ছেদন করিয়া কেশ গুলি উক্কে উড়াইয়া দিলেন। এ স্থানে এক চৈত্যা স্থাপিত হয়। ঐ স্থানকে চড়াপ্রতিগ্রহণ বলিয়া থাকে। শাক্য পৃথিবীর সমুদায় ~~বসন~~ ছিন্ন হইয়া গেল এই ভাবিয়া কেশ অন্তরীক্ষে উৎক্ষেপ করিয়াছিলেন। কেশ্যাগ দ্বিবিধ, অন্তরঙ্গ ও বহিরঙ্গ। ইহা স্বাভাবিক ও সাধনের পক্ষে বিশেষ হিতকারী যে অন্তরঙ্গ ত্যাগের সঙ্গে সঙ্গে বাহিরের কোন বিষয় ছাড়িতেই হইবে। ঐ কেশত্যাগ তাঁহার চিত্তের সমুদায় বাসনাত্যাগের নিদর্শন হইয়াছিল। পরে তিনি আপনার পরিধানের প্রতি

(১) কুশিনগর বর্তমান গোরক্ষপুরের পূর্ব দক্ষিণ ভাগে ৫০ ক্রোশ অন্তরে স্থাপিত ছিল। এখন ইহার ভগ্নাবস্থা।

দৃষ্ট করিয়া ভাবিলেন ইহাতে আমার শোভা পায় না, এ বেশ সংসারীর আমার নহে । এমন সময়ে এক ব্যাধের নিকট তাহার কষার বস্ত্র গ্রহণ করত পরিচ্ছদ পরিবর্তন করিয়া লইলেন । এখানেও এক চৈত্যা স্থাপিত হয়, তাহার নাম কাষায়গ্রহণ । তিনি প্রথমতঃ ভ্রমণ করিতে করিতে শাকীনাম্নী ব্রাহ্মণীর আশ্রমে, তৎপরে পদ্মানাম্নী ব্রাহ্মণীর আশ্রমে, তদনন্তর বৈবতনাম্নী ব্রাহ্মণীর আশ্রমে গমন করেন । ইহারা সকলেই তাঁহাকে সাদরে গ্রহণ করত পান ভোজনাদি অর্পণ করেন । এইরূপ ক্রমান্বয়ে গমন করিতে করিতে অতপরঃ তিনি বৈশালী নগরে (২) আসিয়া উপস্থিত হইলেন । তথায় অরাড় কালীম নামে এক শ্রাবক সম্যাসী বাণ করিতেন, তাঁহার তিন শত শিষ্য ছিল, তাহাদিগকে তিনি যাহাতে অধিকৃত লাভ হয় তাদৃশ ধর্মোপদেশ দিতেন । বুদ্ধ তাঁহার নিকট গিয়া ব্রহ্মচর্য আচরণের অতিপ্রায় প্রকাশ করিলেন এবং বলিলেন আমার শ্রদ্ধা, বীৰ্য্য, স্মৃতি, সমাধি ও প্রজ্ঞা আছে, যদ্বারা আমি একা অপ্রমত্তভাবে অন্তরীক্ষচারী দূরগামী বিহঙ্গের ন্যায় বিচরণ করিতে সক্ষম । ঐদৃশ ধর্মের সাফাৎকার হইরাছে, এবং লাভ করিয়াছি । এতদপেক্ষা যাহা অধিক আছে,

(২) পুরাতন মানচিত্র অনুসারে ইহা পাটনার উত্তর । কেহ বলেন বৈশালী বদরীকাশ্রম কিন্তু তাহা নিতান্ত ভ্রম, কারণ বুদ্ধ দক্ষিণাভিমুখেই গমন করিয়াছিলেন ।

তাহা আমাদের শিক্ষা দিন । তিনি বলিলেন আমিও এই পর্য্যন্ত ধর্ম্মে প্রবিষ্ট হইয়াছি, অতএব অহিস আমরা দুজনে মিলিত হইয়া শিষ্যবর্গকে শিক্ষাদান করি । এই ধর্ম্মে মোক্ষ সম্ভাবনা নাই দেখিয়া তিনি মোক্ষাশেষণে তথা হইতে বহির্গত হইয়া মগধরাজ্যে বিহার করিতে লাগিলেন ।

তিনি একা ভিক্ষুবশে বিচরণ করিতে করিতে অবশেষে রাজগৃহ* নামে মহানগরে প্রবিষ্ট হইলেন । সে সময়ে মহাপ্রভাক্ষালী মগধেশ্বর বিশ্বসার জীবিত ছিলেন, এই নগর তাঁহারি রাজধানী ছিল । চতুর্দিক বিক্র্যপর্ব্বতের শ্রেণীতে পরিশোভিত থাকাতে ইহা বড় রমণীয় ছিল । ঐ নগরের প্রাকৃতিক সৌন্দর্য্যানন্দর্শনে বুদ্ধদেব তথায় অবস্থিতি করিতে অভিলাষ করিলেন । একদা ভিক্ষা পাত্র লইয়া তিনি ~~রাজদ্বারে~~ গিয়া উপস্থিত হইলেন । নবীন সন্ন্যাসীর রূপ-লাবণ্য দেখিয়া রাজপরিবারস্থ নরনারী শোকে আকুল হইয়া তাঁহার প্রতি একদৃষ্টে চাহিয়া রহিল এবং পরস্পর কথোপকথন করিতে লাগিল, হায় ! কোন্ রাজকুমার জননীকে শোকে দগ্ধ করিয়া আসিয়াছে, হায় ! কোন্ রমণীকে এ অভাগিনী করিয়া বাহির হইয়াছে । বাস্তবিক তাঁহার শারীরিক লক্ষণে রাজচক্রবর্ত্তি প্রকাশ হইয়া পড়ে,

* বর্ত্তমান গয়া নিকট রাজগিরি পাহাড়কে রাজগৃহ বলিত ।

সন্ন্যাসী বেশ ও ভিক্ষুর অবস্থার সে চিহ্ন প্রচ্ছন্ন থাকে না। অনন্তর রাজা বিশ্বসার দ্বারে উপস্থিত হইয়া ভিক্ষুকে দেখিবার্থে বিস্মিত হইয়া গেলেন এবং ভিক্ষুকে দিয়া গৌতমকে বলিলেন, মহাশয়, আপনি আমার রাজ্যেই কেন চির দিন অবস্থিতি করুন না, কোথায় আর দ্বারে দ্বারে বিচরণ করিবেন, আপনার সমুদায় কামনা পূর্ণ করিব। ~~বোম্বাই~~ বলিলেন, আমি যে বিপুল ঐশ্বর্য্য পরিত্যাগ করিয়া গৃহ হইতে নিষ্কান্ত হইয়াছি। বাসনাতে যে জীবের অশেষ ক্লেশ, ইহা যে লবণাক্ত জলের ন্যায় অতৃপ্তকর, এমন আমার বস্তুতে কি কখন মানবের তৃপ্তি হয়? আমার বিষয়-সুখে বদ্ধ জীব কত ক্লেশ পাইতেছে, হে নরেন্দ্র, তাহা কি আপনি দেখিতেছেন না, জ্বাবার তাহা আমাকে উপভোগ করিতে বলিতেছেন? “পরমশিবঃ বরবোধিঃ প্রাপ্তুকামঃ” আমি এখন পরমমঙ্গলজনক শ্রেষ্ঠ জ্ঞান লাভ করিতে অভিলাষী হইয়াছি।

শাক্যসিংহের সুমধুর বচন শ্রবণে রাজা বিশ্বসার দ্রবীভূত হইয়া গেলেন। সংসারের প্রতি বৈরাগ্য হইল, মনে শান্তিরসের সঞ্চার হইল। অবাক হইয়া ভক্তিপূর্বক তাঁহার প্রতি ক্ষণকাল চাহিয়া রহিলেন এবং নিষ্কান্ত কৌতূহলাক্রান্ত হইয়া জিজ্ঞাসা করিলেন, দেব, আপনি কোন্ কোন্ স্থানে গমন করিয়াছিলেন এবং আপাতত কোথায় যাইবেন? আপনার পিতামাতা কে ও কোথায় জন্মগ্রহণ

করিয়া মাতৃভূমিকে উজ্জল করিয়াছেন ? তিনি আদ্যো-
 পান্ত আত্মবিবরণ জ্ঞাপন করিয়া তথা হইতে প্রস্থান করি-
 লেন । রুদ্রক নামে এক মহা সুবিজ্ঞ ব্রাহ্মণ রাজগৃহ
 হইতে নিঃসৃত হইয়া ভ্রমণ করিতেছিলেন । ইনি সংজ্ঞা এবং
 অসংজ্ঞা এ দুয়ের অতীত ভূমিতে আকৃষ্ট করিবার জন্য শিষ্য-
 বর্গকে শিক্ষা দিতেন । তাঁহার আকার ও প্রকৃতি দেখিয়া
 সকলেই তাঁহার প্রতি আকৃষ্ট হইত । বিশেষ তাঁহার
 সহিত দুই এক বার কথাবার্তা কহিলেই অতিতীক্ষ্ণবুদ্ধিজীবী
 বলিয়া প্রতীত হইত । তত তপ আচরণ করিবেন বলিয়া
 বুদ্ধ তাঁহার নিকটে গমন করিলেন । রুদ্রক তাঁহাকে
 শিষ্যত্বস্বীকারার্থ সমাগত দেখিয়া সাদরে গ্রহণ করিলেন ।
 মহাবীর শাক্য পূণ্য জ্ঞান সমাপ্তি প্রভাব লৌকিক এবং
 অলৌকিক সমুদায় প্রকারের যোগসম্পত্তি লাভ করতঃ
 আচার্য্য রুদ্রককে জিজ্ঞাসা করিলেন সংজ্ঞা অসংজ্ঞাতীত
 ভূমির অতীত অন্য কোন ভূমি আছে ? তিনি বলিলেন
 না । তখন তিনি বুঝিলেন ইহার শ্রদ্ধা, বীৰ্য্য, স্মৃতি,
 সমাপ্তি ও প্রজ্ঞা নাই । অতএব তিনি বলিলেন, তবে
 আপনি যে ধর্ম লাভ করিয়াছেন, আমি তাহা প্রাপ্ত হই-
 য়াহি । রুদ্রক বলিলেন, আইস আমরা দুজনে মিলিত
 হইয়া শিক্ষা দান করি । তিনি উত্তর করিলেন আপনার
 এ পথ নির্বেদ, বিরাগ, নিরোধ, উপশম, অভিজ্ঞা, সম্যক
 বোধ, শ্রমণত্ব বা ব্রাহ্মণত্ব প্রাপ্তি, অথবা নির্বাণের জন্য

ময় । এই বলিয়া তিনি শিষ্য তঁাহাকে পরিত্যাগ করিয়া চলিলেন । গৌতমের ভাব দেখিয়া কুদ্ধকের পাঁচ জন ব্রহ্মচারী ছাত্র স্বীয় গুরুকে পরিত্যাগ করিয়া নিক্কার্থের সহিত মিলিত হইলেন । শাকাসিংহ এই উক্ত শাস্ত্রজ্ঞ ব্রাহ্মণের নিকট পূর্ব্বতন দর্শনাদি ও নির্ব্বাণের তত্ত্ববিষয়ে যে বিশেষ জ্ঞান লাভ করিয়াছিলেন তাহাতে তঁাহার লক্ষ্য সাধন হইল না । কারণ শাস্ত্রাদি পাঠ করিয়া চিন্তে নির্ব্বাণ ও জীবনে জ্ঞান কদাপি প্রাপ্ত হওয়া যায় না । তাহা যে সাধনসাপেক্ষ তাহা তঁাহার মনে প্রতীত হইল । সুতরাং সাধনার্থী হইয়া গয়া শীর্ষপর্ব্বতে বিহার করিতে লাগিলেন ।

তিনি তখন নিতান্ত মুক্তিলাভার্থী হইয়া চিন্তা করিতে করিতে বিচরণ করিতেছেন, এমন সময় সহসা তঁাহার মনে এই উদয় হইল যে, যে সকল ব্রাহ্মণ শ্রমণ শরীর ও মনে কামনার বিষয় হইতে দূরে গমন করেন নাই, অথচ কামনার বিষয়সকলের আনন্দাদি হইতে নিবৃত্ত হইয়াছেন, নিবৃত্ত হইয়া আত্মা ও শরীরসম্পর্কীয় দুঃখকর কটু তীব্র বেদনা অনুভব করেন, তঁাহারা মনুষ্যধর্ম্ম হইতে আর্হোচিত জ্ঞানবিশেষ সাক্ষাৎকার করিতে কখন সমর্থ নহেন, কেননা আর্দ্র কাষ্ঠ দ্বারা আর্দ্র কাষ্ঠ ঘর্ষণ করিলে কখন তাহা হইতে অগ্নি উৎপন্ন হইতে পারে না । এই রূপ যাহারা চিন্তে এবং যাহারা শরীর-মন উভয়েতই কাম-

নার বিষয় হইতে দূরে গমন করিয়াছেন, অথচ পূর্ববৎ
 অবস্থা তাঁহাদিগেরও এই দশা। যদি কেহ অগ্নি চায় তবে
 তাহাকে শুষ্ক কাষ্ঠের সঙ্গে শুষ্ক কাষ্ঠ ঘর্ষণ করিয়া অগ্নি
 উৎপাদন করিতে হইবে। আমি কামনার বিষয়সকল হইতে
 শরীর ও চিত্তে দূরে অবস্থিতি করিব এবং জানি, কামনার
 আনন্দ হইতে নিবৃত্ত হইয়া যাহাতে আত্মার পুনরাগ-
 মন ও শরীরে ক্লেশ উৎপন্ন হয় দ্বিদশ বেদনা (জ্ঞানকে)
 অবরোধ করিতে হইবে। অতএব আমি যক্ষমাধর্ম্য হইতে
 আর্হোচিতি জ্ঞান ও দর্শন বিশেষ সাক্ষাৎকার করিতে
 সক্ষম। ফলতঃ এই শেষোক্ত প্রতীতি তাঁহার হৃদয়ে অতিশয়
 মুদ্রিত হইল। তখন তিনি এই সিদ্ধান্তে উপনীত হইলেন
 যে যেমন ইন্দ্রিয়দিগকে ও মনকেণ্ডবিষয়বাস্তব হইতে নিবৃত্ত
 করিতে হইবে, তদ্রূপ আত্মা ও শরীরকে কঠোর নির্যাতনে
 ক্ষীণ ও দুর্বল করিতে হইবে। কৃচ্ছ্রসাধনে অলৌকিক শক্তি
 জন্মে ও আত্মদৃষ্টি বিকশিত হয়, ইহাতে তাঁহার বিশ্বাস
 হইল।

বুদ্ধদেব এই ভাবিয়া পঞ্চ জন শিষ্য সমভিব্যাহারে
 উরুবিল্বগ্রামে উপস্থিত হইলেন। এই গ্রাম বর্ত্ত-
 মান বৃদ্ধগয়ার নিকটবর্ত্তী, এখন ইহাকে উরাইল বলে।
 এই স্থানের দৃশ্য অতি মনোহর। নৈরঞ্জনা নদী ধীরে ধীরে
 কল কল রবে প্রবাহিত হইতেছে, চারি দিক বৃক্ষ ও লতা-
 গুণ্ডে সমাচ্ছাদিত, জনকোলাহলশূন্য, নিবিড় বন পুষ্প-

রাজীর মকরন্দে আমোদিত, সুমন্দ সুশীতল বায়ু হিল্লোলে
 অটবি আন্দোলিত, যেন তাহারা আহ্লাদে হৃতা করি-
 তেছে ; সুন্দর পক্ষীরা আপন মনে সুখে বিহার করিয়া
 বেড়াইতেছে, যেন তাহারা পরম বৈরাগী যোগীর বিমলান-
 ন্দের দৃষ্টান্তস্বরূপ হইয়া শাক্যের চিত্ত উল্লসিত করিতেছে ।
 এমন মনোহর স্থান দর্শন করিয়া তাপস বুকের বিন প্রসন্ন
 হইল । তিনি দেখিলেন, তিনি এমন সময়ে জম্বুদ্বীপে
 অবতীর্ণ হইয়াছেন, যে সময়ে লোককে যথার্থ তপশ্চরণ
 শিক্ষা দিতে হইবে । কেন না সে সময়ে লোকসকল বহি-
 দৃষ্টি বশতঃ অনুপযুক্ত কুচ্ছসাধন বা অকুচ্ছসাধনে কার-
 শুদ্ধি অবেষণ করিত । যেমন গোব্রত মৃগ অথ বরাহ
 বানর এবং হস্তিকৃত, অথবা গৃধ্র ও পেচকের পক্ষ ধারণ,
 ধূমপান, অগ্নিপান, আদিত্য নিরীক্ষণ, উর্দ্ধবাহ উর্দ্ধপদ
 হইয়া একপাদে স্থিতি, অথবা রোম যজ্ঞ কেশ নখ চীবর
 পঙ্ক করক ধারণ ইত্যাদি । সে সময়ে লোকে ব্রহ্মা ইন্দ্র
 ক্রুদ্র, বিষ্ণু, কাত্যায়নী, কুমার, চন্দ্র, আদিত্য, প্রভৃতি দেব-
 তার উপাসনা করিত । গিরি, নদী, উৎস, হ্রদ, তড়াগাদি
 আশ্রয় করিয়া বাস করিত । গৃহস্তম্ভ, পাষাণ, মুসল, অসি,
 ধনু, পরশু, শর, শক্তি, ত্রিশূল দর্শন করিয়া নমস্কার করিত ।
 দধি ঘৃত সর্ষপ যব প্রভৃতিকে মাজ্জল্য বস্তু মনে করিত ।
 কেহ কেহ মনে করিত পুত্র দ্বারাই স্বর্গ লাভ হয় । এই
 রূপ অনেক প্রকার অজ্ঞানাবৃত পথে ধ্রুৱিত হইয়া লোক

সকল ভবসাগরে বদ্ধ ছিল। তাই তিনি দৃঢ় প্রযত্নের সহিত
যথার্থ যোগ দেখাইতে প্রবৃত্ত হইলেন।

নৈরঞ্জনানদীতীরে তিনি ছয় বর্ষ কাল মহাবীর
সুশ্চর তপস্যায় নিমুক্ত হইলেন। কথিত আছে, প্রথ-
মতঃ একটি তিল বদরী বা তণ্ডুল তিনি আহার করিতেন,
পরিশেষে তাহারও পরিত্যাগ করিয়া অনশনব্রতধারী
হইয়াছিলেন। মহাবীর শাক্য নিশ্বাস প্রশ্বাস অররোধক
আশ্বানক ধ্যান অর্থাৎ নির্বিকল্প সমাধি আরম্ভ
করিলেন। “অকল্পং তদ্যানমবিকল্পমনিজ্ঞমপনীতমস্পন্দনং
সর্বত্রানুগতঞ্চ সর্বত্র চানিঃসৃতং।” ললিত বিস্তরে
লিখিত হইয়াছে যে, সংকল্পবিবর্জিত চেষ্টাহীন
স্পন্দরহিত সর্বানুগত অথচ সর্বস্থান স্ফুটতে বিনিঃসৃত
এইরূপ সমাধিতে নিমগ্ন হইলেন। এই ধ্যান আকা-
শের ন্যায় সমুদায় উপাধিশূন্য এজন্য ইহার নাম আশ্বা-
নক। অনুপযুক্ত অনুষ্ঠান দ্বারা স্বহারা বিনষ্ট হইয়াছে
তাহাদিগকে যথার্থ অনুষ্ঠান, পুণ্যফল, জ্ঞানবল, ধ্যানের
অঙ্গ বিভাগ, শারীরিক বলের স্থিরতা, চিত্তের সৌন্দর্য্য
প্রদর্শন জন্য অসংস্কৃত ভূমিতে ক্রোড়ে হস্তে রাখিয়া
বীরাসনে উবিষ্ট হইলেন। এইরূপে উপবেশন
করিয়া চিত্ত দ্বারা আপনার শরীরকে নিপীড়ন
করিতে আরম্ভ করিলেন। এই নিপীড়নে চৈমন্ত-
কালের রাত্রিতে তাহার কক্ষ ও ললাট দিয়া ঘর্ম্ম বিনিঃসৃত

হইতে লাগিল । আক্ষানকধাননিরত লাকোর মুখ
নাসার শ্বাস প্রশ্বাস একেবারে বন্ধ হইল । কর্ণরন্ধ্র দ্বারা
বহাশব্দ নিঃসৃত হইতে লাগিল । তদন্তর শ্রোত্রের পর্দাস্ত
বায়ু অবরুদ্ধ হইল । ইহাতে বায়ু উর্দ্ধগত হইয়া শির
ও কপালে আঘাত করিতে লাগিল । কুশা (ঘালী) বা
শক্তি দ্বারা আঘাত করিলে যে প্রকার অসহ্য ব্যথা হয়
এ অবস্থায় তিনি সেই প্রকার আঘাত অনুভব করিতে-
ছিলেন । ফলতঃ অটল অচলবৎ, স্থির বৃক্ষবৎ, নিম্পন্দ
জড়বস্ত্রবৎ, বুদ্ধদেব স্থিরভাবে অনশনব্রতধারী হইয়া
সমাধিস্থ রহিলেন । এই সময় তাঁহার আর বাহা জ্ঞান ছিল
না । কত বর্ষা কত তীক্ষ্ণ উত্তাপ তাঁহার মস্তকের উপর
দিয়া চলিয়া গেল, এক স্থানে একাসনে নিষপ্ত ছিলেন;
কখন সম্যক্ প্রকারে জ্ঞানপ্রসারণ করেন নাই । তিনি এত-
দূর দুর্বল হইয়াছিলেন যে তুণ বা তুলা নাসাদ্বারা প্রবিষ্ট
করিলে কর্ণ দিয়া বাহির হইত, কর্ণ দিয়া প্রবেশ করাইলে
মুখ দিয়া বাহির হইত । তাঁহার ঐ এমনি বিকৃত হইয়াছিল
যে গোপবালক প্রভৃতি তাঁহাকে পাংশুপিশাচ মনে করিয়া
তাঁহার গাত্রে ধূলি নিঃক্ষেপ করিত । সে যাহা হউক, সেই
কঠোর সাধনে তাঁহার তপ্তকাকননিভ দেহ কালিমায় পরিণত
হইল, রক্ত মাংস শুষ্ক হইয়া গেল, কণ্ঠ বাহির হইয়া পড়িল,
নয়নদ্বয় কোটরস্থ হইল, পঙ্কর ও পৃষ্ঠের মেরুদণ্ড দেখা
যাইতে লাগিল, জীর্ণ শীর্ণ কলেবর, উথানশক্তিরহিত,

কেশসকল হস্তস্পর্শে খসিয়া পড়িতে লাগিল । অতি ক্রেশে একদা সেই তপস্যার স্থানে ভ্রমণ করিতে করিতে সহসা মুচ্ছিত হইয়া পড়িলেন । পঞ্চ শিষ্য তাঁহাকে গতানু বিবেচনা করিয়া ভীত হইল । শাক্য তখন “শরীরমাদাং থলু ধর্মসাধনং” শরীর ধর্মের প্রধান সাধন, তাহার দুর্বলতার সাধনে ক্ষম হইতে হয়, ইহা বিলক্ষণ উপলব্ধি করিলেন । তখন অল্প পরিমাণে আহার করিতে অভিলাষ করিলেন । তাঁহার কৃচ্ছ্রসাধন পরিত্যাগ দেখিয়া শিষ্যেরা তাঁহাকে ছাড়িয়া বারানগরীতে গমন করিল । হার পুত্র বাৎসল্যের কি আকর্ষণ ! রাজা শুদ্ধোদন এই কঠোর তপস্যাকালে লোক পাঠাইয়া কুমারের সংবাদ লইতেন । তাঁহার সহসা কোনরূপে মৃত্যু না হয় এজন্য নিশ্চিত সতর্ক থাকিতেন ।

ললিতবিস্তরে বিবৃত হইরাছে যে এই ষড়্বর্ষের দুষ্কর সাধন সময়ে শাক্যের মাতা মারাদেবী যেন আত্মরূপে প্রকাশিত হইয়া স্বর্গপুরী হইতে আসিয়া তাঁহার সমক্ষে দাঁড়াইয়া রোদন করিতে লাগিলেন এবং তনয়ের ক্রেশ দেখিয়া তিনি অতিশয় কাতর হইলেন । তাঁহার মুক্তি কিরূপে হইবে এজন্য স্বীয় পুত্রের নিকট বিনীত হইয়া পড়িলেন । বুদ্ধদেব তদবস্থায় তাঁহাকে যোগবলে দর্শন করিয়া বলিলেন, স্বর্গে আমরা মিলিত হইব, কোন ভয় নাই । ফলতঃ এইরূপ কষ্টে সাধ্য তপস্যার প্রিয়মাণ ও বিবর্ণ শাক্য মনোরথসিদ্ধ না হওয়াতে চিন্তামাগরে মগ্ন হইলেন, জীবন যেন নিতান্ত

ভারবহ হইয়া উঠিল, চারি দিকে যেন ঘোর তিমিরাবৃত
অরণ্যময় বোধ হইতে লাগিল । কত প্রকারের সংশয়
তাঁহার হৃদয়াকাশকে আচ্ছন্ন করিল । ভয়ানক আধ্যাত্মিক
সংগ্রামের মধ্যে নিপতিত হইলেন । এমন সময়ে তাঁহারি
নিকট আবার নূতন পরীক্ষা উপস্থিত হইল । সিদ্ধার্থ সিদ্ধ-
কাম না হওয়াতে ভাবিলেন তবে কি গৃহে ফিরিয়া যাইব ?
পিতার স্নেহপাশ ও প্রেমাশ্রু সহজেই যে তুচ্ছ করিয়া
আসিয়াছি । তিনি আমার গৃহে রাখিতে কত অনুরোধ
করিলেন, আমি তাহা অগ্রাহ্য করিয়া তাঁহার মনোঁকি তীব্র
বেদনা দিয়াছি তাহা স্মরণও হৃদয় বিদীর্ণ হয় । প্রিয়তমা
ভার্যা গোপা আমার অদর্শনে কতই না শোকার্ত হইয়া
ধরায় লুপ্তিত হইয়া রোদিন করিয়াছে, আসিবার সময় মনে
হইয়াছিল সেই শিশু রাহুলকে কোঁড়ে লইয়া স্পর্শমুখ অনুভব
করিয়া আসি, কিন্তু পাছে পত্নীর নিদ্রাভঙ্গ হয় এবং তিনি
আমার অভিগমনের বাধা দেন সেই আশঙ্কায় মনের কোঁড়
মিটাতে পারিলাম না । বন্ধুবান্ধবের প্রণয়, আত্মীয়
স্বজনদের স্নেহ উপদেশ, মাতা গৌতমীর রোদন, আমিত
অনায়াসে উপেক্ষা করিয়া আসিয়াছি । কিন্তু এসব কিসের
জনা করিলাম, কি উদ্দেশ্যে এত কষ্ট বহন করিলাম, কেন
এত সুখে জলাঞ্জলি দিলাম, চন্দক যে আসিবার সময়
আমার কত বুঝাইল কত কান্দিল, কত মধুর বচনে আশ্বাস
প্রদান করিতে লাগিল, আমি ত কিছুই মানিলাম না ।

এখন কোন্ মুখেই বা দেশে ফিরিয়া যাই, লোকের নিকট মুখ দেখাইবই বা কেমন কারিয়া । যাহা ভাবিলাম তাহা হইল না, কিন্তু তাহা না লইয়া কপিলবস্ত্রতে পুনরায় প্রত্যাবর্তন করা যে লাপুরুষের কার্য্য । আর এ আমার জীবনেই বা প্রয়োজন কি ? যে মুক্ত হইয়া জীবের সেবার প্রাণ সমর্পণ করিতে না পারিল তাহার এ জড়পিণ্ড বহন করা কি জন্য ? হায় ! পুনরায় নির্লজ্জ হইয়া কি এই অপকর্মে প্রবৃত্ত হইব ? যাহারা প্রতিজ্ঞা রক্ষা করিতে অক্ষম, যাহাদের চিত্তের দৃঢ়তা সহজেই বিচলিত হইয়া যায়, তাহারা আবার কোন্ বিষয়ে সিদ্ধি লাভ করিতে পারে ?

এইরূপ চিত্তের আন্দোলিতাবস্থার মার (১) নামে ভীষণ প্রলোভন তাঁহার সমক্ষে প্রকাশিত হইয়া ভুলাইতে চেষ্টা করিল । কেমন মিষ্টবাক্যে তাঁহাকে প্ররোচিত করিতে প্রবৃত্ত হইল । “হে শাক্যপুত্র ! উঠ, কেন এত শরীরকে কষ্ট দিতেছ ? মনুষ্যের জীবন লাভই শ্রেয়, জীবিত থাকিলে তবেই ধর্ম্মাচরণ করিবে ? তুমি যে অত্যন্ত ক্লশ বিবর্ণ ও ক্ষীণ হইয়া পিয়াছ, মরণ যে তোমার সন্নিকট তাহা কি দেখিতে পাইতেছ না ? তুমি যোগক্লেমপ্রাপ্তির আশয়ে ও ভবিষ্যতে মহৎ পুণ্যলাভার্থ এই সুন্দর শরীর কেন পাত করিতেছ ?

(১) মারঃ কামাধিপতিঃ ।

ল বি, ১৮, অ ।

এমন দুঃখমার্গে চিন্তিনিগ্রহ করিয়া কলৈ কি ? বজ্রাঘুষ্ঠানী ব্যক্তিগণকে প্রচুর অর্থ দান কর তোমার মহাপুণ্য লাভ হইবে, নির্বাণের প্রয়োজন কি ? আমি তোমার প্রচুর ধন রাজ্য দিতেছি, এই ক্লেশ পরিত্যাগ করিয়া সুখ সন্তোষ কর । ”

“নৈবাহং মরণং মন্যে মরণান্তং হি জীবিতং ।

অনিবর্তী ভবিষ্যামি ব্রহ্মচর্য্যপরায়ণঃ ॥

শ্রোতাংস্যপি নদীনাং হি বায়ুরেব বিশোষণেৎ ।

কিং পুনঃ শোষণেৎ কায়ং শোণিতপ্রহিতাঙ্গনাম্ ॥

শোণিতে তু বিণ্ডকে বৈ ততো মাংসং বিণ্ড্যতি ।

মাংসেষু ক্ষীয়মাণেষু ভূয়শ্চিত্তং প্রসীদতি ॥

ভূয়শ্ছন্দশ্চ বীর্য্যঞ্চ সমাধিশ্চাবতিষ্ঠতে ।

তস্মৈবং মে বিহরতঃ প্রাপ্তস্যোক্তমবেদনাং ॥

চিত্তং নো বেকতে কায়ং যস্য মতস্য শুদ্ধশিঃ ॥

অস্তি চ্ছন্দস্তথা বীর্য্যং প্রজ্ঞাপি মম বিদ্যুতে ।

তং ন পশ্যাম্যহং সৌকে বীর্য্যাদ্যো মাং বিচালয়েৎ ॥

মরণং মৃত্যুঃ প্রাণহরো যিগ্গ্রামাং নো চ জীবিতং ।

সংগ্রামে মরণং শ্রেয়ো ন চ জীবৎ পরাজিতঃ ॥”

মারের এই প্ররোচনাবাক্যে শাকাসিংহ প্রভো-
ভিত না হইয়া বীরদর্পে कहিলেন, রে পাপাঙ্গন!
আমিত মরণ মানি না, কারণ মরণান্তই আমার জীবন ।
আমি ব্রহ্মচর্য্যব্রতধারী হইয়াই অবস্থিতি করিব, তাকে

হইতে তথাপি নির্বৃত্ত হইব না । বায়ু নদীর স্রোতকেও শোষণ করে, শোণিতপূর্ণ এই দেহকে শোষণ করিবে তাহা আর বিচিত্র কি ? সমাহিত ব্যক্তিদিগের শরীর শুষ্ক হইলে শোণিত শুষ্ক হইয়া যায় এবং শোণিত শুষ্ক হইলে মাংস শুকাইয়া যায়, আর মাংস ক্ষীণ হইলে চিত্ত প্রসন্ন হয়, পুনরায় পুরুষকার, বীৰ্য্য সমাধিতে অবস্থিতি করে । অতএব আমি এইরূপে তপস্যা করিতে করিতে সর্বোত্তম জ্ঞান প্রাপ্ত হইব, তখন শুদ্ধ মন্বতা লাভ হইলে আমার চিত্তের আর শরীরের অপেক্ষা থাকিবে না । এখনো আমার সেই পুরুষকারী বীৰ্য্য ও প্রজ্ঞা আছে । সে ব্যক্তিকে কোথাও দেখিতে পাই না, যে ব্যক্তি আমাকে বীৰ্য্য হইতে বিচলিত করিবে, বরং প্রাণহর মৃত্যু ভাল জঘন্য নীচতম জীবনে ধিক্ । রিপূর দ্বারা পরাজিত হইয়া জীবিত থাকি অপেক্ষা সংগ্রামে মৃত্যুই শ্রেয়স্কর । ”

বুদ্ধদেব এই প্রকারে যখন সিংহবিক্রমে আত্মপ্রভাবে স্থিরতর প্রজ্ঞাতে মারকে ভেদ করিলেন, তাহাকে অন্তর হইতে বিদায় করিয়া দিলেন, তখন তাঁহার হৃদয়ে প্রচ্ছন্ন পরমাত্মার বল ও প্রসন্নতা অবতীর্ণ হইল । তাঁহার চিন্তাকিশোর মেঘ বিলীন হইয়া গেল, নিরাশার অন্ধকার তিরোহিত হইল, বিশ্বাস বল আত্মনির্ভর উজ্জলরূপে বিকশিত হইল । তিনি প্রতিদিন পিতার উদ্যানে জম্বুবৃক্ষতলে বসিয়া যে ধ্যানভূমিতে আরোহণ করিয়াছিলেন, এখন তাহা-

রই প্রয়োজন বুঝিতে পারিলেন । তৎসম্বন্ধে ইহাও বুঝিলেন “নাসৌ মার্গঃ শক্যঃ এবং দৌৰ্ব্বল্যাপ্রাপ্তেনাভিসম্বোধকুম্ ।” এইরূপ কঠোর তপস্যায় দুর্বল হইয়া অভিলষিত সম্বোধি লাভ করিতে সমর্থ হইব না, অতএব তল্লাভের এপথ নরক । এইরূপে স্থির নিশ্চয় হইলেন এবং ইহা নিতান্ত ভ্রমসঙ্কুল পথ বলিয়া কঠোর তপস্যাাদি পরিত্যাগ করিয়া শরীর-রক্ষার্থ আহারের চেষ্টায় বাহির হইতে মনস্থ করিলেন । নিকটস্থ গ্রামছহিত্গণ এক পরমতপস্বী আসিয়াছেন ও তপস্যায় নিযুক্ত আছেন শ্রবণ করিয়া পূর্ব হইতেই তদর্শনার্থ সেই আশ্রমে আসিতেন । তাঁহাদের মধ্যে বলগুপ্তা, প্রিয়া, সুপ্রিয়া, বিজয় সেনা, অতিমুক্তকমলা, সুন্দরী, কুন্তকারী, উলুবিল্লিকা, অটলিকা ও সুজাতা এই দশ জন নিরত আসিতেন । শাক্য যখন কেবল তণ্ডুল বড়রী বা তিল ভোজন করিতেন, তখন হাঁইরাই তাহা যোগাইতেন । এখনও কঠিন বস্ত্র শাক্যের গুলাধঃকরণ হইত না বলিয়া তাহারা যুগ্ম হইয়া আসিয়া তাঁহাকে খাওয়াইয়া যাইতেন । কিন্তু সর্বশেষে সুজাতাই প্রতিদিন অন্ন মধু পায়স খাওয়াইতেন । বুদ্ধদেব এইরূপে স্বল্প পরিমাণে পান ভোজন করাতে ক্রমে তাহার শরীর সবল হইয়া উঠিল । ছয়বর্ষ যাবৎ এক কাষায় বস্ত্র পরিধানে ছিল, সুতরাং তাহা জীর্ণ ও শীর্ণ হইয়া গিয়াছিল । সুজাতার রাধানাম্নী মৃত্যু দাসীর শশানস্থ বস্ত্র বামপদে আক্রমণ পূর্বক দক্ষিণ

হস্ত প্রসারণ করত গ্রহণ করিল। পানিহত * পুষ্করিণীতে
প্রক্ষালন পূর্বক তাহাই পরিধান করিলেন। রাজকুমার
হইয়া একপ বৈয়াগ্য প্রদর্শন না করিলে জগৎ কখন উদ্ধার
হইত না।

উরুবিবের নিকট মলিকগ্রামে সূজাতার আবাস স্থল।
তিনি অতিশয় সাধু ব্রতপরায়ণা ও পতিব্রতা নারী ছিলেন।
সাধু সন্ন্যাসী শ্রমণদিগের সেবা না করিয়া জলগ্রহণ করি-
তেন না, এই তাঁহার এক নিত্য ব্রত ছিল। এক দিন তাঁহার
মনে হইল যে নৈরঞ্জনানদীতীরস্থ তপস্বীর পদধূলি আমার
ভবমে কি পড়িবে না? তাহা না হইলে গৃহ যে পবিত্র
হয় না। এই স্থির করিয়া এক দিন তিনি বুদ্ধদেবের নিকট
গিয়া চরণে প্রণিপাত করিয়া বলিলেন অদ্য আমার গৃহে
যাইতে হইবে। তিনি সূজাতার ভক্তিপরায়ণতা, সেবা ও
ধর্ম্যভাব দেখিয়া একান্ত প্রীত হইয়াছিলেন, সূতরাং তাঁহার
নিমন্ত্রণ গ্রহণ করিলেন। শাক্যসিংহ ঐ সাধবী রমণীর
আবাসে গিয়া উপস্থিত হইলে সূজাতা অতি ভক্তিসহকারে
বিবিধপ্রকার আয়োজন করিয়া স্বর্ণ থালে ভোজন দ্রব্য
লইয়া উপস্থিত করিলেন। শাক্য তাহা দেখিবামাত্র বলি-

* শাক্যের অভিলাষ বুঝিয়া দেবগণ হস্তদ্বারা মৃত্তিকা
খনন পূর্বক এই পুষ্করিণী প্রস্তুত করেন, এজন্য ইহার নাম
পানিহত।



লেন, হে ভগিনী স্বর্ণপাত্র কেন? আমার জন্য এরূপ ভোজন
পাত্রে প্রয়োজন নাই। কিন্তু স্বজাতার অনুরোধ ও সেবানু-
রাগ দেখিয়া তিনি তাহাতেই ভোজন করিলেন। এই
সময় হইতেই স্বজাতা ঐ তপস্বীর প্রতি বিশেষ ভক্তিভাবে
অনুরক্ত হইয়াছিলেন, তপস্যা যে মুক্তির কারণ তাহা
কথঞ্চিৎ প্রতীতি করিয়াছিলেন। অনন্তর বুদ্ধদেব সেই স্বর্ণ-
পাত্র এবং চীবর পরিত্যাগ করিলেন, একখণ্ড কোপীন
গ্রহণ করিলেন এবং ষড়্‌বর্ষান্তে নৈরঞ্জনানদীতে অবগাহন
পূর্বক শীতল ও শুদ্ধ হইলেন। এই ছয় বৎসর তাঁহার পক্ষে
যেন একটি যুগ চলিয়া গেল, যেন এক ভয়ানক মহাপ্রলয়
হইয়া গেল। না নিদ্রা, না আহার, না স্নান, না দর্শন, না
গমন, না অন্য কিছুর মনন, না কাহারো সহিত আলাপন,
কিছুই ছিল না। পৃথিবীর সহিত তাঁহার কোন সন্ধি ছিল না,
শরীরকে অতিক্রম করিয়া এক গভীর ধ্যান জগতেই তিনি
অবস্থিত ছিলেন। ইন্দ্রিয়সকল স্ব স্ব কার্য্য হইতে নিবৃত্ত ছিল,
বিচেষ্টন বলিলেই হয়। ঐ সময়ে তিনি জড়প্রায় হইয়া
গিয়াছিলেন। এক অলৌকিক জ্ঞান, এক বিচিত্র অদ্ভুত
শক্তি লাভার্থ একেবারে বিহ্বল ও সংজ্ঞাহীন ছিলেন। তৎ-
কালে শারীরিক চৈতন্য বিলুপ্তপ্রায় হইয়াছিল; কেবল
আত্মজ্ঞানে ধ্যানবলে প্রজ্ঞালোকে নিত্য চৈতন্যস্রোত
প্রবাহিত হইত। কিন্তু ঈদৃশী অবস্থায় তাঁহার প্রার্থনীর
সম্বোধি লক্ষ হইল না। ইহা কে বুঝিতে সক্ষম? এমন

কি জ্ঞান চাহিয়াছিলেন যাহা এতাদৃশ তপস্যায় পাওয়া যায় না। ইয়োরোপের প্রধান প্রধান বিজ্ঞ পণ্ডিতেরাও ইহার মীমাংসা করিতে পারেন নাই। শাক্যসিংহ এমন কোন আলোকে আলোকিত হইতে ইচ্ছা করিয়াছিলেন, যাহা শাস্ত্রপাঠে, কষ্টের তপস্যায়, বৈরাগ্যসাধনে, বাসনা ত্যাগে ও নিষ্পন্দ ধ্যানের প্রতীত হইল না! ইহার নিষ্পত্তি পরে হইবে।

সিদ্ধিলাভ ও নির্বাণতত্ত্ব ।

তত্ত্বলিপ্সু সিদ্ধার্থ পুরাতন প্রণালীতে অতৃপ্ত হইয়া এবং বৃথা ক্লেশ স্বীকার মনে করিয়া এখন অন্যতর মার্গ অন্বেষণে প্ররুত হইলেন। তিনি প্রথমে হিন্দুশাস্ত্রোক্ত সমাহিত ঋষিদিগের প্রদর্শিত তপস্যাপ্রণালী অবলম্বন করিয়াছিলেন। নির্বিকল্পসমাধিসাধনে দ্বিধি অনুসারে তদভ্যাসে তাঁহাকে রত হইতে হইয়াছিল। তিনি পুরাতন প্রচলিত পথে চলিলেন বটে, কিন্তু তাঁহার লভনীর ও ধোয় বস্তু শূন্য। ঋষিরা এক চিন্ময় সত্তামাত্র প্রতীতি হেতু ঐরূপ যোগাভ্যাসে নিযুক্ত হইতেন, কিন্তু শাক্য আদর্শ স্বতন্ত্র রাখিয়া এক উপায় গ্রহণ করাতে বিষয় পরীক্ষায় নিপতিত হইয়াছিলেন। তখনও তাঁহার জীবনে প্রকৃত আদর্শ উত্তমরূপে প্রতীত হয় নাই, তাহাতে দৃঢ়নিশ্চয় হয় নাই, এই অন্য

বাস্তবিক তাঁহার মনোরথ পূর্ণ হইল না । আদর্শে পরি-
ষ্কার জ্ঞান ও অটল বিশ্বাস না হইলে তদ্বিষয়ে সিদ্ধিলাভ
অসম্ভব । এষ্ট কারণে তিনি পুনরায় চিন্তাসাগরে ডুবিলেন
এবং উপায়ান্তর উদ্ভাবনে কৃতসংকল্প হইলেন ।

ষড়্‌বর্ষ (১) ব্রততপ (২) উত্তরিষ্মা (৩) ভগবান্

এবংমতিং চিন্তয়েৎ (৪)

সচেদহং ধ্যান (৫) অভিজ্ঞজ্ঞান বলবানেবং

কৃশাগ্নোহপি সন্ ।

গচ্ছেয়ং ক্রমরাজমূল (৬) বিটপী (৭) সর্বজ্ঞতাং

বুদ্ধ্যতুং । (৮)

নো মে স্যাদনুকম্পিতা চ জনতা এবং ভবেৎ পশ্চিমা ।

তখন মহাপুরুষ শাক্যমুনি ষড়্‌বর্ষ তপস্যাচরণ করিয়া
এইরূপ ভাবিলেন যে যদিও আমি দুর্বল তথাপি ধ্যান অভিজ্ঞা
ও জ্ঞানবলে বলীয়ান্ । এখন ঐ তরুতলে সর্বজ্ঞতালভার্থ
গমন করি, আমার অন্তর্গত করে এমন আর এখনও কেহ
নাই, পরেও কেহ নাই । এষ্ট স্থির করিয়া তিনি নৈরঞ্জন
নদীতে অবগাহন করিয়া বিশুদ্ধ ও শীতল হইলেন, তত্রত্যা
বোধিক্রমতলে প্রস্থান করিলেন । তথায় উপবিষ্ট হইয়া প্রথমে
পূর্বতন প্রমুক্ত বোধিসত্ত্বদিগের চরিত আলোচনা করিতে

১ (১) ষড়্‌বর্ষৈঃ । (২) ব্রততপোভিঃ । (৩) উত্তীৰ্ণ্য ।
(৪) অচিন্তয়েৎ । (৫) ধ্যানাভিজ্ঞা । (৬) ক্রমরাজস্য-
মূলে । (৭) বিটপিনঃ । (৮) বুদ্ধ্যুৎ ।

লাগিলেন এবং তাঁহাদের মার্গানুসরণে অভিলাষী হইলেন, এবং ভাবিলেন, দেবগণ যে জ্ঞানলাভ করিতে অসমর্থ হইয়াছিলেন আমরা তাহার জন্য যত্নবান্ হইতে হইবে । এই সঙ্কল্পে চিন্তার উদয় হওয়াতে তাঁহার হৃদয়ে বল আসিল, মৃত মানুষ বিশ্বাস ও প্রতিজ্ঞাবলে জীবিত হয়, তাঁহার আত্মাতে জীবন সঞ্চারিত হইল । পূর্বতন মুক্ত জিনদিগের আত্মা তাঁহার চিত্তে বাস্তবিক আবির্ভূত ও নিগূঢ়যোগে মিলিত হওয়াতে তাঁহার তেজ ও ক্ষুধা শত গুণ বৃদ্ধি পাইল । তখন এক আসন করিয়া বসিলেন । তথায় উপবিষ্ট হইয়া চিত্তকে অবস্থান্তরে লইয়া গেলেন, তাঁহার নবজীবন যাহাতে লাভ হয় দেবগণ তদ্বিষয়ে সহায় হইলেন । কথিত আছে যে তাহাদের ভাব তাঁহার অন্তরে প্রকাশিত হইল এবং সেই প্রেরণা এবং পরপারস্থ উত্তেজনায় তিনি পুনরায় সমাধিস্থ হইতে প্রবৃত্ত হইলেন । তখন সকলে মনে করিলেন, ইনি মহাব্রহ্মভূত, সৰ্বপারমিতাপ্রাপ্ত সৰ্বধৰ্ম্মবশবর্তী সুনির্মল । এখন ইনি মহাধৰ্ম্মচক্রপ্রবর্তনার্থ, এবং সমস্ত জীবদিগকে ধৰ্ম্মদানে পরিভূপ্ত করিবার জন্য, জ্ঞানহীন মানবদিগকে চক্ষুশ্রাব্য করিবার নিমিত্ত, অত্যাচারী নিন্দুকদিগের ধৰ্ম্মদ্বারা নিগ্রহার্থ ও সৰ্বধৰ্ম্মৈশ্বর্য্য প্রাপ্তার্থ বোধিদ্রুমমূলে গমন করিয়াছেন । বুদ্ধদেব এবার ললিত বাহনামে সমাধি আরম্ভ করিলেন । তখন তিনি সমাধিবলে সমুদায় বোধিসত্ত্বগণের সঙ্গে মিলিত হইলেন । সেখানে তৃণ আস্তরে উপবেশন করিয়া

একান্তভাবে প্রেমাতিভিন্ন চিত্তে তৃণসংগ্রাহক স্বস্তিকের
নিকট প্রার্থনা করিলেন ।

শৃণু দেহি মি (১) স্বস্তিক শীঘ্রং অদ্য মমার্থ (২) তৃণৈঃ
সুমহাস্ত সবলং নমুচিং নিহনিহ্না (৩) বোধিমনুত্তর (৪)
শান্তিং স্পৃক্ষিষ্যো ।

যস্য কৃতে ময়ি (৫) কল্পসহস্রা (৬) দানু (৭) দমোপিচ
সংযমত্যাগা (৮) ॥

শীলব্রতঞ্চ তপশ্চ সূচীর্ণা (৯) তস্য নিষ্পদি (১০)
ভেষ্যতি (১১) অদ্য ॥

ক্ষান্তিবলন্তথ (১২) বীৰ্য্যবলঞ্চ ধ্যানবলং তথ প্রজ্ঞা (১৩) বলঞ্চ ।
পুণ্য (১৪) অভিজ্ঞবিমোক্ষবলঞ্চ তস্য মি (১৫) নিষ্পদি
ভেষ্যতি অদ্য ॥

পুণ্যবলঞ্চ ত্বাপি অনন্তং যন্মম দাস্যসি অদ্য তৃণানি ।
নহ্যবরং তব এতু (১৬) নিমিত্তং ত্বমপি অনন্তরু (১৭)
ভেষ্যসি শাস্ত্রা (১৮) ॥

হে স্বস্তিক, শ্রবণ কর, অদ্য অনতিবিলম্বে আমার

- (১) মহ্যম্ । (২) অর্থঃ । (৩) নিহত্য । (৪) অনুত্ত-
রাম্ । (৫) ময়া । (৬) কল্পসহস্রপর্য্যন্তমিত্যর্থঃ । (৭) দানম্ ।
(৮) সংযমত্যাগৌ । (৯) সূচীর্ণম্ । (১০) নিষ্পত্তিঃ এবমন্যত্র ।
(১১) ভবিষ্যতি এবমন্যত্র । (১২) তথা এবমন্যত্র ।
(১৩) প্রজ্ঞা— । (১৪) পুণ্যাভিজ্ঞা— । (১৫) মে । (১৬) এত-
নিমিত্তম্ । (১৭) অনন্তরূপম্ । (১৮) শাস্ত্রম্ ।

তৃণ দান কর, আমার তৃণে প্রয়োজন আছে । প্রকাণ্ড বলবান্ মার রিপুকে নিহত করিয়া বোধিপ্রাপ্তানন্তর শান্তি স্পর্শ করিব । যাহার জন্য আমি বহু বৎসর দান দম সংযম ত্যাগ শীল ব্রত তপস্যা আচরণ করিলাম, অদ্য তাহার নিস্পত্তি হইবে । আমার ক্ষান্তিবল বীর্য্যবল ধ্যানবল প্রজ্ঞাবল ও পুণ্যান্ধিত্তা বিমোক্ষবল অদ্য নিস্পত্তি হইবে । অদ্য তুমি আমায় তৃণ দিলে তোমার অনন্ত পুণ্যবল লাভ হইবে । এজন্য তোমার অল্প পুণ্য হইবে না । তুমিও অনন্ত অনুশাসন হইবে । তখন স্বস্তিক তাঁহার এই মধুর বাক্য শ্রবণ করিয়া সন্তুষ্ট হইলেন । মুছে তৃণমুষ্টি লইয়া বলিলেন, হে অপরিমিতযশা মহাশুণসাগর, জ্ঞানদৃষ্টিতে পুরাতন জিনপথে অবস্থান করতি যদি ক্ষণাপরি শয়ন করিয়া অমৃতত্ব ও উত্তমা শান্তি লাভ হয়, তবে আমিও প্রথমে এইরূপে অমৃত পদ লাভ করিতে চাই ।

এষা স্বস্তিক বোধি (১) লভ্যক্কে তৃণবরশয়নৈ, শচরিত্ত্বা বহুকল্প (২) দুষ্করী (৩) ব্রততপ (৪) বিবিধাং (৫) । প্রজ্ঞা পুণ্য উপায় উদগতো (৬) যদ (৭) ভবি (৮) মতিমাং, স্তৎ-পশ্চমজ্জিন(৯) ব্যাকরোতি মুনয়ো(১০) ভবিষ্যসি বিরজঃ(১১) ॥

(১) বোধিঃ । (২) বহুকল্পম্ । (৩) দুষ্করাণি (৪) ব্রত-তপাংসি । (৫) বিবিধানি । (৬) প্রজ্ঞা পুণ্যোপায়ো-দগতঃ । (৭) যদা । (৮) ভবতি । (৯) জিনম্ । (১০) মুনিঃ । (১১) বিরজকঃ ।

যদি বোধি (১২) উয়ং শক্কা (১৩) স্বস্তিক (১৪) পরজনি (১৫)
দত্তিতু (১৬)

পিণ্ডীকৃত্য চ দেয় (১৭) পাণিনা মা (১৮) ভবতু বিমতিঃ ।
যদি (১৯) বোধি ময় (২০) প্রাপ্ত (২১) জানসে (২২) বিভ-
জামি অমৃতং

আগত্যা (২৩) শৃণু ধর্ম্মশুক্তং সন্তুবিষ্যসি বিরজঃ (২৪) ॥

হে স্বস্তিক, বহু বৎসর বিবিধ ছফর তপস্যাচরণ করিয়া
তৃণান্তরণে শয়ন করতঃ বোধি লাভ হয়। যখন প্রজ্ঞা
পুণ্য উপায় উদ্ভূত হয় তখন প্রমুক্ত হইয়া জিনপুরুষকে
প্রকাশ করে। হে স্বস্তিক! এই বোধি (শ্রেষ্ঠজ্ঞান) পিণ্ডী-
কৃত করত হাতে করিয়া যদি অপরকে দেওয়া বাইতে পারিত
বলিতে পারিতে দাও, এরূপ বিমতি যেন তোমার না হয়।
যদি আমি সেই বোধি প্রাপ্ত হই এবং তুমি জানিতে পাও
আমি অমৃত বিভাগ করিয়া দিতেছি, আমার নিকট
আসিয়া ধর্ম্মশুক্ত বাক্য শ্রবণ করিও, তুমি বিরজক হইবে।
তখন তিনি তৃণমুষ্টি লইয়া বোধিবৃক্ষের দিকে গমন করি-
লেন এবং ক্রমরাজকে সাত বার প্রদক্ষিণ করিয়া তৃণসকল
আন্তরণ পূর্ব্বক শীলবৎ ক্ষান্তিমৎ বীৰ্য্যবৎ ধ্যানবৎ প্রজ্ঞাবৎ

-
- (১২) বোধিঃ । (১৩) শক্যতে । (১৪) স্বস্তিক ।
• (১৫) পরজনায় । (১৬) দাতুম্ । (১৭) দেহি (১৮) মা ।
(১৯) যদি । (২০) ময়া । (২১) প্রাপ্তা । (২২) জানাসি ।
(২৩) আগত্যা । (২৪) বিরজকঃ ।

জ্ঞানবৎ পুণ্যবৎ নিহতমারপ্রত্যর্থিকবৎ আপনাকে
দর্শন করিয়া তত্পরি ক্রোড়ে হস্ত রাখিয়া বীরাসনে উপবেশন
করিলেন, শরীরকে স্বরলভাবে স্থাপন করিয়া বৃক্ষাভিমুখী
হইয়া বসিলেন । “অভিমুখাং স্মৃতিমুপস্থাপ্য ঈদৃশঞ্চ দৃঢ়-
সমাদানমকরোহ” স্মৃতিকে অভিমুখীন করিয়া এইরূপ দৃঢ়
প্রতিজ্ঞা করিলেন ।

ইহাসনে শুষাতু মে শরীরং

তৃণস্থিমাংসং প্রলয়ঞ্চ যাতু ।

অপ্রাপ্য বোধিৎ বহুকল্পদুর্লভাং

নৈবাসনাৎ কায়মতশ্চলিষাতে ॥

এই আসনেই আমার শরীর শুষ্ক হইয়া যাক, তৃণ অস্থি
মাংস প্রলয় প্রাপ্ত হউক, বহুকাল উপস্য়ারও দুর্লভ
যে বোধি তাহা না পাইয়া যেন আমার শরীর এই আসন
হইতে চলিত না হয় ! কি প্রতিজ্ঞার বল, কি দৃঢ়তা !
হিমালয় পর্বত বিস্তীর্ণ সাগর তখন তাঁহার নিকট
যেন প্রকাশিত হইল । কি বীরের মত স্থির প্রতিজ্ঞা
হইয়া উপবেশন করিলেন । বিশ্বাসের আলোকে আধ্যাত্মিক
বলে তাঁহার সর্বশরীর দিব্যকান্তি লাভ করিল । যেন
পাপ ও বিষয়বাসনাকে ভস্মীভূত করিবার জন্য ঐ
পাদপমূলে জলন্ত অনলের ন্যায় প্রদীপ্ত পাইতে লাগি-
লেন । এই প্রথম সমাধিকালে তাঁহার শরীর হইতে
এক অপূর্ব তেজ নির্গত হইল, সেই তেজে যেন নিয়ত

অলিতেছেন বোধ হইল । নবীন যোগীর শতগুণ মৌন্দর্য্য
বিকশিত হইল । পূর্বতন বোধিসত্ত্বগণ বৃক্ষমূলে তাঁহার
সমীপে উপনীত হইলেন । সকলেরই এক ভাবের সাধন ।
ঈশাও মুসা ও আইজায্যার আত্মাকে প্রত্যক্ষ করিয়া-
ছিলেন, তাঁহাদের ভাব তাঁহার আত্মাতে প্রবিষ্ট হইয়া-
ছিল । সুবিজ্ঞ প্রেরিত পল ঈশার দর্শনে মুগ্ধ হইয়া
গিয়াছিলেন । সেই আধ্যাত্মিক দর্শনই তাঁহার পাপ-
জীবনে পরিবর্তন আনয়ন করে । এইকপে সকল মহা-
জনেরা পূর্ববর্তী ভক্তগণের সঙ্গে মিলিত না হইয়া
থাকিতে পারেন না, ভাবের একতা স্থানের বাবধান,
ব্যাপ্তির দূরতা বিনাশ করিয়া দেয় । সকলে এক যাজ্যের
অধিবাসী হইয়া ইহলোকেই সাধু পরলোকগত আত্মার
সঙ্গে ভাবে কথোপকথন করিয়া থাকেন । কারণ উভ-
য়েই ভাবের ভাবুক ও ভাবজগতে বাস করিয়া ভাব-
রস পান করিয়া থাকেন । এই সময়ে শাকানিংহ পূর্বতন
বোধিসত্ত্বগণের সঙ্গে ভাবে মিলিত হইলেন । তাহাতে
তাঁহার সাধনার বিশেষ সহায়তা হইল, জীবনে প্রচুর
স্বর্গীয় বল সঞ্চারিত হইল, জ্ঞানচক্ষু ও অন্তর্দৃষ্টি প্রস্ফুটিত
হইল ; কিন্তু তথাপি জীবন পরিবর্তিত হইল না, এখন ও
তাঁহার অবশিষ্ট রহিল । ললিতবাহু প্রভৃতি দশ জন
বোধিসত্ত্ব আলোকে আকৃষ্ট হইয়া তথায় উপনীত হন ।
প্রত্যেক বোধিসত্ত্ব তাঁহার প্রশংসাসূচক এক একটা গাথা

৩০ . শাক্যমুনিচরিত ।

গাইতে আরম্ভ করিলেন । আমরা দুইটি গাথা উদ্ধৃত
করিলাম ।

কম্বো যেন বিশোধিতঃ সুবহুশঃ পুণেন জ্ঞানেন চ
যেন লাচ (১) বিশোধিতা ব্রততপৈঃ (২) সত্যেন ধর্মেন চ ।
চিত্তং যেন বিশোধিতং হিরি (৩) ধৃতী ককণায় (৪)

মৈত্র্যা তথা ।

নো (৫) এষ ক্রমরাজমূলোপগতঃ শাক্যপ্র : পূজ্যতে ॥

ল, বি, ২০ অ, ১

যিনি পুণ্য ও জ্ঞান দ্বারা শরীরকে বহু প্রকারে শুদ্ধ
করিয়াছেন, যিনি ব্রত তপস্যা ও সত্য ধর্ম পালনে
বাক্য নিশ্চল করিয়াছেন, যিনি লজ্জা ধারণা দয়া ও
প্রেমেতে চিত্ত পবিত্র করিয়াছেন, সেই শাক্য প্রভু বোধি
ক্রমতলে সকলের পূজনীয় হইতেছেন ।

ধর্মামেঘ (১) ক্ষুরিত্ত্ব (২) সর্বত্রভাবে বিদ্যাধিমুক্তিপ্রভঃ
সদ্ধধর্মক বিরাগ (৩) বর্ষ অমৃতং (৪) নির্বাণ সং-

প্রাপকম্ ।

সর্ব্বা রাগকিলেশ (৫) বন্ধনলতাং নো (৬) বাসনা (৭)

ছেৎস্যাতি

(১) বাক্ । (২) ব্রততপোভিঃ । (৩) হ্রী ।
(৪) কাকণ্য । (৫) সঃ । (৬) মূলমুপগতঃ ।

(১) ধর্মামেঘ । (২) ক্ষুরিত্ত্বা । (৩) ধিরাগম্ । (৪) বর্ষিত্ত্বা ।
(৫) সর্ব্বাং—ক্লেশ— । (৬) স । (৭) বাসনাম্ ॥

ধ্যানক্ৰিয়ণ (১) ইন্দ্রিয়ৈঃ কুশুমিতঃ শ্রদ্ধাকরং দাসাতে ॥

ল বি ২০ অ ।

ইনি সমুদায় জগতে ধর্মমেষ প্রকাশ করিয়া, অল্পপম বিদ্যা ও মুক্তি প্রভন্ন দীপ্যমান হইয়া, সদ্ধর্ম বৈরাগ্য ও নির্বাণপ্রদ অমৃত বর্ষণ করত সকল প্রকার বাসনাক্লেশ-বন্ধন লতা ছেদন করিবেন এবং ধ্যানবলে বিকসিতশ্রদ্ধা ফল প্রদান করিবেন ।

মহাবীর শাক্যের কার্য বাক্ চিত্ত এ তিনের ত্রিবিধ সাধনের প্রণালীও অতি চমৎকার । ঐ বটবৃক্ষমূলে বসিয়া মুনিবর শাক্য স্বীয় শরীর ইন্দ্রিয়ের বিষয় ও ইন্দ্রিয়জনিত সুখের বিষয়ের প্রতি দৃষ্টিপাত করিয়া “সর্বো অনিত্য। অশ্রুবাঃ সর্বো অনিত্য। অশ্রুবাঃ অনিত্যঃ সুখ মিত্তি” সাবলম্ব ধ্যানে এই জ্ঞান তাঁহার প্রত্যক্ষ হইল । ইন্দ্রিয়ের বিষয়ে বাসনাশূন্য হইলেন, শারীরিক বিকার আর ঘটিল না । সুতরাং একেবারে পার্থিব সুখ দুঃখের অতীত অবস্থায় উপনীত হইলেন, অর্থাৎ হস্ত চক্ষু কণ ও অপরাপর ইন্দ্রিয় ক্রিয়া তিরোহিত হইল এবং অনিত্য জ্ঞান নিত্য শান্তি অমৃত লাভে শরীর উপযুক্ত হইল । শরীর একেবারে বিচলিত হইল, এজন্য শাক্যের ইন্দ্রিয়বিকার অসম্ভব হইয়া গেল । এইরূপে তিনি সংযম, তপস্যা, সত্যকথন ও বিধি পূর্ণ

(১) বলেন্দ্রিয়ৈঃ ।

করিয়া বাক্যকে পবিত্র করিলেন এবং চিত্তকে পাপের প্রতি
লজ্জা ধারণা অর্থাৎ যদ্বারা সকল অবস্থাকে জয় করা যায়
একপন্থা একাগ্রতা, দয়্য ও প্রেমে পরিপূর্ণ করিয়া বিশুদ্ধ হই-
লেন অর্থাৎ এইরূপে ক্রাম ক্রোধ লোভ মোহ মদ, মাৎসর্য্যকে
একেবারে জয় করিয়া ফেলিলেন । তখন তাঁহার চিত্ত সামা-
বস্থায় উপস্থিত হইল । তিনি এমন সাধনের ভিতর পড়ি-
লেন, যেখানে সুখও নাই দুঃখও নাই, অনুরাগও নাই
বিরাগও নাই, ইচ্ছাও নাই অনিচ্ছাও নাই, মানও নাই
অভিমানও নাই, স্তুতিও নাই নিন্দাও নাই । স্থাবরং চিত্তকে
এক অনন্ত বোধিসত্ত্বায় সমর্পণ করিয়া তিনি অভাব পক্ষের
মুক্তি সাধনে কৃতকার্য্য হইলেন, তাঁহার অন্তর আকাশবৎ
বিস্তারিত হইল, সকল ক্ষুদ্রতা ও বন্ধ ভাব লুপ্ত হইয়া গেলেন ।

বোধিজন্মমূলে তথাগত একান্ত সমাধি ও ধারণাদ্বারা
মুক্তিলাভের এক সোপান হইতে উচ্চতর সোপানে উঠিত
হইতে লাগিলেন । তাঁহার চিত্তে জৈদৃশী চিন্তার উদয়
হইল যে বাসনাকে জয় করিতে পারিলে সকলের জয় হয় ।
কারণ অন্তর্বাহ্য সকল প্রকার রিপূর মূলে এক বাসনাই
বিন্যাসমান । সকল ইন্দ্রিয়ই তাহার দ্বারা পরিচালিত,
তাহারই বশবর্তী । অতএব সেই বাসনারই মৃত্যুতে সকলের
মৃত্যু, তাহার অভাবে সকলের অভাব । এইরূপ চিন্তা
করিতে করিতে সমাধিস্থ হইলেন । তৎপরে নাকি তিনি
‘সর্ব্বমারমণ্ডলবিক্ষণসকরীং নানৈক্যং রশ্মিমুৎসৃজৎ (উদ-

স্বজ্ঞঃ।)''অর্থাৎ তাঁহার আত্মার চক্ষু হইতে সর্বকামনা বিধাতী
এক আলোক বাহির হইল। সমাধিকালে ঐ তেজ না
পাইলে বাসনার অতীত অবস্থায় নিত্যকাল তিনি অক্লান্তি
করিতে পারিতেন না। সাধকেরা অনেক কষ্টে হয়ত পাপ
দমন করিতে পারেন, কিন্তু জীবনে পাপ^১ অসম্ভব করা
নিতান্ত দুর্লভ কার্য, তাহা এক স্বর্গীয় তেজ ভিন্ন অসম্ভব
হইবার নহে। সেই জন্য এই তেজঃপুঞ্জে পরিবৃত হইয়া
বুদ্ধ এক স্বর্গীয়লাবণ্য ধারণ করিলেন। এই সময়ে তাঁহার
নিকট আবার এক পরীক্ষা আসে। প্রদীপ্ত হৃতাশনেই
পতঙ্গের পতন। সে আলোকের অভিমুখেই ধাবিত হয়।
অন্য স্থান পরিত্যাগ করিয়া আলোকের দিকে যাইতে
তাঁহার কেন অশ্রুচি হয়? নতুবা মরিবে কেন। তাই
মার অন্যান্য ধরিয়া তাপস বুদ্ধের তেজের সম্মুখে পড়িল।
তাঁহার প্রসন্ন মুখকমল দর্শন করিয়া পলায়ন করিল তবু
ছাড়িল না। বহুবিধ চেষ্টায় অকৃতকার্য হইয়া দুষ্টমতি মার
তাঁহাকে আসন হইতে উঠাইবার নিমিত্ত বিশেষ চেষ্টা পাইল,
তাঁহার প্রতিজ্ঞাভঙ্গ করিতে যত্নবান হইল, এবং তাঁহার
চিত্তকে বিচলিত করিতে নানা কৌশল বিস্তার করিল।
তখন সে সগর্বে বলিতে লাগিল।

কামেশ্বরোহ্মি বসিতা ইহ সর্বলোকে

দেবাশ্চ দানবগণা মনুজাশ্চ তীৰ্থা (১) ।

(১) তীর্থকঃ ।

বাপ্তামরা মম বশেন চ যান্তি সূৰ্বে

উত্তিষ্ঠমহা (১) বিষয়স্থ (২) বচং (৩) কুরুষ ॥

নুনরাহ । একশ্রবকঃ শ্রবণ কিং করোষি রণ্যং (১)

“যং প্রার্থয়নাস্থলভঃ খলু স(২)প্রয়োগঃ ।

ভৃগ্নিঃ প্রভৃতিভিস্তপসা প্রযত্নাং

প্রাপ্তং ন তৎপদবরং মমুজঃ কুতস্তম্ ॥

দেখ, আমি কামাধিপতি, আমি সমুদায় লোক
আচ্ছাদন করিয়া আছি । দেব দানব মানব ও তীর্থ্যক জাতি
প্রভৃতি ইহলোক কি সর্বলোকস্থ প্রাণীই আমার বশীভূত ।
আমি সকল জীবেই বাপ্ত আছি । অতএব তুমি এখন উঠ
আমার মতানুযায়ী হও । আরও দেখ তুমি একা শ্রবণ
কিরূপে আমার সহিত সংগ্রাম করিবে ? তুমি যাহা প্রার্থনা
করিতেছ ও প্রাপ্তি হ্রলভ জানিবে । কারণ পূর্বে ভৃগু
অগ্নিরা প্রভৃতি ঋষিগণ বহুযত্নে তপস্যা করিয়াও সেই শ্রেষ্ঠ
পদ প্রাপ্ত হন নাই, তুমি মানবতনয় তাহা কোথায়
পাইবে ?

মারের এই গবিত বাক্য শ্রবণ করিয়া শাক্য বলিলেন ।

অজ্ঞানপূর্ব (১) কুতপো (২) ঋষিভিঃ প্রতপ্তঃ (৩)

(১) মম । (২) বিষয়স্থ । (৩) বাচম্ ।

(১) রণম্ । (২) সঃ ।

(১) অজ্ঞানপূর্বম্ । (২) কুতপঃ । (৩) প্রতপ্তম্ ।

ক্রোধাভিভূতমুত্তিভির্দিব (৪) লোককাটমঃ ।

নিত্যাননিত্যমিতি চাত্মনি সংশ্রয়ন্তিঃ

মোক্ষঞ্চ দেশগমনস্থিতমাশ্রয়ন্তিঃ ॥

তে তত্ত্বতোর্থরহিতাঃ পুরুষঃ বদন্তি

ব্যাপিং (১) প্রদেশগত (২) শাস্ততমাদ্বৈতকে ।

মূর্ত্তিং ন মূর্ত্তি (৩) মণ্ডণং গুণিনং তথৈব

কর্তা ন কর্তা ইতি চাপ্যাপরে ক্রবন্তি ॥

প্রাপ্যাদ্য বোধি (১) বিরজা (২) মিহ চাসনাস্থ

জ্ঞাং জিহ্ব (৩) মার বিহতং (৪) সবলং সসৈন্যম্ ।

বর্ত্তিষ্য (৫) মস্যা জগতঃ প্রভবোদ্ভবঞ্চ (৬)

নির্ব্যাণদুঃখশমনং তথ (৭) সী (৮) তিভাবম্ ॥

দেখ, পূর্ব্বতন স্বাধিগণ অজ্ঞানপূর্ব্বক কুতপস্যা করিয়া-
ছিলেন। কারণ তাহারা স্বর্গাভিলাষী ছিলেন এবং
ক্রোধাভিভূত হইতেন। আত্মাতে নিত্য, অনিত্য জ্ঞান
আশ্রয় করিতেন এবং কোন লোকে গমনরূপ মোক্ষ ইচ্ছা
করিতেন। তত্ত্বঃ তাহারা অর্থশূন্য হইয়া এক পুরুষের
কথা বলিয়াছেন। এই পুরুষকে কেহ ব্যাপ্ত কেহ এক-

(১) হু—।

(১) বোধিম্ । (২) প্রদেশগতম্ । (৩) মূর্ত্তমমূর্ত্তম্ ।

•(১) বোধিম্ । (২) বিরজকাম্ । (৩) জিহ্বা ।

(৪) বিহত্যা । (৫) বর্ত্তিষ্যে । (৬) প্রভবমুদ্ভবঞ্চ ।

(৭) তথা । (৮) অস্তি ।

প্রদেশগত কেহ নিত্য বলিয়াছেন, আবার কতক লোকে
 তাঁহাকে মূর্ত অমূর্ত, সত্ত্ব নিগূর্ণ কর্তা অকর্তা বলিয়াছেন ।
 আমি এই আসনে উপবিষ্ট হইয়া সেই নিম্নল জ্ঞান অদ্য
 লাভ করিয়া হে মার, সসৈন্য ও বলবান্ হইলেও
 তোমাকে নিহত ও জর করিব এবং এই জগতের জন্ম মৃত্যু
 বিলোপ করিয়া অস্তীতি ভাব ও দুঃখ নাশক নির্বাণ প্রব-
 র্ত্তি করিব । এই বলিয়া অনুপম স্বর্গীয় তেজে মারকে দগ্ধ
 করিয়া ফেলিলেন । ইতঃপূর্ব্ব বোধিসত্ত্বের আত্মাতে অষ্ট
 প্রকার দেবভাব অবতীর্ণ হইয়াছিল । মারহৃদিত্বগণের সর্ব
 প্রকার দুশ্চেষ্টা মহাবীর শাক্য কর্তৃক বিফল হইলে সেই
 সকল দেবভাব নিজ সৌন্দর্য্য বোধিসূত্রে পূর্ণ সুন্দর
 করিয়া এই প্রকার স্তব করিয়াছিলেন ।

উপশোভসে ত্বং বিশুদ্ধসত্ত্ব চন্দ্র ইব শুক্লপক্ষে ।

অভিবিরোচসে ত্বং বিশুদ্ধসত্ত্ব সূর্য্য ইব প্রোদয়মানঃ ॥

প্রফুল্লিতত্বং বিশুদ্ধসত্ত্ব পদ্মমিব বারিমধ্যে ।

নদসি ত্বং বিশুদ্ধ সত্ত্ব কেশরী বনে রাজবনচারী ॥

বিভ্রাজসে ত্বং অগ্রসত্ত্ব পর্ব্বতরাজ ইব সাগরমধ্যে ।

অভ্রাদগতত্বং বিশুদ্ধসত্ত্ব চক্রবাকু ইব পর্ব্বতে ॥

দূরবগাহত্বং মগ্রসত্ত্ব জলধর ইব রত্নসম্পূর্ণঃ ।

বিস্তীর্ণবুদ্ধিরাসি লোকনাথ গগনমিবাপর্য্যন্তম্ ॥

হে বিশুদ্ধসত্ত্ব, শুক্লপক্ষীয় শশিকলারন্যায় তুমি
 শোভা পাইতেছ । তীক্ষ্ণ রশ্মি উদ্ভিত তপনের ন্যায়

বিরাজ করিতেছ, বারিমধ্যস্থ প্রস্ফুটিত নলিনবৎ তুমি
বিকসিত হইয়াছ, বনচারী কেশরীর তুল্য তুমি শব্দ করি-
তেছ, সাগরস্থ পর্বতরাজবৎ তুমি উন্নত হইয়াছ, পর্বত
মধ্যে লোকলোক পর্বতের মত উখিত হইয়াছ। অগাধ
জলধি রত্নাকরের নাম তুমি ছরবগাহ্য। হে লোকনাথ !
আকাশের নাম তুমি প্রশস্ত মহান্।

এত দিনের পর শাক্যতনয় নিকটক হইলেন। তাহাতে
পাপের মূল পর্য্যন্ত উন্মূলিত হইয়া গেল। অতঃপর তিনি
ধ্যানের বিভিন্ন সোপানে উখিত হইতে লাগিলেন। প্রথমে
একাগ্রতা ও বিশ্বাসে চিত্তকে স্থির করিয়া বিবেকজন্মিত
প্রীতিসুখ লাভ হয় এই ভাবে সমাধি আরম্ভ করিয়া
তাহাতে বিহার করিতে লাগিলেন। একাগ্রতা ও বৈরাগ্য
চিত্তে অধ্যাত্মসম্প্রসাদবশতঃ অপূর্ব সুসাগরে ভাস-
মান হইলেন। দ্বিতীয় বার “একোত্তিত্ত্ববাদবিতর্কমবিচারং
সমাধিজং প্রীতিসুখং দ্বিতীয়ং ধ্যানমুপসম্পাদ্য বিহরতি স্ম।”
একই সত্ত্বার আত্যন্তিক উপলব্ধি সহকারে সমাধিস্থ হইয়া
অমুপম প্রীতিসুখ প্রাপ্ত হইলেন। তৃতীয়তঃ উপেক্ষক
উদাসীনবৎ নিষ্প্রীতিক অথচ সুখবিহারী হইয়া তৃতীয়
ধ্যানে যগ্ন হইলেন। চতুর্থ ধ্যান অর্থাৎ শেষ ধ্যানে “সুখ-
স্য চ প্রহাণাৎ দুঃখস্য চ প্রহাণাৎ পূর্বম্বেব চ সৌমনস্য-
দৌর্গমনস্যয়ো রন্তস্মাদদুঃখাসুখমুপেক্ষাস্বতিবিগুহ্যং চতুর্থ-
ধ্যানমুপসম্পাদ্য বিহরতি স্ম।” অর্থাৎ সুখ দুঃখের

বিনাশহেতু পূর্বেই সন্তোষ অসন্তোষের বিলোপবশতঃ সুখ-
দুঃখবিহীন উপেক্ষা^১ও স্মৃতিবিশুদ্ধ চতুর্থ ধ্যানে মগ্ন হইলেন ।
যখন এইরূপে ধ্যানস্থ হইয়া সমাধি লাভ করিলেন
তখন তাঁহার দিবা চক্ষু প্রস্ফুটিত হইল ।

প্রথমে চিন্তাসম্যধান ও বৈরাগ্য সহকারে বিবেকবলে
অধ্যাত্মজগতে উপস্থিত হইলেন । সমাহিত ধ্যানস্থ চিন্তে
বৈরাগ্যানয়নে সংসারের অসারতা সুখ দুঃখ জন্ম মৃত্যুর
অনিত্যতা উপলব্ধি করিলেন, আর বিবেকনয়নে জরা-
মরণরহিত, সুখদুঃখের অতীত নিত্য শাস্ত শান্তি সন্তোষ
করিলেন । বৈরাগ্যবলে ধন জন বিষয়সুখ অসার, বিবেক-
বলে পরম জ্ঞানই সার, বৈরাগ্য বলে জন্ম মৃত্যু সুখদুঃখ
অনিত্য, বিবেকবলে অজর অমর মঙ্গলময় ও সমাধির অব-
স্থাই নিত্য বুঝিলেন । ধ্যানের দ্বিতীয় অবস্থায় তাঁহার এইরূপ
প্রীতিতি হইল একই সত্য যাহা অজর অমর সুখ দুঃখে
লিপ্ত নহে তাহাই নিত্য ও সার, সন্মুখ জগতের আর তাবৎ
অবস্থা ছায়া মাত্র । এই একত্রে তিনি সমাহিত হইলেন ।
একত্রে উপলব্ধি হইলে যে সমাধি হয়, তাহাতে বস্তু স্তর বোধ
থাকে না, কেবল একাকার । ধ্যানের তৃতীয়াবস্থায় তিনি
নিরপেক্ষ অর্থাৎ ধ্যান বা সমাধিতে উদাসীন, যোগ বিষোগে,
বিবেক অবিবেকে উদাসীন, আত্মার স্বরূপবস্থায় একত্রে
স্বরূপেই সুখী, এই ভাবে নিমগ্ন । ধ্যানের চতুর্থাবস্থায় সুখ
দুঃখের অতীত হইয়া আমিত্বানুভব বিলুপ্ত হইলে যে নির্মল

সুখোদয় হইয়া তাহাতেই বিহ্বল, তৎসুখেই সুখী। যাই তাঁহার আশ্রিত অন্তর্হিত হইল, তৎক্ষণাৎ সমুদায় মানবের দুর্গতি ক্লেশ তাঁহার নেত্রপথে প্রকাশিত হইয়া পড়িল। “অথ বোধিসত্ত্বো দিব্যেন চক্ষুযা পরিপূর্ণেনাতিক্রান্তমুখ্যাকেন সত্ত্বান্ পশ্যতি স্ম।” অর্থাৎ তখন বোধিসত্ত্ব পরিপূর্ণ অলৌকিক দিবাচক্রে প্রাণিগণকে দর্শন করিলেন। প্রথম আশ্রিত গেল পরে অগতের প্রতি প্রীতি সঞ্চারিত হইল। “এবং ধলু তিচ্ছবো বোধিসত্ত্বো রাত্র্যাং প্রথমে যামে বিদ্যাং সাক্ষাৎকরোতি স্ম, তমোনিহন্তি স্ম আলোকমুৎপাদয়তি স্ম।” রাত্রি প্রথম যামে মহামুনি শাক্য বিদ্যা দর্শন করিলেন, অন্ধকার বিনাশ করিলেন এবং আলোক উৎপাদন করিলেন। ঐ বিদ্যার দর্শনে আলোকিত হওয়াতে তাঁহার নাম বুদ্ধ হইল। ঐ বিদ্যা কি ? উহাই ব্রহ্মবিদ্যা, উহাই পরমজ্ঞান, উহাই সার্বভৌমিক জ্ঞান, উহাই পরম পদার্থ, উহার নামই পরমাত্মা। এখন তিনি নির্বাণ প্রাপ্ত হইলেন। বাসনাতে ও তৃষ্ণানলে নির্বাণবারি সেচন করিলেন, তাঁহার সকল দুঃখ ও যন্ত্রণার অবসান হইল, নিত্য শান্তিরমের উদয় হইল। আশ্রিত বিলুপ্ত হওয়াতে এখন পরম জ্ঞানেই বিলীন হইয়া গেলেন। এখন তিনি নিত্য আনন্দধামে উপনীত হইলেন, জীবমুক্ত হইয়া দিবা লাবণ্য ধারণ করিলেন। এত দিনে তাঁহার আশা পূর্ণ হইল, সাধনার সিদ্ধি লাভ হইল। মুখ মহাসুখ হইল, চিত্ত অফুর

হইল । এমন মহাপুরুষকে কে নাস্তিক বলিয়া প্রতিপন্ন করিতে চায় ? অনভিজ্ঞ অদূরদর্শী ক্ষুদ্রচেতা ভিন্ন কে আর এরূপ অসাধু কথা বলিয়া আপনার নীচতা সর্বসমক্ষে প্রদর্শন করিতে পারে ?

বুদ্ধদেব কোন স্থলে ঈশ্বরের নামোল্লেখ না করাতে অনেকেই তাঁহাকে কোমৎ প্রভৃতির দলের লোক বলিয়া প্রতিপন্ন করিতে চেষ্টা করিয়াছেন । কিন্তু কোমৎ যে তাঁহার পদস্পর্শ করিবারও উপযুক্ত নহেন । তিনি যে গভীর সাধন ও আধ্যাত্মিক সমাধির সাগরে নিমগ্ন হইয়া অপূর্ব নির্মাণ প্রাপ্ত হইয়া সমুদ্র হইলেন, তাহা কি অবিখ্যাস নাস্তিকতার ফল ? শাক্যমুনি সাংখ্য পতঞ্জল ন্যায় বেদান্ত প্রভৃতি দর্শন শাস্ত্র অধ্যয়ন করিয়া ঈশ্বরবাদের স্থল এবং নিতান্ত জটিল ত্রিলক্ষণ বৃত্তিতে পারিয়াছিলেন । কারণ দর্শন শাস্ত্রানুসারে ঈশ্বরকে সত্ত্ব গুণ নিগুণ মূর্ত অমূর্ত কর্তা অকর্তা বর্ণন করা হইয়াছে, এবং বেদান্তমতে পাকতঃ তাঁহাকে মায়া-বদ্ধ বলিয়া সৃষ্টির তত্ত্ব নিরূপণ করা হইয়াছে । যদি ইষ্টদেবতা মানবের ন্যায় মায়া ভ্রান্তি ও আসক্তির অধীন হইলেন, তবে আর সুবিজ্ঞ লোক তাঁহাকে জগৎকর্তা বলিয়া কিরূপে মানিতে পারে ? এই কারণেই তিনি ঈশ্বরের নাম কোন স্থলে উল্লেখ করেন নাই এবং তাঁহার অস্তিত্বসম্বন্ধে সপক্ষে বিপক্ষেও কিছু বলেন নাই । বিশেষতঃ তিনি মুক্তির অভিলাষী হইয়াছিলেন, আপনার ও সমুদায় জীবের দুঃখ মোচনে

তাঁহার প্রাণ অস্থির হইরাছিল, একারণে তিনি বিবাদের তত্ত্ব ছাড়িয়া প্রকৃত বিষয়ের সাধনে জীবন সমর্পণ করিয়াছিলেন । ল্যাসেন টর্নার বর্ণে ফোকে রিস ডেবিডস, বিগাঙ্কেট প্রভৃতি সুবিজ্ঞ ইরোরোপীয় পণ্ডিতেরাও বুদ্ধদেবের মত ও জীবনের প্রতি সুবিচার করিয়া উঠিতে পারেন নাট, কারণ ইহারা সেই মহাপুরুষের আধ্যাত্মিক সাধনা ও সমাধির ভিতর প্রবিষ্ট না হইয়া বিচার করিয়াছেন ; সুতরাং তজ্জন্য প্রকৃত তত্ত্বের উদ্ভাবন হয় নাই । কেবল হডনন ও বিল সাহেব কথঞ্চিৎ পরিমাণে বোধিসত্ত্বের ধর্ম্ম-জীবন প্রতীতি করিয়াছিলেন ।

যখন সর্ব্বার্থনিক্ক সম্বোধি প্রাপ্ত হইলেন তখন তাঁহার শরীর হইতে স্বীয় সত্ত্বকে বিমুক্ত দেখিলেন, একেবারে চরমগতি স্বর্গবাসে উপনীত হইলেন । বসন্তের পূর্বে বৃক্ষ হইতে পত্র পুষ্প যেমন ঝরিয়া পড়িয়া যায়, তাঁহার শরীরও সেইরূপ যেন মৃতের ন্যায় পড়িয়া গেল বোধ হইল ; অর্থাৎ শারীরিক ক্রিয়া রহিল মাত্র কিন্তু স্বয়ং বোধিক্ষেত্রে বিচরণ করিতে লাগিলেন । কি পরম সুখের অবস্থা লাভ করিলেন ! ইচ্ছা হয় আসিয়া তাঁহার সঙ্ক্ষেত্রী সুবিমল সম্বোধিরাজ্যে বিচরণ করি । বুদ্ধ ! তুমি এখন সুগত হইলে, আমিও তোমার পদতলে পড়িয়া সুগত হইয়া যাই । হায় তুমি যে পিঙ্গরের পক্ষী ছিলে এখন আমিদের শৃঙ্খল ছেদন করিয়া নিত্য ও অপার জ্ঞানাকাশে

উড়িয়া গেলে, আমাকেও তোমার সঙ্গী কর । কি সৌন্দর্য্য ও শান্তির রাজ্যে, তুমি বিহার করিতেছ; এখন আকাশ তোমার গৃহ, পরম শান্তি তোমার পানীর, নিত্যজ্ঞান তোমার অন্ন, 'আমিহুবিনাশ' তোমার পুণ্যময় অমৃত ও সুধা । সুগত ! তুমি কোথায় গেলে, তুমি মরিয়া জীবিত হইলে, পূর্ণ বোধিসত্ত্বে এতাকার হইয়া গেলে । আমিও মরিয়া কবে জীবিত হইয়া তোমার সঙ্গী হইব, তোমার দাসানুদাস হইব । ধন্য তুমি ! এখন মহাসত্ত্বে পরিণত হইলে । আর তোমার কিছুই নাই ।

অনন্তর তিনি সেই সমাহিত অবস্থায় মধ্যরাত্রে অপর এক জ্ঞান লাভ করিলেন । তাঁহার পিতা মাতা কেহই নাই, গোত্র নাই, বংশ ও জীবনও নাই, পুরমায়ু নাই, নামও নাই উপাধিও নাই, পার্থিব জন্ম মৃত্যু নাই । পূর্বতন বোধিসত্ত্বেরাই তাঁহার পূর্বপুরুষ পবিত্র বংশ । শেষ রজনীতে তিনি আশ্রয় কয়জ্ঞান প্রাপ্ত হইলেন । অসহায় জীবের উৎপত্তিই বা কি ক্লেশকর । মানুষ্য সকল জন্মিতেছে বাঁচিতেছে, মরিতেছে, জীর্ণ হইতেছে । কিন্তু কেহই এই মহৎ দুঃখ বিমোচনের উপায় জানে না, সমুদায় দুঃখের মূল পঞ্চ স্কন্ধ হইতে নিঃসৃত হইতে জানে না, এবং জরাব্যাধি প্রভৃতির অন্ত অর্থোৎ নাশক্রিয়া অবগত নহে ।

অনন্তর, “ পুরুষেণ সৎপুরুষেণ অতিপুরুষেণ মহাপুরুষেণ পুরুষধূভেণ পুরুষনাগেন পুরুষসিংহেন পুরুষ-

পুষ্পবেন পুরুষশূরেণ পুরুষবীরেণ পুরুষযানেন পুরুষপদেন
পুরুষপুণ্ডরীকেণ পুরুষধৌরেণানুত্তরেণ পুরুষদমাসার-
থিনা এবত্ত তেনার্যাজ্ঞানেন জ্ঞাতবাং বোদ্ধবাং প্রাপ্ত-
বাং দ্রষ্টবাং সাক্ষাৎকর্তব্যং সৰ্ব্বং তদেকচ্চিত্তেক্ষণসমাবৃত্তং
প্রজ্ঞয়ানুত্তরাং সম্যকসম্বোধিমভিসম্বুধ্য ত্রৈবিদ্যাহি-
গতা ।” ল, বি, ২২ অ ।

অতি প্রত্যুষে তিনি আমিত্তবিহীন হওয়াতে এক
প্রধান পুরুষত্ব লাভ করিয়া আৰ্য্যজ্ঞান সহকারে
সমুদায় এক চিত্ত এক দৃষ্টি সমায়ুক্ত ইহাই জ্ঞাতবা
প্রাপ্তবা দ্রষ্টবা ও সাক্ষাৎ কর্তব্য প্রজ্ঞাদ্বারা অবগত
হইয়া ত্রিবিদ্যা প্রাপ্ত হইলেন । তখন তিনি সৰ্ব্বজ্ঞতা
লাভ করিলেন । আমিত্ত বিনষ্ট হওয়াতে তিনি এক
শুদ্ধ সত্ত্ব হইলেন । তখন বোধিসত্ত্বের তম ও অন্ধ-
কার তিরোহিত হইল, তৃষ্ণা বিশোধিত হইল, রজোগুণ
শাস্ত হইল, চক্ষু বিক্ষোভিত ক্রেশ বিবর্তিত হইল মানানান
অপসারিত হইল, গ্রন্থি মুক্ত হইল, ধর্ম্মতথ্যতার উদয়
হইল । অবশেষে নির্বাণ সুখসাগরে ভাসমান হইলেন ।
এই সময়ে স্বর্গ হইতে কাহার মস্তকে পুষ্পবৃষ্টি হইতে
লাগিল, এবং দেবপুত্রগণ তাঁহাকে এই বলিয়া স্তব করিতে
লাগিলেন ।

উৎপন্নো লোকপ্রদ্যোতো লোকনাথঃ প্রভঙ্করঃ ।

অক্লভুতস্য লোকস্য চক্ষুর্দাতা রণজুহঃ ॥

ভগবান্ বিজিতসংগ্রামঃ পূর্ণোঃ পূর্ণমনোরথঃ ।

সম্পূর্ণ শুক্লধর্মৈশ্চ জগন্তি তর্পয়িষ্যসি (১) ॥

উত্তীর্ণপঙ্কোহ্যানিঘঃ স্থলে তিষ্ঠতি যৌতমঃ ।

অন্যান্ সত্ত্বান্ (২) মহাঘেন (৩) প্রাজ্ঞত (৪)

স্তারয়িষ্যসি (৫) ॥

উদগতভুং মহাপ্রাজ্ঞ লোকেষু প্রতিপুঙ্গল ।

লোকধর্মৈরলিপুঙ্গুং জলস্থমিব পঙ্কজং ॥

চিরপ্রস্থপ্তমিমং লোকং তমঃকল্লাবগুষ্ঠিতম্ ।

ভুবান্ প্রজ্ঞাপ্রদীপেন সমর্থঃ প্রতিবোধিতুং ॥

চিরাতুরে জীবলোকে ক্লেশব্যাধিপ্রপীড়তে ।

বৈদ্যরাট্ভুং সমুৎপন্নঃ সর্বব্যাধিপ্রমোচকঃ ॥

ল, বি, ২৩ অ ।

অতঃপর সুগত এইরূপে নির্বাণ লাভানন্তর আনন্দিত
চিত্তে অনির্মিষ নয়নে সেই বোধিজ্ঞমরাজকে একবার
অবলোকন করিলেন, এবং ধ্যানজনিত প্রীতি সুখে সপ্ত
রাত্র সেই তরুতলেই কাশী ষাপন করিলেন * । এখন তিনি
পূর্ণমনোরথ ও সিদ্ধিকাম হইলেন । গগনবিহারী পত-
ত্রেয় ন্যায় সুখে বিহার করিতে মনস্থ করিলেন ।

(১) তর্পয়িষ্যতি বা । (২) অন্যান্ সত্ত্বান্ ।

(৩) মহাঘাত । (৪) প্রজ্ঞাতঃ । (৫) তারয়িষ্যতি বা ।

* এই সমাধির নাম প্রীত্যাহার বাহ ।

নির্বাণতত্ত্ব ।

পূর্বতন আৰ্য্যপণ্ডিত কপিল, পতঞ্জলি, কণাদ, ব্যাস প্রভৃতি দার্শনিক ঋষিগণ মানব জীবনের চরম গতি মুক্তিই প্রদর্শন ও ব্যাখ্যা করিয়াছেন। আবার মহাপুরুষ জৈনা, চৈতন্য, নানক সকলেই জীবের মুক্তিনাভই একমাত্র লক্ষ্য ও চরম গতি ইহা একতানে জীবন ও উপদেশ দ্বারা প্রচার করিয়া গিয়াছেন। “আত্যন্তিক দুঃখনিবৃত্তি মুক্তি” এই লক্ষণ দ্বারা দর্শনকারগণ মুক্তিতত্ত্ব প্রকাশ করিয়াছেন। সুগত মহর্ষি শ্রোতমও মানবজীবনের ঐক্য আদর্শ প্রতীতি করিলেন। বাসনা, বিকার, তৃষ্ণা, পাপ ও সংসারাসক্তি রিপুপরতন্ত্রতা জন্য জীবের ক্লেশ এবং এই দুর্ক্লেশ ক্লেশ হইতে মুক্ত হওয়াই জীবনের চরম, শাক্য মুনিও তাহা অনুভব করিলেন। তিনি সর্ব প্রথমে এই অবধারণ করিলেন, অগ্রে স্বয়ং মুক্ত হইয়া তবে অপরকে মুক্ত করিব, ভব যন্ত্রণা হইতে উদ্ধার করিব, মুক্তির পথ প্রদর্শন করিব। মহাপুরুষের এই এক সর্বোচ্চ লক্ষণ। অন্তঃসারশূন্য ব্রাহ্মণ পণ্ডিতেরা, কপট নব্য স্ত্রদ্ধাজানীরা কেবল লোক-দিগকে উপদেশ দিয়া শত অপরাধে অপরাধী হয়। বুদ্ধ প্রকৃত পথ ধরিত্তাছিলেন। অসার বাণ্যে মনুষ্যদিগকে

মুক্ত করিতে চাহেন নাই । যে স্বয়ং অসিদ্ধ সে আবার
অপরকে কি করিবে ? এক অন্ধ অপর অন্ধকে কি পথ প্রদ-
র্শন করিতে পারে ? তিনি সেই জন্য অসার কপটতার পথ
পরিত্যাগ করিলেন । তিনি দেখিলেন যে সমুদায় সংসার
নিরন্তর তৃষ্ণামলে পুড়িতেছে । মনুষ্যাগণ সর্বদা ধনতৃষ্ণা
লীলনতৃষ্ণা, স্ত্রীতৃষ্ণা, পুত্রতৃষ্ণা, কামতৃষ্ণা, মানতৃষ্ণা ও
সুখতৃষ্ণায় অস্থির । তাহারা এই বাসনা ও তৃষ্ণাশ্রিতে নির-
ন্তর জ্বলিতেছে, দিবানিশি এই যন্ত্রণায় তাহাদের চিত্ত দগ্ধ
বিদগ্ধ হইতেছে । এই বিষম তৃষ্ণার মূল কোথায় ?
কিরূপে ইহা উৎপন্ন হইতেছে ।

“অবিদ্যাপ্রত্যয়াঃ সংস্কারাঃ সংস্কারপ্রত্যয়ঃ বিজ্ঞানং
বিজ্ঞানপ্রত্যয়ঃ নামরূপং নামরূপপ্রত্যয়ঃ ষড়ায়তনং
ষড়ায়তনপ্রত্যয়ঃ স্পর্শঃ স্পর্শপ্রত্যয়া বেদনা, বেদনা-
প্রত্যয়া তৃষ্ণা, তৃষ্ণাপ্রত্যয়মুপাদান, উপাদানপ্রত্যয়ো
ভবো জ্বরপ্রত্যয়া জাতিঃ, জাতিপ্রত্যয়া জরামরণশোক-
পরিদেবহুঃখদৌর্ভাগ্যমোহোপাশাশাঃ সমুত্তবস্ত্যেব কেবলস্য
মহতো দুঃখস্কন্দস্য সমুদয়ো ভবতি সমুদয়ঃ ।

অবিদ্যামূলক সংস্কার, সংস্কারমূলক বিজ্ঞান, বিজ্ঞান-
মূলক নাম রূপ, নামরূপমূলক ষড়ায়তন, ষড়ায়তনমূলক
স্পর্শ, স্পর্শমূলক বেদনা, বেদনামূলক তৃষ্ণা, তৃষ্ণামূলক
উপাদান, উপাদানমূলক উৎপত্তি, উৎপত্তিমূলক জাতি,
এবং জাতিমূলক জরা মরণ শোক পরিদেব হুঃখ মনস্তাপ

উপায় ও আশা জন্মিয়া থাকে । কেবল এক মহৎ দুঃখ
স্বক্লেশের উদয়ই সমুদায় ।

অবস্থাতে বস্তুজ্ঞান অথবা ক্ষণিক বস্তুতে স্থিরত্ব বুদ্ধির
নাম অবিদ্যা । এই অবিদ্যার তিমিরে বস্তু ও অবস্থ বলিয়া
প্রতীয়মান হয় । সমুদায় মানবের চিত্ত অবিদ্যামেষে
আচ্ছন্ন । অবিদ্যাবশতঃ লোক পরম পদার্থ জানিতে
পারে না । অবিদ্যার সংস্কার জন্মে । প্রবৃত্তিনিচয়ের
নাম সংস্কার । তাহা আবার ৫২ প্রকার । যথা মোহ
মমতা, রাগ, দ্বেষ, আভিমুখ্য, বিকার ছন্দ লজ্জা ভয় ইত্যাদি ।
“অহমহমিত্যালয়বিজ্ঞানং” “আমি আমি” “আমার
আমার” এইরূপ অহংভাবাপন্ন নিয়ত উৎপন্ন জ্ঞানপ্রবাহের
নাম বিজ্ঞান । সংস্কার ঘনীভূত ও দৃঢ়তর হইলে বিজ্ঞান
জন্মাইয়া দেয় । বিজ্ঞান হইতেই নাম রূপ অর্থাৎ ইন্দ্রিয়াদির
বিষয় বাহ্য বস্তু । তখন প্রত্যেক বস্তু নামরূপে পৃথক্
পৃথক্ প্রতীয়মান হয় । কিন্তু আমাদের আধ্যাত্মিকগণ
বিজ্ঞান শব্দের অন্যার্থ করিয়াছেন, গীতা প্রভৃতিতে তাহার
পরিষ্কার ভাব দেখিতে পাওয়া যায় । আত্মস্থ অধ্যাত্ম
জ্ঞান তাঁহার বিজ্ঞান বলিতেন । রূপ হইতে ষড়ায়তন
অর্থাৎ বহিঃস্থ ও অন্তরস্থ ভাবৎ ইন্দ্রিয় । সেই
ষড়ায়তন হইতে স্পর্শ । ইন্দ্রিয়গণের বিষয়ে ইন্দ্রিয়ের
সংযোগের নাম স্পর্শ । এই স্পর্শ হইতে বেদনা অর্থাৎ বাহ্য
বস্তুর জ্ঞান । তাহা হইতে তৃষ্ণা । একে তৃষ্ণার জ্ঞান

মনুষ্য দিব্যানিশি অনিতেছে ! এই তৃষ্ণাই মানবের মুক্তির পথ অবরোধ করিতেছে । তৃষ্ণা হইতে উপাদান অর্থাৎ চারি ভূত । সেই ভূত অর্থাৎ চারি চারি ধাতু হইতে সব উৎপন্ন হইতেছে । এই উৎপত্তি জাতি অর্থাৎ মনুষ্যাদির পরিচয়, একই সঞ্জাত মানব জরী মৃত্যু শোকাতির আশ্রয় । এই কারণ পরম্পরায় দুঃখ উৎপন্ন হইয়া থাকে । অতএব

“অবিদ্যায়ামসত্যং সংস্কারা ন ভবন্তি, অবিদ্যানিরোধঃ সংস্কারনিরোধঃ । সংস্কারনিরোধঃ বিজ্ঞাননিরোধঃ । যাবজ্জাতিনিরোধাজ্জরামরণশোকপরিদেবদুঃখদৌৰ্দ্ধনসোপারামানিক্রধান্তে । এবমস্যা কেবলস্য মহতো দুঃখস্কন্ধস্য নিরোধো ভবতি ।”

অবিদ্যাকে নিরোধ করিতে পারিলে সংস্কার নিকর হয় । সংস্কার নিকর হইলে বিজ্ঞানোৎপত্তির নিরোধ হয় । এইরূপে সমস্ত দুঃখ স্কন্ধ নিকর হইয়া যায় । বৌদ্ধ শাস্ত্রে দুঃখস্কন্ধ পাঁচ প্রকার যথা—রূপবিজ্ঞানবেদনাসংজ্ঞা-সংস্কারসংজ্ঞকাঃ পঞ্চ স্কন্ধাঃ ।

১ । ইন্দ্রিয় ও তাহার বিষয় সকলকে রূপ বলে ।

২ । আমিত্ত জ্ঞানের নাম বিজ্ঞান । আমি আমি, আমার আমার করাতে সেই অগ্নি অন্তরে ক্রমাগত প্রজ্জ্বলিত হইতে থাকে ।

৩ । সুখ দুঃখাদির অনুভবকে বেদনা বলা যায় ।

৪ । ইহা অঙ্গ, ইহা গো, ইহা মেঘ, ইহা মুখ, এই রূপ

ভেদ বোধক নামবিশিষ্ট বিকল্পাত্মক প্রতীতির নাম সংস্কার ।

৫। রাগ দ্বেষ মোহ ইত্যাদি আন্তরিক ভাবসমূহকে সংস্কার বলে ।

এই পঞ্চবিধ দুঃখ । ইহাকে চিত্তবিকার বলা যায় । এই ভাববিকারই দুঃখের মূল । ইহার বিনাশ হইলেই নির্বাণলাভে চিত্ত সক্ষম হয় । চিত্ত হইতে এই সকল বিকার তিরোহিত হইলেই দুঃখনিরোধ, হয় । এই দুঃখনিরোধের নাম নির্বাণ । কিন্তু আমিত্বরূপ প্রদীপ নির্বাণ হইলে সব অন্ধকার হইয়া যায় । সেই আমিত্ব জ্ঞান প্রদীপ্ত থাকাতাই বাসনা, তৃষ্ণা, বেদনা, সুখদুঃখানুভব, স্পৃহা, রাগ, দ্বেষ, মমতা, ইন্দ্রিয়বিকার উৎপন্ন হইয়া থাকে । সুতরাং চেতনা ও আমিত্ব জ্ঞান বিনষ্ট হইলে ক্রতাবৎ দুঃখের মূল উৎপাটিত হইয়া গেল । মহামুনি বুদ্ধ নির্বাণবিষয়ে বৈদিক পণ্ডেরই অনুসরণ করিয়াছিলেন, তবে আত্মতত্ত্ব-সম্বন্ধে আৰ্য্য ঋষিদিগের সহিত তাঁহার মতান্তর ছিল । যাহা হউক ধর্ম্মরাজ্যের নিগূঢ় তত্ত্ব আলোচনা করিলে দেখা যায় যে, সর্বত্র কেমন এক সুন্দর একতা ও সামঞ্জস্য আছে । প্রসিদ্ধ থিরোলোজিয়া জার্মেনিকার প্রণেতা সমুদার পুস্তকে “আমিত্ব আমার আমাকে” এবং “আমিত্ব বিনাশ” ইহা লইয়াই সমুদার ব্যাখ্যা করিয়াছেন । অহংজ্ঞানেই অধর্ম্ম এবং তদভাবেই ধর্ম্ম, আমিত্বই পাপের মূল এবং তাহার

বিনাশেই পুণ্যের উদয়। এই অহংবিনাশের নাম পুরাতন মনুষ্যের মৃত্যু এবং শুদ্ধমস্তকের প্রকাশের নামই নবজীবন, বা নূতন মানবের জন্ম, অথবা দ্বিজাত্মা হওয়া। এই অহং-ভাবই স্বর্গ-চূড়তি এবং তাহার বিনাশই স্বর্গলাভ। এই অহন্তাই আদমের পতন বা অবাধ্যতা, তাহার বিরোধানই ঈশার বাধ্যতা। এই অহংভাবেই ঋষিদিগের যোগভঙ্গ এবং অহন্তার বিনাশই ব্রহ্মযোগ। ঈশার সমস্ত সাধনের ফল আমিত্ববিনাশ। তিনি কেবল সেই সচ্চিদানন্দ পুরুষের বাধ্য যন্ত্র। সেই পুরুষ যাহা বাজান তাহাই মধুর, তিনি কেবল আত্ম ইচ্ছা নিরোধ করিয়া তাঁহার ইচ্ছা-সাগরে মগ্ন ছিলেন। এই আত্মবিনাশে সমস্ত বিলয় ও পুণ্যের বিকাশ। “আমি নাই” ও “আমি গিয়াছি” সেই উচ্ছাজলধিতে বিলীন হইয়া, এই তাঁহার সমস্ত পৃথিবীকে ভয় করিবার কারণ, ইহাই তাঁহার পাপী ও পতিতকে পরিবর্তিত করিবার প্রধান উপায়। তিনি বলিতেম না প্রচার করিতেম না, সেই জলন্ত অগ্নি তাঁহার মধ্যে কার্য্য করিত।

• পূর্বোল্লিখিত নির্বাণের বিষয় যাহা বলা হইল তাহা অভাব পক্ষের, কিন্তু ভাব পক্ষের নির্বাণের স্বতন্ত্র লক্ষণ। তাহা আত্মার এক বিশেষ অবস্থা, কিন্তু ধ্বংস বা শূন্যতার মত। তাহা জীবনের অবিনশ্বর ভাব ও নির্মল সত্তা; নিত্যতা, পূর্ণতা, জ্ঞান, শান্তি, পরিপূর্ণতা, নির্বিকার সত্তা।

১। স্থলেহন্তরীক্ষে অক্ষরামরে শিবে জরাও নাই, মৃত্যুও নাই, হ্রসিও নাই, বৃদ্ধিও নাই, দ্বিতের চাকল্যতা বা অস্থিরতাও নাই, জীবনের কোন পরিবর্তন নাই। আজ বালক, কাল যুবা, পরশঃ বৃদ্ধ, অক্ষি ধনী, কাল রাজা, পরশঃ গরিব; আজ সবল, কাল দুর্বল, পরশঃ বোণে অস্থির; যন্ত্রণার কাতর। যে অবস্থায় এ সব কিছুই নাই, তাহাকে নিতাতা বলে।

২। কোন বিষয়ে আশাও নাই, তৃষ্ণাও নাই, হাসনা বা স্পৃহাও নাই, অনুরাগ বা বিরাগও নাই, ইচ্ছা বা উদাসীন ভাবও নাই, সদাই পূর্ণ, অভাববিরহিত। ধনেরও আশা নাই, মানেরও ইচ্ছা নাই, সুখেরও স্পৃহা নাই, কোন বন্ধরও প্রণেজন নাই, কোন বিষয়ে সাপেক্ষও নহে অধীনও নহে, নিয়ত নিরবলম্ব, ভাষ, কোন কামনায় চিত্ত প্রবৃত্ত হয় না। যে অবস্থায় এই ভাব লাভ করা যায় তাহাকে পূর্ণতা বলে।

৩। ভ্রম নাই, মায়া নাই, অবিদ্যা নাই, ছায়া বা কল্পনাও নাই, অবস্ততে বস্তুপ্রতীতিও নাই। প্রকৃত বস্তুর প্রতীতি, সত্যে স্থিতি, সম্পদার্থেই অনুরাগ, সত্যপাঠন, সত্যগ্রহণ, সত্যধারণ, সত্যে জীবন সমর্পণ, নিত্য পরমার্থ বিষয়ে যগ্ন, তাহাতেই চির অভিকৃতি। সেই নিত্য বস্তুর জন্য অভিলাষ, তাহার জন্যই হৃদয়ের চির আকর্ষণ। যাহার আদিও নাই অন্তও নাই, সীমাও নাই, পরিধিও নাই

“বুদ্ধঃ জ্ঞানমুক্তঃ হি আকাশবিপুলঃ সমঃ” অনন্তজ্ঞানে
বিলস, আকাশবৎ বিস্তৃত ভাব অর্থাৎ মুক্ত স্বভাব, সর্বত্র সম-
দর্শন ইহার নাম জ্ঞান। “অস্তিনাস্তিবিনির্মুক্তমাস্ত্রনৈবাত্ম
বজ্রিতং” “অদ্বয়ো ধর্মনির্দেশঃ” সমুদায় আছে কি নাই
তদ্বোধে মুক্ত, একই ধর্মনির্দেশ, ইহার নাম জ্ঞান।

৪। সুখদুঃখের অতীতাবস্থাকে শান্তি বলে। সুখেও
গর্বিত নহে, দুঃখেও মুহ্যমান নহে। নিরন্তর বিষয়াস্তর
অবেষণে হর্ষ বিষাদ উপস্থিত হয়, তাহার অতীত অবস্থাতে
নির্মল শান্তিরসের উদয়। অভাব ভাবের অতীত হইলে
যে আরাম হয় তাহাই প্রকৃত শান্তি।

৫। পাপ নাই, মোহ নাই, কাম নাই, ক্রোধ নাই,
লোভ নাই, অহঙ্কার নাই, অবিখ্যাস নাই, অশ্রদ্ধাও নাই,
নিত্য নির্মল, ইন্দ্রিয় বিকার নাই, তাহাতে সুখাভিলাষও
নাই, সদা পবিত্রতা, ইহার নাম পরিশুদ্ধি।

৬। বুদ্ধদেব বিকারী আত্মা মানিতেন না, তিনি পুন-
র্জন্ম মানিতেন, কর্মবন্ধনে জীবের নিরন্তর যাতায়াত হয়
ইহাতে তাঁহার বিশ্বাস ছিল। কিন্তু এই সমুদায় বিলুপ্ত হইয়া
এক শুদ্ধসত্ত্ব হইয়া যাওয়াই প্রকৃত নির্বাণ। আত্মার
স্থিরতা নাই, কিন্তু এই সত্ত্ব অবিনশ্বর, কারণ তিনি
আমিত্ববোধকেই আত্মা বলিতেন। অতএব আত্মা ও
নির্বাণবিষয়ে যে ইয়োয়োপীয় পণ্ডিতদিগের মতান্তর
দেখিতে পাওয়া যায় তাহা কেবল নির্বাণতত্ত্ব বিশদ-

রূপে না জানাতে। ডেবিডস, ল্যাসেনে, বোর্নোফ
 টর্নার চাইল্ডার প্রভৃতি সকলেই বলিয়াছেন তিনি আত্মা
 পরলোক বা অপর কোন ঈশ্বরপদবাচ্য সত্তা মানিতেন
 না। ললিত বিস্তরেই শাক্য মুনির জন্ম, সাধনপ্রণালী ও
 মত পরিষ্কাররূপে বিবৃত হইয়াছে, সুতরাং তদনুসারে
 বিচার করিতে হইলে ইহাই সপ্রমাণ হয় যে তিনি প্রচলিত
 বিশ্বাসের অতীত হইয়া নূতন ভাবে এই তিনটিই বিশ্বাস
 করিতেন। বুদ্ধ বলিতেন আমিহুবোধই আত্মা। ইহাকে
 বিনাশ না করিলে ধর্ম হয় না, মুক্তি হয় না, নির্বাণ লাভ
 করা যায় না। ইহার বিনাশে কি থাকে? শুদ্ধ নির্বিকার
 এক সত্ত্ব থাকে, তাহাই সেই চৈতন্য পদার্থ বা আমরা
 যাহাকে আত্মা শব্দে ব্যাখ্যা করিয়া থাকি। দ্বিতীয়তঃ
 নির্বাণ যদি ধ্বংসই হইত তবেত কিছুই নাই। কিন্তু পর-
 দুঃখে কে এত কাতর হইল, দুঃখী জীবগণের উদ্ধারের জন্য
 কাহার অন্তরে এত দয়া হইল, কে তাহাদের দুঃখ মোচন
 করিতে গেল, নির্বাণের উপদেশ দিয়া কে শত শত
 লোককে নির্বাণের পথে আনয়ন করিল? সেই পরিশুদ্ধ
 সত্ত্ব। এই সত্ত্বের বিনাশ নাই, নিত্য, ইহার জন্মজরা মৃত্যু
 নাই। তবেই পরলোকে বিশ্বাস করা হইল। আর যে অবস্থায়
 নির্বাণ লাভ হয়, যাহা প্রাপ্ত হইলে পরম সন্তোষ লাভ করা
 যায়, উহা নিত্য পূর্ণ অনন্ত জ্ঞান, চির শান্তি। পূর্ণ পরিশুদ্ধি,
 তাহাই বা কি? সেই এক সচ্চিদানন্দ পুরুষে যথ্য ভাব।

ফলতঃ সমাধিতত্ত্ব প্রতীতি করিলে নির্বাণসম্বন্ধে সমুদায় ভ্রম বিদূরিত হয় । যাহা হউক বুদ্ধদেব তৎকালে যে পথের অনুসরণ করিয়াছিলেন তাহা বৈদিক অমার ক্রিয়া-কলাপের বিরোধী ছিল, তাহাতে আর সন্দেহ নাই । জ্ঞানিশ্রেষ্ঠ শঙ্করাচার্য্য পর্য্যন্ত মহাত্মা সুগতের নির্বাণতত্ত্ব বিষদৃষ্টিতে দেখিয়াছিলেন এবং অন্যায়রূপে আক্রমণ করিয়াছিলেন ।

অপর প্রমাণ এই । শাক্যসিংহ যখন নির্বাণ প্রাপ্ত হইয়া সাত দিন বোধিবৃক্ষমূলে এই চিন্তার মগ্ন হইলেন যে এখনত আমার মনোরথ সিদ্ধ হইল, তবে কি চুপ করিয়া বসিয়া থাকিব, কেবল অনর্থ যোগে নিযুক্ত থাকিব, না তাহা লোককে শিক্ষা দিব ? এইরূপ ভাবিতে ভাবিতে বুদ্ধচক্ষুে মানুষ জাতির অবস্থা পর্যালোচনা করিতে ও দেখিতে লাগিলেন । এই বুদ্ধনৃয়নের প্রকৃত তাৎপর্য্য কি অনেকে হৃদয়ঙ্গম করিতে পারেন না, ইহার নাম প্রত্যা-
দিষ্ট কিন্তু কাহার দ্বারা প্রত্যাদিষ্ট ? সেই এক পূর্ণ শুদ্ধ সত্ত্বের দ্বারা । তখন এই তাঁহার সিদ্ধান্ত হইল,

- গম্ভীর (১) শাস্ত্রো বিরজো (২) প্রভাস্বরঃ
- প্রাপ্তো মি (৩) ধর্ম্মোহ্যমৃতোহসংস্কৃতঃ ।
- দেশেয় (৪) চাহং ন পরস্য জ্ঞানে

(১) গম্ভীরঃ । (২) বিরজাঃ । (৩) ময়া ! (৪) দেশ-

ষন্ন (৫) তুষ্টী (৬) পবনে চরেয়ম্ ।
 অপগতগিরি বাহ্যথো (৭) হ্যালিথো (৮)
 যথ গগনত্থা স্বভাবধর্মম্ ।
 চিত্তমনঃ (৯) বিচারবি প্রমুক্তং
 পরম (১০) আশ্চর্য্যং পরো বিজ্ঞানে (১১) ॥
 ন চ পুনরয়ু (১২) শক্য (১৩) অক্ষরভ্যঃ
 প্রবিশতু (১৪) অনর্থযোগবিপ্রবেশঃ ।
 পুরিম (১৫) জিনকুতাধিকারঃ সত্ত্বান্তে
 ইমু (১৬) শ্রুণিত (১৭) হি ধর্ম শ্রদ্ধধন্তি (১৮) ॥
 ন চ পুনরিহ কশ্চিদন্তি ধর্মঃ
 সোহপি ন বিদ্যতি বস্য নান্তি (১৯) ভাবাঃ ।
 হেতুক্রিয়পরম্পরা (২০) জানেনত (২১)
 তস্য ন ভোতীহ (২২) আস্তনান্তিভাবাঃ ॥
 কল্পশতসহস্র (২৩) অপ্রমেয়া (২৪)

মিমং দেশেয়মিতি বা । (৫) নূনম্ । (৬) তুষ্টীমুপবনে ।
 (৭) বাহ্যতঃ । (৮) অলিপ্তম্ যথা । (৯) চিত্তমনঃ । (১০)
 পরমাশ্চর্য্যম্ । (১১) বিজ্ঞানাতি । (১২) অয়ম্ । (১৩)
 শকাঃ । (১৪) প্রবেশয়িতুম্ । (১৫) পূর্ব—এবম্ভ্যাত্ত ।
 (১৬) ইমম্ । (১৭) শ্রুত্বা । (১৮) ধর্ম্যং শ্রদ্ধধতি । (১৯)
 ন সন্তি । (২০) পরম্পরাম্ । (২১) জানাতি । (২২)
 ভবন্তি । (২৩) পর্য্যন্তম্ । (২৪) অপ্রমেয়ম্ ।

অহ চরিতঃ (২৬) পুরিমজ্জিনসকালে (২৭) ।

ন চ ময়া প্রতিলক্ক (২৮) এব (২৯) ক্ষান্তী (৩০)

যত্র ন আত্ম (৩১) ন সত্ত্ব (৩২) নৈব জীবঃ ॥

যদ (৩৩) ময় (৩৪) প্রতিলক্ক এব ক্ষান্তি

মিয়তি (৩৫) ন চেহ কচ্চিচ্ছায়তে বা ।

প্রকৃতি (৩৬) ইমি (৩৭) নিরাত্ম (৩৮) সৰ্ব্বধৰ্ম্মা

স্তদ মাং (৩৯) ব্যাকরি (৪০) বুদ্ধদীপনামা (৪১) ॥

করুণ (৪২) মম অনন্ত (৪৩) সৰ্বলোকে

পরমতু চানর্থরতা (৪৪) মহং প্রতীক্ষ্য ।

ইরং পুনর্জ্জনতা প্রসন্ন (৪৫) ব্রহ্ম (৪৬)

তেন অধীশ্ব (৪৭) প্রবর্তয়ি (৪৮) চক্রং ॥

এবঞ্চ অয়ু (৪৯) ধৰ্ম্ম গ্রাহু (৫০) মে স্য্যৎ

(২৫) অহম্ । (২৬) চরিতবান্ । (২৭) সকালোৎ । (২৮)
প্রতিলক্ক, এবমনাত্ম । (২৯) এষা এবমনাত্ম । (৩০) ক্ষান্তিঃ,
এবমনাত্ম । (৩১) আত্মা । (৩২) সত্ত্বঃ । (৩৩) যদা ।
(৩৪) ময়া । (৩৫) মিয়তে । (৩৬) প্রকৃতিঃ । (৩৭)
ইমম্ । (৩৮) অনাত্মনঃ । (৩৯) তদা । (৪০) ব্যাকরি-
ষ্যন্তি । (৪১) বুদ্ধদীপনামানম্ । (৪২) করুণা । (৪৩)
অনন্তা । (৪৪)—রতম্ । (৪৫) প্রসন্ন । (৪৬) ব্রহ্মণি ।
(৪৭) অধিষ্ঠার । (৪৮) প্রবর্তয়িষ্যামি । (৪৯) অয়ম্ ।
(৫০) ধৰ্ম্মা গ্রাহাঃ ।

স চ (৫১) মম ব্রহ্ম ক্রমে (৫২) নিপত্য যাচেৎ ।

প্রবদতি (৫৩) বিরজা (৫৪) বিপ্রণীতধর্মঃ

সন্তি বিজ্ঞানক (৫৫) সত্ব (৫৬) ক্লারকাশ্চ ॥

১, বি, ২৫, অ, ।

“এখন আমি গভীর শাস্ত্র নিষ্পাপ ও লোকভাস্কর ।
আমি স্বাভাবিক অমৃতময় ধর্ম প্রাপ্ত হইয়াছি । আমি
সমুদয় জীবদিগকে এই ধর্ম উপদেশ দিব । আমি কি পরের
অবস্থা জানি না যে চূপ করিয়া উপবনে বসিয়া থাকিব ।
আমার বহিঃস্থ অন্তরায়সকল বিলুপ্ত হওয়াতে নির্লিপ্ত হই-
য়াছি, আকাশের মায় আমার স্বভাবই সুনির্মল ধর্ম ।
অপর লোকে আমার চিত্ত মন সন্দেহমুক্ত ও পরম আশ্চর্য্য
বলিয়া জানিতেছে । এই অবিদ্যার অবস্থা হইতে পুন-
রায় আবার অনর্থ বিষয়াগমে প্রবেশ বা প্রবেশ করান
শক্তির অতীত । আমি পূর্বতন জিনদিগের অধিকার প্রাপ্ত
হইয়াছি, সমুদয় জীব এই ধর্ম শ্রবণ করিয়া ইহার প্রতি
শ্রদ্ধাবান্ হইবে । ইহলোকে আর এরূপ ধর্ম নাই,
[মুক্তিপ্রতিরোধী] পদার্থ নাই এমন কোন ধর্মও বিদ্যমান
নাই । লোকে কেবল কারণ ও কার্য্য পরম্পরা জানে,

• (৫১) তৎ । (৫২) পদে ইত্যর্থঃ । (৫৩) প্রবদতি । (৫৪)
বিরজকম্ । (৫৫) বিজ্ঞানবস্তুঃ । (৫৬) সন্তাঃ ।

তাহার সম্বন্ধে আছে ও নাই এরূপ পদার্থসকল কিরূপে থাকিবে? পূর্বতন জিনদিগের নিকট হইতে আমি কল্প শত সহস্র পর্য্যন্ত অপ্রমেয় [ধর্ম] আচরণ করিয়াছি। কিন্তু যাহাতে আত্মা নাই, প্রাণ নাই, জীব নাই, এ নিবৃত্তি যোগ আমি পাই নাই। কেহ মরে না কেহ জন্মে না, এ সকল ধর্ম নিরাত্ম [দেহাদির] প্রকৃতি, এই নিবৃত্তিযোগ যখন আমি লাভ করিলাম তখন আমাকে বুদ্ধদীপ নামে লোকে প্রকাশ করিবে। সর্ব লোকে আমার অনন্ত কৰুণা, অনর্থরত্বে অপর লোকের মুখাপেক্ষা করিয়া আর কেন থাকি। এই জনসমূহ প্রসন্ন, অতএব ব্রহ্মেতে স্থিতি করিয়া ধর্মপ্রচারে প্রবর্ত্ত হইব। এ আমার ধর্ম সকলের গ্রাহ্য হইবে। ব্রহ্মপদে * নিপতিত হইয়া উহা সকলেই আমার নিকট যাচঞা করিবে এবং জ্ঞানিগণ যাহাকে বিশুদ্ধ ধর্ম বলিয়া থাকে, ইহা তাহাই। [এ ধর্ম-গ্রহণের উপযুক্ত] অনেক “বিজ্ঞানযুক্ত ও বদ্ধ জীব আছে।” বুদ্ধ দেবের এই উক্তিই নির্বাণের পরম তত্ত্ব প্রকাশ করিয়া দিতেছে। তিনি যেসংগ নিগুণের অতীত

* “ব্রহ্মপদে” এ অর্থ ব্রহ্ম ও ক্রম শব্দ সমস্তপদ হইলে হয়। আদর্শ পুস্তকে এই দুই শব্দ অসমস্তরূপে বিন্যস্ত আছে। তদনুসারে “আমি ব্রহ্ম সহ অভিন্ন আমার চরণে প্রণত হইয়া” এইরূপ অর্থ সঙ্গত হয়। সং।

এবং নির্ব্বিকার পুরুষে একাকার হইয়া পরম সমাধি ও সম্বোধি লাভ করিয়া শান্ত ও নিষ্কলঙ্ক হইয়াছিলেন, তাহা বিলক্ষণ সপ্রমাণ হইল ।

দ্বিতীয়তঃ, পূর্ণতা সন্তোগের দশ প্রকার অবস্থা হইয়া, ইত্যাকে বর্ণ বা ভূমি कहিয়া থাকে, যথা প্রমুক্তা, বিমলা, প্রভাকরী, অর্চিস্বতী, সুহৃৎয়া, অভিমুখী, দুর্জয়া, অঁচলা, সাধুমতী, ধর্ম্মমেধা । সুতরাং নির্ব্বাণ শূন্যবাদ নহে, ইহা চিত্তের অত্যন্তত অবস্থা তাহাতে আর কিছু মাত্র সন্দেহ নাই ।

অপিচ

সুখা (১) বিবেকজুষ্টিমা কৃতধর্ম্মসা পশ্যতঃ ।

অব্যাবধাৎ সুখং লোকে প্রাণিভূতস্য সংযমঃ ॥

সুখা বিরাগতা লোকে পাপানাং সমতিক্রমঃ ॥

অস্মিন্ মানুষ্যবিষয়ে এতদৈ পরমং সুখং ॥

“আমি ধর্ম্ম-তত্ত্ব দর্শন করিয়াছি, বিবেকপরিভূষ্ট হইয়াছি, ইহাই আমার সুখ । কারণ প্রাণিগণের সংযমই নিত্য সুখ । এই অবনীমণ্ডলে পাপ অতিক্রম করা ও বৈরাগ্যই সুখ । এই মানব জীবনে ইহাই পরম সুখ ।” বিবেক-বৈরাগ্য ও চিত্তসংযমে তাঁহার অপার আনন্দ হইয়াছিল কে আর অস্বীকার করিবে ।

(১) সুখমেব মন্যত্বে ।

নির্ঝাণ প্রাপ্তিতে তাঁহার সমুদয় দেবতাব ক্ষুণ্ণিত হইয়া
গেল । অতএব নির্ঝাণ শূন্যবাদ নহে পূর্ণধ্বংসও নহে ।

নাস্তান্তরে (১) হস্য নাশো যথা চ বর (২) বোধি
লভা । ল, বি, ২২ অ, ।

উত্তরকালসুও ইহঁার বিনাশ নাই, কেন না ইনি শ্রেষ্ঠ
বোধি (বিত্তজ্ঞ জ্ঞান) লাভ করিয়াছেন ।

কাজ্ঞা বিমতিসমুদয়া দৃষ্টিজলজন্তিতা (১) অশুভমূল্য ।

তৃফানদী তিবেগা (২) প্রশোষিতা মে জ্ঞানসূর্য্যোণ ।

অমঙ্গলের হেতু, হর্গতির কারণ, দৃষ্টিজলে নিপীড়িত বাস-
না ও অতিপ্রবল তৃফানদীকে আমি জ্ঞানসূর্য্যের দ্বারা
শোষিত করিয়াছি ।

কুহনলপনপ্রহাণং মায়ামাৎসর্য্যাদোষ (১) জৈষাদ্যম্ !
ইহ তে (২) ক্লেশারণ্যং ছিন্নং বিনয়াগ্নিনা দগ্ধম্ ॥

মায়ামাৎসর্য্যাদোষ জৈষাদি সর্পের বদলের ন্যায় বিনাশ
করে । এখানে সেই ক্লেশারণ্য ছিন্ন হইয়াছে, বিনয়াগ্নি
দ্বারা দগ্ধ হইয়াছে ।

ইহ কুদিতক্রুদিতানাং শোচিতপরিদেবিতানপর্য্যস্তম্ ।

প্রাপ্তং ময়া হ্যশেষং জ্ঞানগুণসমাধিমাগম্য ॥

ওষো যোগগন্ধাঃ শোকশল্য। মদাঃ প্রমদাশ্চ ॥

(১) উত্তরস্মিন্ । (২) বরা । (৩) বোধিঃ ।

(১) দৃষ্টিজলজন্তিতা । (২) অতিবেগা ।

(১) দোষৈষাদ্যম্ । (২) তৎ ।

বিজিতা মমেহ (১) সর্বৈ সত্যনয়সমাধিমগমা ।

এই বোধিমূলে জ্ঞানগুণ সমাধি আরম্ভ করিয়া আমি
রোদনক্রন্দন শোক পরিদেবনার সীমা প্রাপ্ত হইয়াছি ।
নীতি, সত্য ও সমাধি প্রাপ্ত হইয়া, নীলপ্রবাহ যোগের
প্রতিকূল ভাব, শোকশলা, মদ ও প্রমদ প্রীতি সমুদায়
অরিকে আমি জয় করিয়াছি ।

ইহ তে মূলক্লেশাঃ সানুশয়া দুঃখশোকসমুত্তাঃ ।

ময়া উদ্ধৃতা অশেষাঃ প্রজ্ঞাবরলাঙ্গলমুখেন ॥

ইহ মে (১) প্রজ্ঞাচক্ষুর্কিশোধিতং প্রকৃতিবিশুদ্ধসত্যানাম্ ।

জ্ঞানাজ্ঞেনেন মহতা মোহপটলবিস্তরং ভিন্নম্ ॥

ইহধাতুভূত (১) চতুরো (২) মদমকরবিলোড়িতা

বিপুলতৃষ্ণাঃ ।

স্মৃতিসমর্থভাস্করকরাগ্নৈর্কিশোধিতা মে ভবসমুদ্রাঃ ॥

ইহ বিষয়কাষ্ঠনিচয়ো বিতর্কসমোমহামদবহ্নিঃ ।

নির্বাপিতো দীপ্তৌ বিমোক্ষরসশীততোয়েন ॥

ইহ মে অনুশয়পটলা আশ্বাদতড়িহিতর্কনির্ঘোষাঃ ।

বীৰ্য্যবলপবনবেগৈর্বিধূয় বিলয়ং সমুপনীতাঃ ॥

ইহ পঞ্চগুণসমৃদ্ধাঃ ষড়্ভিক্ষিয়হয়া মদোন্মত্তাঃ ।

বন্ধাময়া হ্যশেষঃ সমাধিমগুভং (৩) সমাগমা ॥

(১) ময়েহ ।

(১) ময়া ।

(১) ধাতুভূতাঃ । (২) চতুরাঃ । (৩) গুভম্ ।

দুঃখশোকজনিত কৰ্ম্মাবশেষ মূলক্লেশসকল প্রজ্ঞারূপ
শ্রেষ্ঠ লাঙ্গলমুখে আমি নিঃশেষ করিয়াছি। প্রকৃতিবিভুদ্ধ
প্রাণিগণের আমা দ্বারা প্রজ্ঞা চক্ষু শোধিত হইল।
আমি মহাজ্ঞানাজ্ঞের দ্বারা মোহজাল ভেদ করিয়াছি,
আমার সম্বন্ধে বিপুল তৃষ্ণানন্তৃত মদমকরবিলোড়িত মূলী-
ভূত চারি ভবসমুদ্র স্থিতিক্রপ প্রবল ভাস্করের কিরণ দ্বারা
বিশোধিত হইয়াছে। এখানে বিষয়কাষ্ঠনিচয়যুক্ত বিতর্ক-
সহযোগী প্রদীপ্ত মহামদবাহু মোক্ষরসের শীতলজলে
নির্জ্বাপিত করিয়াছি। বিষয়ান্বাদরূপ তড়িৎ এবং বিতর্ক
গর্জনযুক্ত আমার কৰ্ম্মাবশেষ মেঘ বীৰ্য্যবলপবনবেগে
চালিত হইয়া বিলয়প্রাপ্ত হইয়াছে। শুভ সমাধি লাভ করিয়া
মদোন্মত্ত ও পঞ্চাঙ্গে সম্বন্ধিত অর্থাৎ রূপ রস গন্ধ স্পর্শ শব্দ
দ্বারা ভেজিয়া, যড়িন্দ্রিয়ঘোটকগণকে বদ্ধ করিয়াছি।

ইহ তন্ময়ানুবুদ্ধং সর্ব্বপরপ্রবাদিভির্বদপ্রাপ্তম্ ।

অমৃতং লোকহিতার্থং জরামরণশোকদুঃখাস্তম্ ॥

অন্য মতাবলম্বিগণ যাহা প্রাপ্ত হয় নাহি, আমি এখানে
লোকহিতার্থ সেই অমৃত বুঝিয়াছি, যাহাতে জরা মরণ শোক
বিনষ্ট হয়।

যত্র স্কন্ধৈর্দুঃখমাস্তনৈস্তৃষ্ণাসস্তবং দুঃখম্ ।

ভূয়ো নচোন্তবিষাত্যভয়পুরমিহাভ্যুপগতোহস্মি ॥

দুঃখাস্তন স্কন্ধসমূহ দ্বারা তৃষ্ণাজনিত দুঃখ আর উপন্ন
হইবে না, আমি এখানে অভয়পুরী প্রাপ্ত হইয়াছি।

মৈত্রীবলেন জিহ্বা পীতো মেহস্মিন্নমৃতমণ্ডঃ ।

করুণাবলেন জিহ্বা পীতো মেহস্মিন্নমৃতমণ্ডঃ ।

মুদিতাবলেন জিহ্বা পীতো মেহস্মিন্নমৃতমণ্ডঃ ।

ভিন্না ময়াহ্যবিদ্যা দীপ্তেন জ্ঞানকণ্ঠিনবজ্রেণ ।

ল, খি, ২৪ অ ।

আমি এই বোধিমূলে বসিয়া প্রেমবলে জয় করিয়া
অমৃতরস পান করিয়াছি, দয়াবলে জয় করিয়া অমৃত
পান করিয়াছি, আনন্দবলে জয় করিয়া অমৃত রস
পান করিয়াছি, আমি প্রদীপ্ত জ্ঞানশনিদ্বারা অবিদ্যা
ছেদন করিয়াছি । তবে কি সপ্রমাণ হইল না যে তাঁহার
নির্বাণ, পরম মুক্তি, জীবনুক্তি, নবজীবনলাভ ভাগবতী
তনুপ্রাপ্তি, সশরীরে স্বর্গভোগ ? ইহাতে জ্ঞান আছে,
বিনয় আছে, সত্য আছে, নীতি আছে, প্রজ্ঞা আছে, স্মৃতি
আছে, মোক্ষরস আছে, বীৰ্য্য আছে, বল আছে, সমাধি
আছে, মৈত্রী করুণা-অনন্দ আছে, শান্তি আছে । কি
নাই ? সকলই আছে । ব্রহ্মে স্থিতি পর্য্যন্তের অভাব
নাই । এ সমুদায়ই আমিত্ববিনাশমূলক । তবে যে
নির্বাণ প্রাপ্ত হইয়াও “আমি করিয়াছি” উক্ত হইয়াছে
তাহা আমিত্ববিহীন, অবিদ্যাবিমুক্ত তমোহীন “আমি” ;
“মুক্ত আমি” ; “শুদ্ধ সত্ত্ব আমি” । প্রশ্ন যে বলিয়া-
ছিলেন “আমি পথ, সত্য ও জীবন” সে কোন্ “আমি” ?
তাহাও ঐ শুদ্ধসত্ত্ব নির্বিকার “আমি” ।

এই নির্বাপনসাধনের বিবিধ উপায় আছে । প্রথমে প্রতিকূল তৎপরে অনুকূল । প্রথমোক্তিটি দশ প্রকার, দ্বিতীয়টি সাধনের অষ্টাঙ্গ । প্রতিকূল—যথা ; আত্মলম্ব বা স্বকীয় হৈতুভাব, কিটিকংসা (সংশয়), শীলব্রতপরামর্শ বা ক্রিয়াকলাপে অনুরাগ, কাম, প্রতিঘ্ন (ক্রোধ) অথবা ঘৃণা ; রূপরাগ অর্থাৎ ইহজীবনের প্রতি অনুরাগ, অরূপরাগ বা স্বর্গকামনারূপ জীবনে আনুরক্তি, মান, ঔদ্ধত্য এবং অবিদ্যা । অনুকূল যথা—সম্যক্ দৃষ্টি সম্যক্ সঙ্কল্প, সম্যক্ বাক্, সম্যক্ কৰ্ম্মান্ত বা সহ্যবহার, বা সম্যক্ আজীবন সহুপাঙ্গ উপজীবিকা আহরণ, সম্যক্ ব্যায়াম, সম্যক্ স্মৃতি, ও সমাধি । এই অষ্ট প্রকার সাধনের দ্বারা নির্বাণের পরমশত্রু পাপগুলিকে চিত্ত হইতে অপসারিত করিতে হইবে । সমাধি আবার চতুর্বিধ । বিবেক, একোহিত্যভাব, উপেক্ষকতা ও অস্মৃতিবিমুক্তি । ইহার প্রথমাবস্থায় প্রকৃত তত্ত্বের প্রকাশ ও অসংপদার্থের মূলপূরিদর্শন অর্থাৎ নির্বাণ, মোক্ষ, শান্তি, সমাধির প্রকৃত জ্ঞান প্রতীতি ও উপলব্ধি এবং তৎপরে, অবিদ্যা, অজ্ঞানতা, মোহ, অনিত্যতা ক্ষণভঙ্গুর বিষয়ের অসারতা প্রতীতি হইয়া থাকে । এই বিবেক পরিষ্কার নিশ্চল চক্ষু এবং উহা এক অলৌকিক জ্যোতিঃ । এই ধ্যানে পূর্বেকৃত বিষয়সকল আলোকিত হয়, তাবৎ সন্দেহ তিরোহিত হয়, প্রত্যক্ষ বিশ্বাস উজ্জ্বল হয় । ধ্যানের দ্বিতীয় অবস্থায় চিত্ত বহুত্ব (Generalization)

হইতে একত্রে (Synthesisএ) অর্থাৎ ব্যাষ্টি হইতে সমষ্টিতে পরিণত হয় । তৎকালে ভিন্ন বস্তুর আকাজ্ঞান থাকে না । সেই এক পরম পদার্থ, একই ধ্যান একই জ্ঞান, একই প্রীতি, একই ইচ্ছা, একেতেই অনুরাগ ও প্রীতি । তদ্ব্যতীত বস্তুস্তরে দৃষ্টি নাই, জ্ঞানও থাকে না, ভাব বা ভাবনাও হয় না । তৃতীয় প্রকার সমাধিতে চিত্ত উদাসীন হয়, জ্ঞান অজ্ঞান, ভাব অভাব, রাগ বিরাগ, সুখ দুঃখ, আনন্দ নিরানন্দ, সম্পদ বিপদ, নিত্য অনিত্য, এই সমুদায় বোধের অতীত হয় । তখন আত্মা মধ্যমাবস্থায় অবস্থিতি করে । তখন আত্মা নির্লিপ্ত, উপেক্ষক, অস্পৃষ্ট অবস্থায় নিষ্কিয় থাকে । কোন প্রকার জ্ঞান বা বোধে আসক্ত নহে, অধীন নহে, ক্রিয়াহীন জড়বৎ । চতুর্থ সমাধিতে আত্মস্মরণ তিরোহিত হয় । এই আমিত্ব বা অহংভাব বিদূরিত হওয়াতে চিত্ত প্রকৃত নির্যমল হয় । অহংকারই পাপের মূল, তাহার বিনাশে পাপের বিনাশ, পুণ্যের উদয়, পাপ জীবনের মৃত্যু ও ধর্ম জীবনের প্রাপ্তি ও জন্ম । এই অবস্থায় সকল দুঃখের অবসান, মুক্তিলাভ, শান্তিরসের উদয়, নির্বাণরূপ পরমতত্ত্বের আবির্ভাব ; অনন্তজ্ঞান ও সত্ত্বদর্শন, অর্থাৎ ব্রহ্মদর্শন হয় । এখন সত্ত্ব প্রকৃতিস্থ হয়, ও অমর হইয়া যায় । আর জন্মও নাই, মৃত্যুও নাই, জীবনও নাই, চ্যুতিও নাই । সত্ত্ব অচ্যুত রাজ্যে বিচরণ করে ও পরমানন্দে বিহার করে ।

শেষাঙ্গ নামক সমাধি বা শম । বাহ্যিক মানসিক

সর্বপ্রকার রিপু বশীভূত হইলে এই শান্তির উদয় হয় । চিত্ত স্থির, কোন বিষয়ে চঞ্চল হয় না, প্রতিকূল অনুকূল কোন ব্যাপারে ভাবান্তর হয় না, তাহা নিরন্তর একই অবস্থায় অবস্থিতি করে । ইহার নাম শম ।

এই নির্ব্যাণে চিত্ত পারমিতার অধিকারী হয়, পারমিতার উপর হৃদয় অবস্থিতি করে ।

দানঃ শীলঞ্চ শান্তিঞ্চ ধ্যানং বীৰ্য্যং বলসুখা ।

উপায়ঃ প্রণিধিঃ প্রজ্ঞা জ্ঞানং সৰ্বগতং হিতং ।

এষা পারমিতা প্রোক্তা বোধিসত্ত্বরনিন্দিতৈঃ ॥

এখানে শীল শব্দের অর্থ সাধুতা, বীৰ্য্য, (সাহস অর্থাৎ ইন্দ্রিয়াদির উপর অদ্ভুত কর্তৃত্ব) প্রণিধি (নিগূঢ় দর্শন ; সমস্ত ব্যাপারের অতি সূক্ষ্মদর্শন) সৰ্বগত জ্ঞান (সার্ব-ভৌমিক সত্য প্রতীতি) ।

এই নির্ব্যাণের পর ত্রিবিধ উন্নতির অবস্থা হইয়া থাকে । প্রথমে বোধিসত্ত্ব, পরে অর্হৎ, সর্বশেষে বুদ্ধ । এই বুদ্ধ উন্নতির চরমাবস্থা, ইহা কেবল শাক্য সিংহেরই হইয়াছিল, তিনিই এই সর্বোচ্চ পূর্ণতা লাভ করিয়াছিলেন ।

প্রচার ।

ধর্মপ্রবর্তক মহাপুরুষগণের কীর্ত্যপ্রণালী স্বতন্ত্র ।
তঁাহারা লোকপ্রমুখ্যে উপদেশ শ্রবণ করিয়া ধর্মপথে চলেন
না, বাস্তবিক পরোক্ষ জ্ঞানে তঁাহারা সন্তুষ্ট নহেন । জীবন্ত
অগ্রিমর জীবনই তঁাহাদের অপূর্ব ধর্মগ্রন্থ, স্মীর আত্মাই
তঁাহাদের প্রত্যাদেশের অভিনব ধনি, জীবন্ত মনোহর
প্রকৃতিই তঁাহাদিগের নিকট অভিনব প্রত্যক্ষ জ্ঞান ও দৃষ্টান্ত
বহন করিয়া থাকে । শুদ্ধ শান্ত অধ্যাত্মজগৎ তঁাহাদের বাস-
ভূমি সুতরাং তঁাহাদের অন্তঃচক্ষু নিয়তই উজ্জ্বল । মানব-
প্রকৃতি আর তঁাহাদের নিকট প্রহেলিকা বলিয়া প্রতীত
হয় না । সেই চিদাকাশ হইতে সতত জ্ঞানসম্মীরণ প্রবা-
হিত হইয়া তঁাহাদিগকে পরিতৃপ্ত করে । তত দিবস তঁাহারা
প্রচারকার্যে প্রবৃত্ত হয়েন না, যাবৎ তঁাহারা স্মীর জীব-
নের লক্ষ্য ও গতি স্থির না করেন এবং মহান উদ্দেশ্য
সাধনের প্রণালী স্বয়ং প্রত্যক্ষ উপলব্ধি না করেন ।
তঁাহারা সিদ্ধি লাভ না করিয়া প্রকাশরূপে প্রচারে প্রবৃত্ত
হয়েন না । সেই ঘোর অন্ধতমসাবৃত সময়ে মুখা সায়না
পর্বতে ও নিবিড় কাননে কি দর্শন করিয়াছিলেন, যাহা
দেখিয়া হতভয় হইলেন, তঁাহার বাক্য নিরোধ হইল, কণ্ঠ
অবরুদ্ধ হইল, সর্বাক্ষ বিবশপ্রায় হইয়া গেল । সেই

জীবন্ত ঈশ্বরের অলস্তু আবির্ভাব ; যাহার নাম “ আমি-
 আছি । ” তিনি সিংহাতের অতুজ্জল প্রভঙ্গ্য কি অবগ করি-
 য়াছিলেন ? “ আমি আছি ” যাহার নাম, তাহার সুমধুর
 আদেশ বাণী । তিনি যাহা দেখিলেন, যাহা শুনিলেন,
 তাহাই নগরবাসীদিগের নিকট গিয়া প্রচার করিলেন ।
 ঈশা নিবিড় অটবীমধ্যে প্রবিষ্ট হইয়া চল্লিশ দিবস কেন
 ক্রমাগত প্রার্থনা ধ্যান তপস্যায় অতিবাহিত করিলেন,
 তেজঃপুঞ্জ ভাগবতীতনু লইয়া প্রকল্প চিত্তে প্রত্যাবর্তন
 করিলেন এবং সিংহরবে নগরে নগরে মধুর স্বর্গীয় শুভ
 সংবাদ প্রচার করিলেন । দেবর্ষি নারদের বীণায় এমন কি
 অলৌকিক আকর্ষণ ছিল যাহা শুনিয়া দেবগণ মুগ্ধ হইয়া
 যাইতেন । “ আহুত ইবমে শীলং দর্শনং যতি চেতসি ”
 তিনি ডাকিবামাত্র হৃদয়ে সুন্দর হরির দর্শন লাভ করি-
 তেন, সেই হরির মনোহর রূপসাপরে ডুবিয়া স্বয়ং মত্ত
 হইতেন ও অপরকেও প্রমত্ত করিতেন । তাহার হৃদয়ের
 ভক্তিবীণা এমন বাজিত যে তাহা শুনিবামাত্র দেবতারা
 মুগ্ধিত হইয়া যাইতেন । ঐ দর্শনই তাহাকে হরিগুণ
 কীর্তনে ব্যাকুল করিয়াছিল । পরিশুদ্ধ বুদ্ধ এত দিন প্রচার-
 কার্যে নিযুক্ত হইতেন নাই । এখন নির্বাণ লাভ করিয়া
 সিদ্ধ হওয়াতে শাক্য সিংহ নাম ধারণ করিলেন । বোধি-
 বৃক্ষের সুরস ফলান্বাদন করিয়া আর তিনি একা অলস-
 ভাবে বসিয়া থাকিতে পারিলেন না । বোধিবৃক্ষের চতু-

বিধ ফল লাভ করিয়া তিনি অলৌকিক রূপ ধারণ করিলেন । ধর্মরূচি, ধর্মকার, ধর্মমতি, ও ধর্মচারী এই চার দেবতাব তাঁহার শরণাগত হইল । একে রাজতনয় নুবীন সম্রাসী তাহাতে আবার জীবনের সকলই পরিবর্তিত হইয়া নূতন হইল । পৃথিবীর বাসনাতৃষ্ণা বিদূরিত হইয়া এখন ধর্মই তাঁহার একমাত্র রূচি হইল, জীবনরীর বিনষ্ট হওয়াতে তিনি ধর্মতত্ত্ব প্রাপ্ত হইলেন, যতি ও আচরণ সকলই ধর্মে পরিণত হইল ।

বুদ্ধদেব নির্বাণ লাভ করিয়া পঞ্চচক্ষুশ্চান্ * হইলেন । নির্বাণের সর্বোচ্চ ও পূর্ণাবস্থাতে শারীরিক চক্ষু বাতীত অপর চতুর্বিধ আধ্যাত্মিকচক্ষু লাভ করা যায় । মাংসচক্ষু, ধর্মচক্ষু, প্রজ্ঞাচক্ষু, দিবাচক্ষু, ও বুদ্ধচক্ষু, এই পঞ্চবিধ নয়নের দ্বারা তিনি মানবের অবস্থা দর্শন করিতে লাগিলেন । তাহাতে তিনি জীবের দুঃখে এক হইয়া

* Mr. Hodgson innumerates the fivefold faculty of vision thus : 1st, Mansachakshu, or the carnal eye ; 2nd, Dharmachakshu, the eye of religion, or the faculty of seeing through religion ; 3rd, Prajñanachakshu or the power of seeing by the intellect ; 4th, Divyachakshu or divine eye ; 5th, Buddhachakshu, the eye of Buddha, or the power of seeing all things past, passing and future.

গেলেন । তখন তিনি বুদ্ধচক্ষে জীবগণের অবস্থাচিন্তায় মগ্ন হইয়া ভাবিলেন “ কস্মাদহং ” সৰ্বপ্রথমং ধৰ্ম্মদেশয়েয়ম্ ” এই প্রশ্ন উদয় হওয়াতে তিনি প্রথমতঃ কুদ্ৰক এবং দ্বিতীয়তঃ অরাড় কালামের কথা স্মরণ করিলেন । “ তাঁহারা এই ধৰ্ম্মগ্রহণের উপযুক্ত ; অতএব তাঁহাদিগকে প্রথমতঃ নূতন ধৰ্ম্ম উপদেশ করিবেন বলিয়া স্থির করিলেন । কিন্তু কুদ্ৰক সাত দিন এবং অরাড় কালাম তিন দিন পূর্বে কালগ্রাসে পতিত হইয়াছেন জানিয়া নিতান্ত দুঃখিত হইলেন । পরিশেষে সেই পঞ্চজন শিষ্য ঐহারা তাঁহাকে পরিত্যাগ করিয়াছিলেন তাঁহাদিগের উদ্দেশ্য করিলেন । তাঁহারা বারানসীতে আছেন জানিয়া প্রথমে বারানসীতে যাইতে বিনম্র করিলেন । তখন উক্কবিলু হইতে বাহির হইয়া বারানসী অভিমুখে যাত্রা করিলেন । বোধিমণ্ডের অনতিদূরে গয়াতে আজীবক নামে এক ব্রাহ্মণের সহিত তাঁহার প্রথম সাক্ষাৎ হয় । ঐ ব্রাহ্মণ তাঁহার মুখমণ্ডলের অল্পময় জ্যোতি ও শরীরের নিৰ্ম্মল দিবালাবণ্য সন্দর্শন করিয়া অবাক হইয়া জিজ্ঞাসা করিলেন গোতম ! তুমি এরূপ ব্রহ্মচর্য্য কোথায় শিক্ষা করিলে ? তিনি বলিলেন ;

আচার্য্যো ন হি মে কশ্চিৎ সদৃশো মে ন বিদ্যতে ।

একোহহমস্মিৎ (১) সম্বুদ্ধঃ শীতিভূতো নিরাশ্রবঃ ॥

(১) অস্মিৎ

“আমার কেহ আচার্য্য নাই, স্বয়ংসদৃশও কেহ নাই, আমি একাই সমুদ্র প্রমুক্ত এবং কর্মবন্ধন হইয়াছি।”
কি সিংহের ন্যায়, বিক্রম অথচ বালকের মত সরলতা।
লজ্জা ভয় তাঁহার নিকট আর স্থান পাঠল না, তিনি
নির্ভীক চিত্তে স্বয়ং জীবনের কথা বলিতে বিন্দুমাত্র কুণ্ঠিত
হইলেন না। আজীবক তাঁহার এই তেজোময় উত্তর
শুনিয়া হতজ্ঞান হইলেন, বুদ্ধ ব্রাহ্মণ বলিয়া বিশেষ গর্বিত
ভাবে তাঁহাকে জিজ্ঞাসা করাতে তাঁহার কিঞ্চিৎ গর্ব ধ্বংস
হইল। তখন তিনি পুনরায় বলিলেন তবে কি আপনি
অর্হৎ, আপনি জিন? তিনি উত্তর করিলেন, আমিই
লোকের এক মাত্র শাস্তা, অতএব আমি অর্হৎ, আমি
কর্মবন্ধ ক্ষয় করিয়াছি, পাপকে জয় করিয়াছি, অতএব আমিই
জিন। আজীবক বিনীত ভাবে বলিলেন, “বন্ত হ্যায়ুয়ান্
গৌতম গমিষ্যসি?” হে হ্যায়ুয়ান্ গৌতম, তবে তুমি কোথা
গমন করিবে? তথাগত বলিলেন ;

বারাণসীং গমিষ্যামি গতা বৈ কাশিকাং পুরীম্ ।

অন্ধভূতস্য লোকস্য কর্তাস্ম্যহং সদৃশীং প্রভাম্ ॥

শব্দহীনস্য লোকস্য তাড়য়িষ্যেহমৃতদ্বন্দ্বভির্ম্ ।

ধর্মচক্রং প্রবর্তিষ্যে লোকেষু প্রতিবর্তিতম্ ॥

“আমি বারাণসী যাষ্টব, তথায় গিয়া অন্ধকে দৃষ্টি শক্তি
দিয়া চক্ষুস্থান করিব ও বধিরকে অমৃতদ্বন্দ্বভিশ্রবণে ক্ষমতা
দান করিব। লোকে যেরূপ ধর্ম কখন প্রবর্তিত হয় নাই

এরূপ ধর্মচক্র তথায় প্রবর্তিত করিব।” আজীবক এই অগ্নিময় সাহসের কথা শুনিয়া নিরুত্তর রহিলেন । তখন বুদ্ধদেব পথে মগধরাজ বিম্বসার, এক ধনবান্ যুবা, যশোদেব ও তাঁহার পিতা মাতা এবং তাঁহার পত্নী কর্তৃক বিশেষরূপে অভ্যর্থিত হইলেন * । তিনি বৈরাগ্যকে পরম ধর্ম জ্ঞান করিতেন, সুতরাং গৃহস্থ বৈরাগীদিগকে ও বিশেষ সমাদর করিতেন । অনন্তর যারাণসীতে উপস্থিত হইয়া যুগদাব নামক আশ্রমে মাসত্রয় ক্রমায়ত্তে অবস্থিতি করেন । তথায় পূর্বপরিচিত সেই পাঁচ জন শিষ্যের সঙ্গে তাঁহার সাক্ষাৎ হয় । তাহারা প্রথমে তাঁহার প্রতি অপরিচিতের ন্যায় ব্যবহার করে । তাঁহাকে দেখিয়া কেহই কথা না কহিয়া চলিয়া যাইতেছিল । তন্মধ্যে জ্ঞাতকৌণ্ডিন্য নামে এক জন “কি গোষ্ঠম” বলিয়া সম্বোধন করাতে বুদ্ধদেব তাহাতে কিকিন্মাত্র রুষ্ট না হইয়া বরং তাহার প্রতি প্রেম প্রসন্নতা ও অত্যন্ত সমাদর প্রকাশ করিলেন । তাঁহার এই ব্যবহারে

* ললিত বিস্তরে এ সম্বন্ধে এইমাত্র আছে যে তিনি পথে অনেকের কর্তৃক সম্মানিত ও নিমন্ত্রিত হইয়াছিলেন । এক নাবিক তরপণ্য না পাইয়া তাঁহাকে গঙ্গা পার করিয়া দেয় না । তিনি আকাশমার্গে পার হইয়া যান । নাবিক অনুতপ্ত হইয়া রাজা বিম্বসারকে এই সংবাদ দেয় । তিনি সমুদায় প্রব্রজিতগণের তরপণ্য লওয়া বন্ধ করিয়া দেন । সং ।

জ্ঞাতকৌণ্ডিনা ব্রাহ্মণতনয় অত্যন্ত বিনীতাবে তাঁহার চরণ-
তলে পড়িয়া স্বীয় অপরাধ স্বীকার পূর্বক বার বার ক্ষমা
প্রার্থনা করিতে তপেধন শাক্যমুনি প্রসন্ন হইয়া তাঁহাকে
আলিঙ্গন করিলেন । পরে অবশিষ্ট টারিজন শিষ্য ইহার
দৃষ্টান্ত অনুসরণ করিল । তিনি জাহাঙ্গকে ধর্মচক্রে প্রবর্তন
সূত্র অর্থাৎ সার্বভৌমিক ধর্মরাজ্যের মূলতত্ত্ব ব্যাখ্যা
করিয়া বুঝাইয়া দিলেন । বারাণসীর যুগদাবে তিনি অত্যন্ত
উৎসাহ ও অনুরাগের সহিত ধর্মতত্ত্ব ও সূত্রসকল ব্যাখ্যা
করিতে আরম্ভ করিলেন, শত শত লোক তচ্ছবণে মুগ্ধ ও
অনুগত শিষ্য হইল । অনেক গৃহস্থ তাঁহার ধর্মমত গ্রহণ
করিয়া দেবপূজা পরিত্যাগ করিল । নানাস্থান হইতে
নরনারী সকল তাঁহার অভিনব ধর্মের বৃত্তান্ত শ্রবণমাননে
ঐ যুগদাবে আগমন করিতে লাগিল । ধনী নির্ধন,
পণ্ডিত মুর্থ, ব্রাহ্মণ ক্ষত্রিয় শূদ্র প্রভৃতি জাতিনির্বিশেষে
যুক্তি ও নির্বাণের উপদেশ শুনিয়া মোহিত হইয়া নব ধর্মের
দীক্ষিত হইতে আরম্ভ করিল । বহুকাল হইতে বারাণসী
অতি প্রাচীন ও প্রসিদ্ধ । ইহা বিদ্যা ও ধর্মচর্চার এক
প্রধান স্থান এবং হিন্দুধর্মের নিগড়ভূমি । সর্বপ্রথমে এই
স্থানের লোকদিগকে বশীভূত ও ধর্মের দীক্ষিত করিতে
পারিলে পাশ্চাত্ত জনগণকে সহজে হস্তগত করা যাইতে
পারে । বুদ্ধদেবের এখানে প্রতিষ্ঠালাভ হইল, চারিদিকে
তাঁহার নাম প্রচারিত হইয়া পড়িল । যদিও তিনি এই

সংসারকে একমাত্র বাসনা ও তৃষ্ণার মূলীভূত কারণ এবং মায়া ও বন্ধনের প্রকৃত জড় বিশ্বাস করিতেন, তথাপি ধর্মনিষ্ঠ ব্রহ্মচারী সংযতেন্দ্রিয় লোভুগৃহস্থদিগকে উদর-পরায়ণ সন্ন্যাসী অপেক্ষা শ্রেষ্ঠ মনে করিয়া ধর্মোদীক্ষিত করিতে লাগিলেন । ইতাবসরে মগধাধিপতি যুবরাজ তাঁহাকে নিজ রাজধানী রাজগৃহে পদার্পণ করিতে নিমন্ত্রণ করিয়া পাঠাইলেন ।

এই সময়ে তাঁহার এক ক্ষুদ্র সন্ন্যাসী ভিক্ষুদল সংগঠিত হইল । তাহাদিগকে লইয়া তিনি উরুবিল্বের মনোহর নিবিড় কানন মধ্যে বিহারার্থ গমন করিলেন । তথায় দ্বিজতনয় কাশ্যপের সহিত তাঁহার পরিচয় হয় । তাঁহার ভ্রাতৃত্বে বুদ্ধদেবের নাম শ্রবণ করিয়া দর্শনমানসে তৎসকাশে উপ-স্থিত হইলেন । সকলেই ব্রহ্মচারী দার্শনিক পণ্ডিত, কিন্তু অগ্রহোত্রী ছিলেন । প্রসিদ্ধ অধ্যাপক ও উপাধ্যায় বলিয়া সুবিজ্ঞ লোকেরা অনেকে ইচ্ছা করে নিকট অধ্যয়ন করিতেন । পরম জ্ঞানী গৌতম তাঁহাদের মধ্যে কিছু গাঢ় প্রশ্নের বাস ও কথোপকথন করাতে জ্যেষ্ঠ কাশ্যপ তাঁহার মত ও বিশ্বাস অবলম্বন করিলেন । তিনি অতিসুমার্জিত-বুদ্ধি শাস্ত্রজ্ঞ বিশেষ জ্ঞানী ও ব্রহ্মচারী বলিয়া বুদ্ধদেবের শিষ্যগণের মধ্যে প্রধান পদ লাভ করিলেন । তাঁহার মত পরিবর্তিত হওয়াতে অবশিষ্ট ভ্রাতৃদ্বয় ও তাঁহাদের শিষ্যগণ সকলে ক্রমশঃ কাশ্যপের অনুসরণ করিলেন ।

একদা বুদ্ধদেব নবদীক্ষিত শিষ্যাগণকে লইয়া গয়া নিকটে-
বৃত্তী গন্ধহস্তী পর্ব্বতে বসিয়া আছেন, এমন সময় সমুখস্থ
গিরিশিখরে দাবানল প্রজ্বলিত দেখিয়া তৎপ্রতি লক্ষ্য
করিয়া এক মনোহর উপদেশ দিলেন ।

হে কাশাপ, ঐ যে জলন্ত হতাশন দেখিতেছ, যত
দিন মানবমানবী বাসনা তৃষ্ণা ও অবিদ্যার অধীন থাকে,
তত দিন তাহাদেরও চিত্ত ঐরূপে জ্বলিতে থাকে । ইন্দ্রি-
য়াদি ও তদ্বিষয়সকল ঐ প্রধূমিত অনলের ইন্ধনস্বরূপ ।
বাসনা ও তৃষ্ণা ইন্দ্রিয় ও বিষয় জনিত ইন্ধনে ক্রমাগত জ্বলিয়া
উঠে । মনুষ্য যত সুন্দর পদার্থ দর্শন করে, তত তাহার
অন্তরে সুখস্পৃহা প্রবলতর হয়, এবং যত সেই স্পৃহা বল-
বতী হয়, তত দুঃখের কারণ ঘনীভূত হইতে দেখা যায় ।
বিষয়াদির জ্ঞান চিত্তে যত অধিক হয়, অসার সুখ দুঃখে
মন তত লিপ্ত হইয়া যায়, এইরূপে জন্ম জরা মৃত্যু শোক
দুঃখ দৌর্ম্মনসো দহমান হইয়া মানবগণ অশেষ ক্লেশ
ভোগ করে । কিন্তু যাহারা বোধিমার্গের অনুসরণ করেন,
তাহারা আত্মনিগ্রহে সেই বাসনা ও বিজ্ঞানরূপ অগ্নিকে
প্রজ্বলিত হইতে দেন না, তাহারা সমুদয় অন্তরেন্দ্রিয়দিগকে
সংযত করিয়া শান্ত করেন । নির্ব্বাণের চরম লক্ষ্য পবি-
ত্রতা ও প্রেম তাহারা তথায় উপনীত হইয়া পরম সম্বোধি
লাভ করেন । অন্তর বিগুহ্ব হইলে আর বাহ্য পদার্থসকল
অন্তরেন্দ্রিয়দিগকে উত্তেজিত করিতে পারে না । এই-

রূপে ক্রমে তৃষ্ণানল নির্বাণজলে নির্বাণ হইয়া যায় ।
 যথার্থ শিষ্য এই প্রকারে সকল পাপের মূলবৃক্ষ হইতে
 এককালে বিমুক্ত হইলেন । কি চর্যাকার উপদেশ ! বাস্ত-
 বিক কামক্রোধাদি রিপুসকল এক বাসনা ও তৃষ্ণা হইতেই
 উৎপন্ন হয় । যদি সেই তৃষ্ণা বিনাশ করা যায়, তবে সমু-
 দায় রিপু মূল পর্য্যন্ত বিনষ্ট হইয়া যায় । তখন প্রকৃত
 পুণ্য ও প্রেমের বিকাশ হয় । যে ব্যক্তি সেই অনন্ত পুণ্য
 ও প্রেমের জলধিতেমগ্ন হইয়া যায়, তাহার আর কোন
 প্রকার বাসনা থাকে না ।

অতঃপর শাক্যসিংহ কাশ্যপ প্রভৃতিকে সঙ্গে লইয়া
 রাজগৃহাভিমুখে যাত্রা করিলেন । মগধরাজ বিশ্বসার
 তৎকালে প্রতাপশালী ঐশ্বর্যবান্ রাজা ছিলেন ।
 রাজা ইহাঁদের আগমনবার্তা শ্রবণ করিয়া স্বয়ং অভ্যর্থনা
 করিতে আসিলেন । নগরবাসী সঙ্খস্র সহস্র লোক ইহাঁ-
 দিগকে দেখিতে কোতূহলাক্রান্ত চিহ্নিত পথে প্রকাণ্ড ভিড়
 করিয়া দাঁড়াইল । রাজতনয় গৌতম যেমন আজানুল-
 স্তিতবাহু বিশাল ও উন্নতগ্রীব, কাশ্যপও তদ্রূপ । উভয়েই
 শান্তি বিনীত ও গম্ভীরপ্রকৃতি এবং সন্ন্যাসী । ইহার মধ্যে কে
 গুরু কে শিষ্য সকলে তাহা জানিবার জন্য ব্যগ্র হইল, কতক
 লোকে কাণাকাণি করিতে লাগিল । তীক্ষ্ণবুদ্ধি সুবিজ্ঞ
 গৌতম ঋষি তাহা অবগত হইয়া কথোচ্ছলে কাশ্যপকে
 জিজ্ঞাসা করিলেন, কেন তুমি আদিত্যের পূজা পরিত্যাগ

করিলে ! কাশাপ তাঁহার এই প্রার্থের উদ্দেশ্য অবগত হইয়া এই প্রত্যুত্তর করিলেন যে, কতকগুলি লোক দর্শন স্বাদ গন্ধ ও ইন্দ্রিয়পরতন্ত্রতার সুখানুভব করিয়াছে, আর কতকগুলি ত্যাগে । আমানোর মতে এই বিবিধই অসার । নির্বাণ অত্যাচ্ছ শান্তি, ইহা ইন্দ্রিয়পুরায়ণ লোকের অপ্রাপ্য । বিশেষ বাহারা জরামরণজন্মের অধীন তাহারা নির্বাণ লাভ করিতে পারে না । বাহারা শুদ্ধাত্মা ও উন্নত তাঁহারা এই পরম শান্তি প্রাপ্ত হইবেন । উভয়ের এই কথোপকথন অবসান হইলে রাজা বিশ্বসার তচ্ছবণে মুগ্ধ হইয়া গেলেন । বুদ্ধের নিকট গিয়া তাঁহার নব প্রচারিত ধর্ম গ্রহণ করিলেন ।

তৎকালে কাশাপ মুগ্ধপ্রদেশে অতি প্রসিদ্ধ লোক ছিলেন । একদিকে মহাজ্ঞানী কাশাপ, অপর দিকে মগধাধিপতি, উভয়ে অতি প্রধান লোক হইয়া এই নূতন নির্বাণমার্গের অনুসরণ করাতে পর দিন যষ্টিবনে তাহার হাজার লোক গোঁতমকে দেখিতে আসিল এবং তাঁহার নূতন মত, অভিনব মুক্তিতত্ত্ব শ্রবণলালসায় তৃষ্ণার্ত হইল । শ্রবণাভিলাষী দর্শকগণের ভিড় বাগ্রতা উৎসাহ ও অনুরাগ দেখিয়া শাক্যসিংহ আশ্চর্যান্বিত হইলেন । পর দিন তিনি যখন ভিক্ষাপাত্র হস্তে লইয়া নগরের মধ্য দিয়া রাজদ্বারে ভিক্ষার্থ উপস্থিত হইলেন, পথে সহস্র সহস্র নরনারী তাঁহার অমৌকিক ভাব

দেখিয়া পশ্চাৎ পশ্চাৎ চলিতে লাগিল । কি উজ্জল জ্যোতি, দিব্য লাবণ্য, সৌম্যমূর্তি, প্রসন্ন ও করুণাপূর্ণ দৃষ্টি ও পুণ্যময় মুখমণ্ডল । তাঁহাকে দেখিবামাত্র দর্শকের চিত্ত প্রফুল্ল হইত । তিনি যখন পথ দিয়া চলিয়া যাইতেন, তখন মস্তক অবনত করিয়া দৃষ্টি নিম্নে সংস্থাপন করিয়া গম্ভীরভাবে জীবের প্রতি নিরীক্ষণ করিতে করিতে ধীরে ধীরে পদ সঞ্চারণ করিতেন । এ দিকে রাজা বিশ্বসার সুগত ভোজনপাত্রহস্তে দ্বারে দণ্ডায়মান শুনিয়া ত্রস্তভাবে তথায় সমাগত হইয়া ভক্তিপূর্বক তাঁহার চরণে প্রণাম করত কহিলেন, “ভগবন্, যষ্টিবন বহুদূরে, আপনার আসিতে ক্লেশ হয়, অতএব অদূরে বেণুবনে অবস্থিতি করিয়া দাসকে কৃতার্থ করুন ।” শাক্যমুনি ঐ বেণুবনে দুই মাস অবস্থান করিয়া বিবিধ উপদেশ প্রদান কবিলেন । বর্ষাকালে চতুর্মাস্যের সময় তিনি এখানে প্রতিবৎসর বিহার করিতে আসিতেন । এই মঠে ধর্মের মূলতত্ত্ব অনেক ব্যাখ্যা করিয়া ছিলেন । এই বেণুবনে তাঁহার হৃদয়গ্রাহী বচন শুনিয়া শারি পুত্র মৌদগল্যায়ন নামক দুই জন সন্ন্যাসী স্বমত পরিত্যাগ পূর্বক এই ভিক্ষুশ্রেণীভুক্ত হইলেন । ইহঁরা উভয়ে তাঁহার প্রধান শিষ্যমণ্ডলীর মধ্যে পরিগণিত হইলেন । শাক্যমুনি এই দুইজনকে সংঘমধ্যে প্রধান প্রতিষ্ঠিত করাতে পুরাতন ভিক্ষুগণের হিংসা উত্তেজিত হইল । তাঁহারা সকলেই গৌতমের প্রতি অত্যন্ত বিরক্ত হইয়া

গেলেন । তখন গুরু তাঁহাদের আন্তরিক কলুষিত ভাব দেখিয়া নিতান্ত দুঃখ হইয়া বলিলেন, “দেখ সকল প্রকার পাপ হইতে মুক্ত হইয়া ধর্মপথে বিচরণ করা এবং আপন আপন হৃদয় নিম্নল করাই বুদ্ধগণের ধর্ম । তোমরা কেন ইহার বিপরীত আচরণ করিতেছ । কি আশ্চর্য্য, মহাপুরুষেরা সকল যুগেই শিষ্য ও প্রেরিতগণের দোষাশ্রয় ও বিবাদ জন্য সময়ে ২ যৎপরোনাস্তি ক্লেশ পাইয়াছেন । মহাজনেরা সিদ্ধ পুরুষ, তাঁহারা নিম্নল আকাশের ন্যায় প্রশান্তচিত্ত ও বিশুদ্ধ এবং সমুদ্রের মত অতিগভীর অতলস্পর্শ, সুতরাং তাঁহারা আর কোন প্রকারে বিক্ষিপ্ত হইবার নহেন । কিন্তু অসিদ্ধ অসংযত শিষ্যগণ ভিন্নরুচি, বিভিন্ন প্রকৃতির লোক, সামান্য সংঘর্ষে হইলে তাহাদের চিত্তের প্রচ্ছন্ন পাপানল জলিয়া উঠে । দুই খণ্ড গুরু ইন্ধন লইয়া ক্ষণকাল ঘর্ষণ কর, দেখিবে অল্পকাল মধ্যেই তাহা প্রজ্জ্বলিত হইবে ।

অতঃপর বুদ্ধদেব দলের এইরূপ হীনভাব নিরীক্ষণ করিয়া ইহার পবিত্রতারক্ষার্থ কঠোর শাসনপ্রণালী স্থির করা আবশ্যক মনে করিয়া বৈরাগ্যের কতকগুলি নিয়ম সংস্থাপিত করিলেন । ইহার নাম প্রতিমোক্ষ । উহা ভঙ্গ করিলে বিশেষ দণ্ডনীয় ও আশ্রম হইতে বহিষ্কৃত হইতে হইত । এই ভাবে কঠোর প্রণালী অবলম্বন করাতে ভিক্ষুদল সুশাসিত হয় । মানবহৃদয় নিরতিশয়

নূতনপ্রিয়, ক্রমাগত বিচিত্র ঘটনাবলী না দেখিলে বাস্তবিক তাহার উৎসাহ উদ্যম নিকর হইয়া যায় । গৌতম রাজগৃহে আসিবামাত্র প্রথম প্রথম একে একে দিবস লোকের মনে উৎসাহ ছিল না । শারি পুত্র ও মৌদগল্যায়নের ধর্মগ্রহণের পর আর কেহ নূতন তাঁহার শ্রেণীভুক্ত না হওয়াতে গ্রামস্থ লোকেরা ভগ্নোদ্যম ও নিরুৎসাহিত হইয়া তাঁহাদের প্রতি বীতশ্রদ্ধ হইল । শিষ্যেরা যখন ভিক্ষার্থ লোকের দ্বারে দ্বারে গমন করিতেন, সকলে তাঁহাদিগকে ও শ্রমবুদ্ধকেও বড় তিরস্কার করিত, অথবা কথা বলিয়া চিত্তকে ব্যথিত করিত । তোমাদের গুরু কি এক নূতন মত বাহির করিয়া বুদ্ধ পিতামার যষ্টিস্বরূপ পুত্রদিগকে সন্ন্যাসী করিয়া গ্রহশূন্য করিতেছে, দেশে উৎসন্ন হইয়া যাইবে, এই বলিয়া নগরবাসীরা তাঁহাদিগকে অতিশয় ভৎসনা করিত । তাঁহারা ইহার সন্তুর্ন দিতে অক্ষম বিধায় আপন উপদেষ্টার নিকট জ্ঞানহইতেন । ইহা শুনিয়া শাক্যসিংহ তাঁহাদিগকে এই উপদেশ দিলেন, বুদ্ধ কেবল ধর্ম ও পবিত্রতা বিস্তার করিতে চেষ্টা করিতেছেন, তিনি কোন অস্ত্র দ্বারা বলপূর্বক লোকের চিত্ত আকর্ষণ করিতে চাহেন না । পূর্বজন বুদ্ধেরা যাহা করিয়া গিয়াছেন, তিনি তাহাই করিতেছেন । তিনি কেবল সত্যপ্রচার দ্বারা লোক পাইয়াছেন, অপর কোনরূপ কৌশল তিনি জানেন না । যাহার হৃদয় এই ধর্মগ্রহণ

করিতে চায় তিনি তাহাকে সাদরে আলিঙ্গন দিতে প্রস্তুত ।

এদিকে রাজা শুদ্ধোদন শুনিলেন যে, গৌতম সিদ্ধ হইয়া অলৌকিক জীবন পাইরাছেন? শত শত লোক তাঁহার সমুদয় উপদেশকদম্ব শ্রবণ করিয়া মুগ্ধ ও পবিত্র হইয়া যাইতেছে, পাপী সাধু হইতেছে । তখন রাজা তাঁহাকে দেখিবার জন্য নিতান্ত ব্যাকুল হইলেন । অতঃপর তিনি রাজকুমারের নিকট এক লোক প্রমুখাৎ বলিয়া পাঠাইলেন যে বৃদ্ধ রাজা তোমাকে এক বার দেখিতে চান, মৃত্যুর পূর্বে তাঁহাকে দেখা দিয়া যাও । গৌতম পিতার সম্মুখে বচনে বিগলিত হইলেন, এবং সাদোপাস্ত্র সঙ্গে লইয়া অবিলম্বে কপিলবস্ত্র নগরীতে উপনীত হইলেন । তিনি ব্রহ্মচর্য্য ও বৈরাগ্যের নিয়মানুসারে সহস্র প্রান্তরের বনমধ্যে বাস করিতে লাগিলেন । অনন্তর ভিক্ষাপাত্র হস্তে লইয়া সহরে বাহির হইলেন । নগরের দ্বারে আসিয়া ভাবিলেন ভিক্ষার্থ রাজদ্বারে যাইব কি না? কেন যাইব না? সন্ন্যাসীর ধর্ম্ম দ্বারে ২ ভিক্ষা করা উহাতে আর মান অপমান নাই । এই স্থির করিয়া রাজপ্রাসাদের অভিমুখে যাইতেছেন, এমন সময় রাজার কর্ণগোচর হইল যে কুমার অনেক জন্য দ্বারে দ্বারে ভিক্ষা করিতেছেন । ইহা শ্রবণে তিনি অত্যন্ত হুঃখিত ও বিস্মিত হইয়া প্রাসাদ হইতে নিষ্ক্রান্ত হইয়া দেখিলেন যে সত্যই গৌতম শিষ্য ভিক্ষা

করিতেছে। তিনি তাঁহার উজ্জ্বল মুখজ্যোতি দর্শন মাত্র
 অবিরল ধারায় রোদন করিতে লাগিলেন। তিনি বলিলেন,
 “প্রভু, কেন তুমি আমাদিগকে লজ্জিত করিতেছ, কেন তুমি
 উদরান্নের জন্য দ্বারে দ্বারে ভিক্ষা করিতেছ। আমি কি
 এতগুলি সন্ন্যাসীর আহার যোগাইতে পারিতাম না?”
 গৌতম রাজার বিষমতা ও লজ্জিত ভাব দর্শন করিয়া বলি-
 লেন, “মহারাজ, আমরা সন্ন্যাসিজাতি, এইরূপ ভিক্ষাবৃত্তিই
 আমাদের ধর্ম, ইহার জন্য আপনি আর কেন আক্ষেপ
 করিতেছেন?” তাঁহার এই কথায় রাজার চিত্ত প্রবোধ
 মানিল না। তিনি পুনরায় বলিলেন, “দেখ কুমার, আমরা
 রাজবংশসমুৎপত্ত যোদ্ধা ও বীরতনয়। আমাদের বংশের
 কেহ কখন ভিক্ষাবৃত্তি অবলম্বন করে নাই।” গৌতম
 বলিলেন, “মহারাজ, আপনি ও আপনার পরিবারস্থ লোকেরা
 রাজবংশজাত বলিয়া অতিমান করিতে পারেন বটে, কিন্তু
 আমার জন্ম পূর্বতন সন্ন্যাসী বুদ্ধগণ হইতে। তাঁহারা দ্বারে
 দ্বারে ভিক্ষা করিয়া জীবন ধারণ করিতেন। পিতঃ,
 আমি সেই পিতৃদত্ত গুপ্ত ধর্ম পাইরাছি, তাহা আপনাকে
 উপহার দেওয়া আমার একান্ত কর্তব্য।” এই বলিয়া তিনি
 পিতাকে ধর্মের সার কথা বলিলেন। “প্রবুদ্ধ হও নিদ্রিত
 থাকিও না, পবিত্র জীবনলাভে যত্নবান্ হও, তাহারা ধর্ম-
 পথে বিচরণ করে তাহারা ইহকাল পরকালে পরমানন্দ
 সম্ভোগ করে। অতএব পাপ জীবন পরিত্যাগ করিয়া

সাধু জীবনের অনুসরণ কর, তাহারা মৎপথে থাকে তাহারা ইহামুক্তি পূর্ণ শান্তি প্রাপ্ত হয়।" সামান্য কথায় বুদ্ধ একটি গভীর সত্য ব্যাখ্যা করিলেন, রাজা শুক্লোদন তাহা কিছুই বুঝিতে পারিলেন না। এই নব্ব্বর দেহ যেমন পার্থিব পিতৃসন্তৃত, তদ্রূপ সাধু আত্মীসকল পূর্বতন মহাপুরুষগণ হইতে জন্ম লাভ করিয়া থাকে। মহাপুরুষেরা শরীর পরিত্যাগ করিয়া চলিয়া যান বটে, কিন্তু তাঁহারা সাধুতা, দৃষ্টান্ত, পবিত্র জীবন ও স্বর্গীয় গভীর দেশে নিত্য ইহকালে জীবিত থাকেন। যোগ ভক্তি সমাধি ধ্যান প্রেম বৈরাগ্য চিত্তশুদ্ধি ইন্দ্রিয়সংযম পূণ্য ও ত্যাগস্বীকার এই স্বর্গীয় ধন তাঁহাদের জীবনবৃক্ষের সুস্বাদু ফল। মানবীর আত্মীর সহিত তাঁহাদের আধ্যাত্মিক সম্বন্ধ আছে। যখন তাঁহাদের সহিত আমাদের গভীর স্রোগ হয়, তখন তাঁহারা আমাদের আত্মাতে একীভূত হইয়া যান, তখন তাঁহাদের সমুদায় ধন আমাদের আত্মাতে অবতীর্ণ হয়, তাঁহারা আমাদের আত্মাতে পরিণত হইয়া যান, সমুদায় স্বতন্ত্রভাব বিদূরিত হইয়া যায়। ভক্তেরা ভক্তিসাগরে, যোগিগণ যোগসমাধিতে মৎস্যের ন্যায় পবিচরণ করিতেছেন। যখন আমরা ভক্তি কি যোগে মগ্ন হই, তখন আমরা তাঁহাদের ভিতরে প্রবিষ্ট হইয়া এক হইয়া যাই। ইহার নাম যথার্থ সাক্ষ্যযোগ।

অনন্তর মহারাজ শুক্লোদন কুমারের কথায় কোন উত্তর

না দিয়া তাঁহার ভিক্ষা পাত্র স্বয়ং হস্তে লইয়া গৌতমকে অন্তঃপুরে লইয়া গেলেন । তথায় পরিবারস্থ সমুদায় নর-নারী ও দাসদাসী তাঁহাকে দেখিবীর জন্য বাগ্ন হইয়া প্রতীক্ষা করিতেছিলেন, তিনি তথায় গিয়া উপবিষ্ট হইলেন । যিনি ছিলেন রাজতনয় তিনি এখন ধর্ম্মরাজ হইয়াছেন, সুতরাং রাজশরীরে আত্মার স্বর্গীয় শোভা সংযুক্ত হওয়াতে তাঁহার সৌন্দর্য্য দ্বিগুণিত হইয়াছে । মস্তক-কেশহীন, গাত্রে গৈরিক বস্ত্র, হস্তে ভিক্ষা পাত্র, চরণদ্বয় উপানদ্বিহীন, কুমারের অঙ্গে আর কোন ভূষণ নাই, কেবল ধর্ম্মই একমাত্র অলঙ্কার হইয়া নবীন সম্যাসীর অনূ-পম জ্যোতি ও দিব্যলাবণ্যে দর্শকদিগকে মুগ্ধ করিয়া দিল । মাতৃস্বসা ও বিমাতা গৌতমী ও অপরাপর ক্রমাগণ নিকটে আসিয়া অক্লিষ্ট বেগে গোপনে অশ্রুবর্ষণ করিতে লাগিলেন, আর এক একবার কুমারের প্রতি চাহিয়া দুই একটি কথা বলিতে লাগিলেন । ইহা শুনি মধ্য কুমার চাহিয়া দেখিলেন যে তাঁহাদের মধ্যে গোপা অনুপস্থিত । সহ-চরীরা আসিবার সময় গোপাকে ডাকিলেন, কিন্তু তিনি উত্তর করিলেন “ আমার যদি কোন মূল্য থাকে, যদি বাস্তবিক আকর্ষণ থাকে, তবে গুণধর স্বয়ং আমার নিকট আসিবেন । আমার যাইবার প্রয়োজন নাই । আমি ঘরে বসিয়াই তাঁহাকে ভালরূপে অভ্যর্থনা করিতে পারিব । ” বিগুঢ় প্রেম, তুমিই কি সেই সচ্চিদানন্দ

পুরুষ ? না তুমি তাঁহার অমুপম লাবণ্য, তুমি মানব মানবীর
অন্তরস্থ পবিত্র বন্ধনী তুমি স্বর্গ হইতে অবতীর্ণ হইয়া
যোগ ভক্তির মিলন করিবার জন্য নরনারীকে পরিণয়-
সূত্রে গ্রথিত কর। তোমার অপার মহিমাশুভে এই দুই
আত্মা পরস্পরের মধ্যে প্রবিষ্ট হইয়া একীভূত হইয়া
যায়। গৌতম সর্ব্বত্যাগী সন্ন্যাসী হইরাছেন বটে, কিন্তু
গোপার নির্ম্মল প্রণয় বিস্মৃত করেন নাই। সহধর্ম্মিণী
আসেন নাই বলিয়া তিনি দুই অন্তরঙ্গ শিষ্য সমভিব্যাহারে
পত্নীর গৃহাভিমুখে গমন করিতে উদ্যত হইলেন। প্রথমে
তিনি শিষ্যদ্বয়কে সতর্ক করিয়া দিলেন যে যদি এই রমণী
আমার স্পর্শ করেন তবে তোমরা কোনরূপে বাধা
দিবে না। অনন্তর ব্রহ্মচর্য্যব্রতধারিণী গোপা দূর হইতে
শ্মশ্রুহীন মুণ্ডিতকেশ গৈরিকবসনপরিধারী “ অমুপম-
কান্তি এক সন্ন্যাসী তাঁহার গৃহাভ্যন্তরে প্রবেশ করি-
তেছেন দেখিয়াই দৌড়িয়া তাঁহার চরণে প্রণিপাত করিয়া
কাঁদিতে লাগিলেন। তাঁহার মনে হইল যেন এক প্রজ্বলিত
হতাশনের নিকটবর্ত্তী হইয়াছি, সে তেজ্জ্বল হুঃসহ। আর
তিনি মনে করিতে পারিলেন না যে শুগধর তাঁহার স্বজা-
তীয় লোক, কোন্ দেবাত্মজ এই ভাবিয়া তিনি গলদশ্র-
লোচনে পদতল হইতে উঠিয়া এক পার্শ্বে দাঁড়াইলেন।
ইতাবসরে রাজা তথায় উপস্থিত হইয়া পুত্রবধূর পক্ষ হইয়া
কমা প্রার্থনা করা উচিত মনে করিলেন। বলিলেন “দেখ,

তোমার পত্নী কেমন অন্তরের সহিত তোমার ভাল বাসেন। তুমি যে অবধি গিয়াছ তদবধি তিনি সমুদায় সুখে অলাঞ্জলি দিয়াছেন, একাহারে ও ভূমিশয্যায় শয়ন করিয়া কোনরূপ দিনপাতি করেন। বুদ্ধ যদিও বৈরাগ্যের নিয়মামুসারে সন্ন্যাসগ্রহণপর্যন্ত কোন ললনার শরীরমাত্রও স্পর্শ করেন নাই, কিন্তু পত্নী পদস্পর্শ করাতে তিনি কিছুমাত্র প্রতিরোধ করিলেন না। কারণ এইরূপ করিতে দেওয়াতে তিনি তাহার চিত্তকে বৈরাগ্যের দিকে আকর্ষণ করিলেন, সহধর্মিণীকে ধর্মচক্রে ও নির্বাণমাগরে আনয়ন করিলেন। সেই বিগত প্রেম আরও ঘনীভূত হইল। বাস্তবিক গোপা গৌতমকে নিরীক্ষণ করিয়া প্রেমে বিগলিত হইয়া গেলেন, সাত বৎসরের বিচ্ছেদযজ্ঞের ক্ষণমাত্র দর্শনেই হুলিয়া গেলেন। কারণ সতীত্বে প্রকৃত বিরহ নাই, সাময়িক ও শারীরিক অদর্শন মাত্র। হৃদয়ের স্পর্শমণি সদা অন্তরেই বিরামমান থাকে, তাহার আর সঞ্চরমাণ ভাব নাই। একারণ উভয়েই উভয়ের মধ্যে শুদ্ধ স্বরূপে বিদ্যমান ছিলেন। ৭

বুদ্ধদেব কপিলবস্ততে কিছু গাঢ় প্রবাস করিলেন, রাজপরিবারস্থ অনেকের চিত্ত তৎপ্রতি আকৃষ্ট হইল। গৌতমীগর্ভজাত বৈমাত্রেয় ভ্রাতা নন্দকে প্রথমে তিনি সন্ন্যাসধর্ম্মে দীক্ষিত করেন। একথা রাজার কর্ণগোচর হওয়াতে রোদন করিয়া রাজ্যের নিকট গিয়া আক্ষেপ

করিতে লাগিলেন । দেখ, আমি নিতান্ত দুর্ভাগ্য, কে
বা রাজ্য ভোগ করে, কেই বা বংশ রক্ষা করে,
আর কেই বা পিতৃদান করিয়া আমাদেরকে উদ্ধার করে,
এক গণ্ডুষ জল দেয় এমন লোক আর দেখি না । শাকা-
সিংহ আমার কিছু দিন পরে ভিক্ষার্থ রাজত্ববনে আসিয়া-
ছেন । এমন সময় গোপা রাহুলকে উত্তম পরিচ্ছদে সজ্জিত
করিয়া দিয়া বলিলেন, “তুমি পিতার নিকট গিয়া পৈতৃক
ধন চাও ।” রাহুল এই কথা শুনিয়া বলিল, “মা, পিতা
কে তাহাত আমি জানি না, আমি এক রাজাকেই চিনি ।
কে আমার পিতা ?” গোপা গবাক্ষের অন্তরাল হইতে
অঙ্গুলি দ্বারা নিদর্শন করিয়া বলিলেন, “ঐ যে উজ্জলকান্তি
সন্ন্যাসী দেখিতেছ, উনিই তোমার পিতা । উহার অনেক
ধন আছে । উনি আমাদেরকে পরিত্যাগ করিয়া গিয়া
অবধি উহাকে আর আমরা দেখি নাই । উহার নিকট গিয়া
তুমি স্বীয় অধিকার প্রার্থনা কর । বল গিয়া যে, পিতঃ, আমি
তোমার পুত্র আমি এই বংশের প্রধান, অতএব আমাকে
তুমি তোমার অধিকার দান কর ।” রাহুল মাতার নিকট
এই কথা শিক্ষা করিয়া নির্ভয়চিত্তে ও সন্মোহ ভাবে পিতার
নিকট পৈতৃক ধনের ভিক্ষারী হইল, এবং বলিতে লাগিল,
“পিতঃ, আমি তোমায় দেখিয়া বড় সন্তুষ্ট হইয়াছি ।” বুদ্ধদেব
তাহার কথায় বড় কর্ণপাত করিলেন না, কোন উত্তর
না দিয়া আহাঙ্গাদি করিয়া নাগোধ উদ্যানে চলিয়া গেলেন,

বালকও তাঁহার পশ্চাৎ পশ্চাৎ চলিল । নাছোড়বান্দা, আবার সেখানে গিয়া তাঁহাকে ঐ কথা বলিয়া বিরক্ত করিতে লাগিল ।

বুদ্ধ ঐতক্ষণ নিক্তর ছিলেন । দেখিলেন যে শিষ্যগণের মধ্যে কেহই নিবারণ করিতেছে না । তখন তিনি মনে করিলেন, বালক পিতার নিকট সেই নথর ধন চাহিতেছে যাহা অনর্থের মূল । কিন্তু আমি বোধিক্ষম-
তলে যে সপ্ত রত্ন পাইয়াছি, আমি ইহাকে তাহারই অধি-
কারী করিব, ইহাকে আধ্যাত্মিক জগতের উত্তরাধিকারী করিয়া যাইব । ঐ নিরীহ দ্বাদশবর্ষীয় বালক ইহার বিন্দুবিসর্গ জানে না । সে কেবল জননীর কথায় ধনের ভিখারী হইয়াছে, বুদ্ধদেবের সঙ্গে সঙ্গে চলিতেছে, আর মধ্যে মধ্যে- ধনের কথা উল্লেখ করিয়া শাস্তিভঙ্গ করিতেছে ।
তখন মুনিবর অন্তরঙ্গ শিষ্য শারিপুত্রের প্রতি চাহিয়া বলিলেন, “এই বালকের মস্তকমুণ্ডন করিয়া দিয়া ইহাকে দলভুক্ত কর ।” পৃথিবীর পিতা মাতা অতিসাদরে ও স্নেহে স্বীয় পুত্রকে নিতান্ত অকিঞ্চির ধন দিয়া থাকেন, কিন্তু শাক্য ব্রাহ্মণকে এমন ধন দিয়া গেলেন যে আড়াই হাজার বৎসর অতীত হইল তাহা এখনও ক্ষয় হয় নাই, কোন কালে ক্ষয় হইবার ও নহে । পিতা যদি স্বীয় তনয়কে সাধু ও অমর জীবন দিয়া যাইতে পারেন, তবে তাহার বাড়ি আর পৈতৃকধন কি আছে ?

এ দিকে রাজা শুকোদন কুমার রাহুলেরও মস্তক মুড়াইয়া দলভুক্ত করিয়া লইয়াছেন শুনিয়া অত্যন্ত শোকার্ত হইলেন । একে বুদ্ধ, তাহাতে শোকানলে হৃদয় ভগ্ন ; বিশেষ একমাত্র আশাপ্রদীপ জ্বলিতেছিল তাহাও আবার নির্বাপন হইল, ইহা ভাবিয়া যৎপরোনাস্তি আক্ষেপ করিতে লাগিলেন । মনে মনে কুমারের প্রতি নিরতিশয় অপ্রসন্ন হইয়া তাঁহাকে গিয়া বলিলেন, দেখ আমার একটি কথা রক্ষা করিতে হইবে, “পিতামাতার অনুমতি ব্যতীত তুমি কোন সন্তানকে ভিক্ষুপদে অভিষিক্ত করিবে না ।” শাক্য বুদ্ধ পিতার এই কথায় স্বীকৃত হইলেন । পিতার অনুরোধ রক্ষা করাতে রাজা বিশেষ সন্তুষ্ট হইলেন । পরে তপো-ধন শাক্য এখানে যত দিন ছিলেন, প্রায় পিতার সহিত সাক্ষাৎ করিয়া ধর্ম্যপ্রসঙ্গ করিতেন । এখান হইতে তিনি পুনরায় রাজগৃহাভিমুখে যাত্রা করিলেন । পথিমধ্যে অনোয়া নদীতীরে অনুপ্রিয় নামক স্থানের চাতবনে কিছু দিন বাস করিলেন । এই স্থানটি তাঁহার অতিশয় প্রিয়, ভাবযোগে তাঁহার সকলই স্মরণপথে উদ্ভিত হইল । এই স্থান হইতেই তিনি ছন্দকে বিদায় দেন এবং এই নদীতে অবগাহন করিয়া প্রথম সন্ন্যাসব্রত গ্রহণ করেন । এই কারণে তথায় কয়েক দিন ধর্ম্মালাপ ও ধ্যানে অতিবাহিত করিলেন ।

তিনি যখন কপিলবস্ত্র হইতে প্রত্যাবর্তন করেন, তখন আনন্দ, দেবদত্ত, অনুরুদ্ধ ও উপালী তাঁহার সঙ্গে চলিয়া

আসে । তৎকালে রাজা শুক্লোদনের আর তিন সহোদর জীবিত ছিলেন, শুক্লোদন অমৃতোদন ঋধোতোদন । শুক্লোদন সর্বসমেত চারিভ্রাতা । শুক্লোদনের পুত্র আনন্দ ও দেবদত্ত । অমৃতোদনের দুই পুত্র মহানাম ও অনিরুদ্ধ । উপালী এক মরসুন্দরতনয় । উপরোক্ত চারি ব্যক্তিকে এই স্থানে দীক্ষিত করিয়া তিনি ব্রহ্মচর্য্যত্রত দিলেন । কি আশ্চর্য্য ! মহাত্মা একবার দেশে গিয়া ঘরের প্রায় সমুদায় আত্মীয়-গুলিকে বাহির করিয়া আনিলেন, এবং অনেকের চিত্তে এই ধর্ম্মের প্রতি অনুরাগ সঞ্চারিত করিয়া আসিলেন । কি অদ্ভুত, যাহার ধর্ম্ম গভীর জ্ঞানপূর্ণ, বৈজ্ঞানিক, তপঃসিদ্ধ, সেই ধর্ম্মের এমন কি আকর্ষণ ছিল যাহাতে মুগ্ধ হইয়া প্রভূত ধনসম্পত্তি দ্রীপুজ্ঞ ও পার্থিব সুখ পরি-তাগ করিয়া লোকে ব্যাকুল হইয়া তাহা অবলম্বন করিত, চিন্তাশীল ব্যক্তির হৃদয়ে এ প্রশ্ন সহজে উদয় হইতে পারে । কিন্তু যখন ইহীর অভ্যন্তরে প্রবেশ করা যায়, তখন বেশ প্রতীত হয় যে যদিও নির্বাণতত্ত্বের দার্শনিক অংশ কঠিন, কিন্তু ইহীর অপরাংশ বড় হৃদয়গ্রাহী ও সহজ । পবিত্রতা, শাস্তি, অমরত্বলাভ, নিত্য আনন্দ, গভীর প্রেম ও জীবে দয়া প্রভৃতি আধ্যাত্মিক ভাবে লোকের চিত্ত অতিশয় তৃপ্ত ও সুখী হইত । অপিচ তাঁহার জীবনের অপূর্ব দৃষ্টান্তে লোকে আরও মুগ্ধ হইয়া যাইত । এমন প্রত্যক্ষ ধর্ম্মগ্রহণ না করিয়া কে থাকিতে পারে ?

মত্ত দার্শনিক বকম হইলেও সাধুজীবনের অপার মোহিনী শক্তি । পতঙ্গ যৌন স্বভাবতঃ অগ্নির দিকেই গতি সংসা-
 দন করে, তদ্রূপ সংসারাসক্ত শান্তিবিহীন পাপদগ্ধ
 মনুষ্য সাধুজীবনরূপ শীতল জলে অবগাহন করিয়া পরম
 পরিতৃপ্তিলাভ করে । এই দ্বিবিধ কারণে লোকে তাঁহার
 অনুরক্ত হইয়া পড়িত । আরও সেই সময়ে গুরু ক্রিয়া-
 কলাপমাত্রই ধর্ম্ম ছিল । পাপ, হিংসা, পশুবধ প্রভৃতি
 অতিশয় কদাচার প্রবল থাকাতে জীবনের শাস্ত
 মনোহর সুখজনক পবিত্র ভাব ব্রাহ্মণাদি সাধারণ চিত্ত
 বড় হৃদয়ঙ্গম করিতে পারিত না । বুদ্ধ তখন খুব আধ্যা-
 ত্মিক ভাবে শান্তি ও পবিত্রতার কথা প্রচার করাতে শ্রোতৃ-
 বর্গ সহজেই নূতন বলিয়া মুগ্ধ হইয়া যাইত । এই কার-
 ণেই চিন্তাশীল জ্ঞানপ্রবণ আত্মা দলে দলে তাঁহার শর-
 ণাগত হইয়া সুখী হইত ।

অনন্তর তিনি সশিষ্য রাজগৃহে দ্বিতীয় বার বাস
 করিলেন । ঐ স্থান পর্ব্বতবেষ্টিত মনোহর বলিয়া তিনি
 বিশেষ অনুরাগের সহিত তথায় অবস্থিতি করিতেন ।
 অনাথপিণ্ড নামে এক ধনী যুবা বণিক রাজগৃহে তাঁহার
 উপদেশ শ্রবণ করিয়া বড় প্রীত হইয়াছিলেন । তিনি
 তাঁহার মধুর বচনাবলী শ্রবণমানসে শ্রাবস্তিতে নিমজ্জন
 করিয়া পাঠাইলেন । বুদ্ধদেব তৎকর্তৃক আহূত হইয়া
 অন্তেষাসিগণ সমভিব্যাহারে শ্রাবস্তিতে গমন করিলেন ।

শ্রাবস্তি প্রসিদ্ধ প্রাচীন নগর, ইহা বারাণসীর উত্তর পশ্চিম প্রায় ৫০ ক্রোশ দূরে অবস্থিত ও নেপাল তরাইয়ের অন্তর্গত । সেই সময়ে এই নগর অতি সমৃদ্ধিশালী ও কোশল রাজ প্রসন্নজিতের রাজধানী ছিল । ইহার নিম্ন দেশে ঐরাবতী স্রোতস্বিনী বহমান থাকাতে ইহার শোভা ৯৩ বাণিজ্যের উন্নতি ছিল । কনিংহাম সাহেব বলেন, ইহার বর্তমান নাম সাহেত সাহেত, অধুনা ভগ্নাবশেষমাত্র । অনাধিপিণ্ড জেতবন নামে এক মনোহর উদ্যানে বিহার নির্মাণ করিয়া দেন । এই স্থানের বাহ্য দৃশ্য বড় সুন্দর বিধায় শাক্যমুনি এখানে বহু দিন কালাতিপাত করেন । এই শ্রাবস্তি তাঁহার প্রধান বিহারের স্থান ছিল । বহু শিষ্যে পরিবেষ্টিত হইয়া তিনি এখানেই ধর্ম্মের গভীর তত্ত্বসকল শিক্ষা দিয়াছিলেন, মনোহর বক্তৃতায় অনেকের চিত্ত বিগলিত করিয়াছিলেন । রাজা প্রসন্নজিৎ স্বয়ং এই ধর্ম্ম গ্রহণ করিয়া স্বীয় রাজ্যের অনেক প্রজাকে বৌদ্ধমতাবলম্বী করেন । তথাগত এই শ্রাবস্তিতে ক্রমান্বয়ে বর্ষার সময়ে চারি বার বিহার করিয়াছিলেন । এই স্থানে বৌদ্ধধর্ম্মের মূল গ্রন্থ ত্রিপিটকের প্রথম সূত্রসকল বিশদরূপে ব্যাখ্যা করিয়াছিলেন, এবং আত্মজ রাহুলকে বয়ঃপ্রাপ্ত হইলে অষ্টাদশ বর্ষে ভিক্ষুপদে অভিষিক্ত করেন এবং মহারাহুলসূত্রবিষয়ে উপদেশ দেন । রাহুল বিশেষ তত্ত্বজিজ্ঞাসু ছিলেন । ধর্ম্মের উচ্চতত্ত্ববিষয়ে

তিনি অনেক প্রশ্ন করিতেন, ধর্ম্মজ্ঞ তাহা বিশদরূপে ব্যাখ্যা করিয়া বুঝাইয়া দিতেন। তৃতীয় বারে ঐ ব্রাহ্মণকে যে উপদেশাবলী প্রদত্ত হয় তাহার নাম ব্রাহ্মসূত্র হইয়াছে। বর্ষা কালে বহু শিক্ষার্থী এখানে একত্রিত হইতেন এবং শিক্ষা ও আশ্রয়তত্ত্ব অবগত হইয়া নির্ব্বাণের পরমরসাস্বাদন করিয়া তৃপ্ত হইতেন। বাস্তবিক শ্রাবস্ত্রিই তাঁহার প্রধান বিহারভূমি ছিল। এখান হইতে তিনি বৈশালীর মহাবন বিহারে বাস করেন। তথায় উগ্রসেন নামে এক সামান্য যাদুকরকে স্বধর্ম্মে পরিবর্তিত করেন। ঐ ব্যক্তি নাকি চমৎকার দড়ি বাজি জানিত।

ইত্যবসরে পিতার পীড়ার সংবাদ শুনিয়া অনতিবিলম্বে তিনি পুনরায় কপিলবস্তুর্ত্তে আসিলেন। উপস্থিত হইয়া দেখেন রাজা শুদ্ধোদন মূর্খপ্রায়, শোকতাপ ও বার্কিকো জীর্ণ শীর্ণ। তখন তাঁহার বয়স ৯৭ বৎসর হইবে। অন্তিম কালে জগদ্বর পুত্রকে দেখিয়া যৎপরোনাস্তি আশাবিত্ত হইলেন। পর দিবস প্রাতে রাজা এই নন্দর কলেবর পরিত্যাগ করিয়া পরলোকে গমন করিলেন। বুদ্ধদেব স্বয়ং পিতার অস্ত্যেষ্টি ক্রিয়া সম্পন্ন করিলেন। এই বুদ্ধ রাজার মৃত্যুর পর শাক্য বংশ ছিন্ন ভিন্ন হইয়া যায়। কারণ গৃহের সমুদায় যুবা জনর সন্ন্যাসী হইয়া সিদ্ধার্থের অনুসরণ করাতে সমুদায় বিলুপ্ত হইয়া গেল। যে কপিলবস্ত্র নগরের কত সমৃদ্ধি তাহা যেন তিমিরাবৃত শোকাচ্ছন্ন হইল, রাজগৃহে শোকবিলম্ব

পের ধ্বনিতে নিরন্তর শব্দায়মান হইতে লাগিল । রাজ-
 পরিবারস্থ রমণীগণ নিতান্ত নিরাশ্রয়/অসহায় হওয়াতে
 বুদ্ধ তাঁহাদিগকে মহাবনবিহারে লইয়া আসিলেন । প্রজা-
 বতী গোহুমী, যশোধরা গোপা ও অপরাপর পুরবাসিগণ
 অনুরাগের সহিত তাঁহার অনুগামিনী হইলেন । অনিরুদ্ধ
 মাতা সন্দ ও তাঁহার ভগ্নী রোহিণীও তাঁহাদের সঙ্গিনী
 হইয়াছিলেন । ধর্ম্মরাজ এই নারীগণের সতীত্ব, ব্রহ্মচর্য্য ও
 পবিত্রতা বিষয়ে অতিশয় চিন্তিত হইলেন । অনিচ্ছাসত্ত্বেও
 প্রিয়তম আনন্দের অনুরোধে ইহাদিগকে লইয়া একটি
 অভিনব সন্ন্যাসিনীদল সংস্থাপন করিলেন । স্বীয় পত্নী
 গোপা তাঁহার প্রধান ও নেত্রীপদে অভিষিক্তা হইলেন ।
 এই বামা বৈরাগিনীদিগকে ভিক্ষুকী নামে অভিহিত করা
 হইল । কি আশ্চর্য্য বিধাতার লীলা ! শাক্য সিংহ যে
 ধর্ম্মানুরোধে গৃহের আত্মীয়বর্গকে পরিত্যাগ করিয়াছিলেন,
 আবার সেই ধর্ম্মেতে সকলকেই পাইলেন । স্ত্রী পুত্র
 তাই ভগ্নী বিমাতা একে একে তাঁহারই শরণাগত হই-
 লেন । ছিল সংসার হইল স্বর্গপুরী ! পার্থিব সম্বন্ধ বিদ্-
 রিত হইয়া অবশেষে পবিত্র বৈরাগ্যে তাঁহাদের সম্মিলন
 হইল ! কি চমৎকার ব্যাপার । কোন মহাপুরুষের ভাগ্যে
 এক্রপ অপরূপ সংঘটন আর দেখিতে পাওয়া যায় না ।
 আরও সুখের বিষয় এই যে তাঁহার আত্মীরেবাই প্রায়
 এদলের প্রধান নেতা হইয়াছিলেন । কি স্বর্গীয় যোগ !

অনলে অনল মিলিল, প্রেমে প্রেম মিলিল, ‘সহজে ধার নদী
সিক্ত পানে ।’ যশোধরা গোপার হৃদয়নদী শাক্যের গভীর
জীবনসমুদ্রে আসিয়া একীভূত হইয়া গেল । কি অনুপম
শোভা ! স্বর্গীয় প্রেম দূরতা ও স্বতন্ত্রতা জানে না । স্বামী
স্ত্রী উভয়ে দুই প্রকৃতির আদর্শ হইলেন । ‘পুণ্যের যোগ,
চন্দ্রসূর্যের মিলন । রাহুলমাতা শাক্যমুনির প্রিয়তমা
শিষ্যা মধ্যে পরিগণিতা হইলেন । একেবারে সম্পূর্ণ
পরিবর্তন ! যেন জলন্ত পাবন । এত সহজ পারিবার
নহে ? পুণ্যের অগাধজলধিতে সকলে মগ্ন হইলেন ; ইন্দ্রি-
য়ের সংস্পর্শ বিলুপ্ত হইয়া গেল ।

মুনিবর শাক্য পরে ইহাঁদিগকে মহাবনবিহারে রাখিয়া
কৌশাধীর মকুল পর্বতে চলিয়া গেলেন । এখন ইহাকে
কোসম বলিয়া থাকে । ঐ গিরি এলাহাবাদের পশ্চিম দক্ষিণ,
বিক্রাগিরির শাখামাত্র । ঐ স্থানে তিনি একাকী মিজ-
নতাজনিত অপার ধ্যানসম্মাধির স্তখে দিন যাপন করিতে
লাগিলেন । বাস্তবিক বুদ্ধদেব মধ্যে মধ্যে একা থাকিতে
ভাল বাসিতেন । ইহার গৃহ অভিপ্রায় বেশ লক্ষিত হয় ।
অনেক সময় জীবন কর্তব্যস্রোতে ভাসমান হইয়া যার,—
পৃথিবীর উরজের সঙ্গে সঙ্গে চলিতে থাকে । কিন্তু নিঃসঙ্গ
জীবন অতলস্পর্শ গভীর আধ্যাত্মিক সমুদ্রে মগ্ন হইয়া যার ।
মহাপুরুষেরা এক এক বার সমুদায় সঙ্গ পরিত্যাগ করিয়া
অপার সাগরে ডুবিতেন এবং জীবনের অন্তপান সংগ্রহ

করিতেন । এজন্য তাঁহাদের স্বতন্ত্র প্রয়োজন । এইভাবে
 মকুলগিরি উপরি বিশ্রাম করিয়া শাক্য রাজগৃহে পুনরায়
 উপনীত হইলেন । বিশ্বসার পত্নী রাজ্ঞী ক্ষেমা এই অব-
 সরে তাঁহার নিকট প্রাক্ষিত হইয়া বৈরাগ্যব্রত গ্রহণ করি-
 লেন, অতুল ঐশ্বর্য্য রাজ্য ও সুখ বিসর্জন দিয়া সন্ন্যাসিনীর
 জীবন সার করিলেন । এই ব্যাপারে রাজ্যমধ্যে মহা
 আন্দোলন উপস্থিত হইল । কুলের কুলবধূগণ সশক্তিত
 হইলেন, সকলে পরস্পর বলাবলি করিতে লাগিলেন, কে
 এক নবীন সন্ন্যাসী আসিয়া নগরবাসিনীদিগকে সন্ন্যা-
 সিনী করিয়া দিতেছে । ক্ষেমার ধর্ম্মগ্রহণে নবীন গৃহি-
 নীদের স্ত্রীরা একরূপ সাবধান হইতে লাগিলেন যে ভিক্ষু-
 গণের উপদেশে বৈরাগিনী হইয়া তাহার কলিয়া না যায় ।
 এমন কি তৎকালে যেন ঘরে ঘরে বিভীষকার ব্যাপার হইয়া
 উঠিল । বুদ্ধদেবের উপদেশের এমনই মোহিনী শক্তি ছিল যে,
 মন দিয়া একবার নির্বাণতত্ত্ব শুনিলে সে আর গৃহে থাকিতে
 পারিত না । রাজগৃহে তাঁহার এক শিষ্য অদ্ভুত ক্রিয়া দ্বারা
 ভিক্ষাপাত্র লাভ করিয়াছে বলিয়া চতুর্দিকে জনরব উঠিল,
 —অনেকে ভীত হইয়া এই ধর্ম্মের শরণাগত হইতে লাগিল ।
 বুদ্ধদেব তাহা অবগত হইয়া তাহার পাত্র ভাঙ্গিয়া ফেলি-
 লেন এবং এইরূপ অদ্ভুত কার্য্য করিতে তাহাকে নিষেধ
 করিয়া দিলেন । তিনি এজন্য বিশেষ সতর্ক হইলেন যে
 কোনরূপ পরোচনাতে যেন লোকে তাঁহার ধর্ম্ম গ্রহণ না

করে । শুদ্ধসাধিক ভাবে নির্ব্বাণলাভার্থ মুমুক্শুগণ তাঁহার শরণাগত হইলেই ঐকৃত কার্য্য হইবে, ইহা তিনি বিলক্ষণ বিশ্বাস করিতেন । পর বৎসরে বর্ষাকালে তথাগত কপিলবস্তুর নিকটবর্ত্তী সংসুমার পর্ব্বতে বিহার করিতে আসিলেন । ঐ স্থানে অকুল ও মগালির পিতা মাতা তাঁহার ধর্ম্মগ্রহণ করেন । এখান হইতে তিনি দ্বিতীয় বার কৌশাদ্বীতে যান । মগালি ইহার শিষ্যগণের মধ্যে অতিশয় বক্র প্রকৃতির লোক, সূতরাং কোন কারণে গোঁতম ও আনন্দের বিষম বিরোধী হইয়া দাঁড়াইল, সন্ন্যাসাশ্রম ভগ্ন করিবার উপক্রম করিল, বেশ দুই পক্ষ হইয়া দাঁড়াইল । উভয়পক্ষ মধ্যে সহিষ্ণুতা ক্ষমা প্রেম সংস্থাপন করিতে তিনি যত্নবান্ হইলেন, কিন্তু মনোরথ পূর্ণ হইল না বিধায় অগত্যা নিতান্ত দুঃখিত মনে তিনি একা পারিলেয়ক বনে চলিয়া গেলেন ।

এই স্থানে গ্রামস্থ লোকেরা নিভৃত বনে তাঁহার জন্য এক পর্ণকুটীর নিৰ্ম্মাণ করিয়া দেন । ঐ স্থানে তিনি বর্ষার চারি মাস অবস্থিতি করেন । এ দিকে ভিক্ষুগণ লজ্জিত ও বিষন্ন হইয়া অবশেষে গুরুর সন্নিকট আসিয়া শরণাগত হইয়া পড়িলেন ও অতিকাতর ভাবে ক্ষমা প্রার্থনা করিতে লাগিলেন । তাঁহারা আসিবা মাত্র দয়ালু গোঁতম সাদরে গ্রহণ করিলেন এবং অপরাধ মার্জনা করিয়া কহিলেন, “আমরা বিদ্যেয়র তুচ্ছত্ব অবগত

নহে তাহারা বিবাদ করিতে পারে, তাহাদের পক্ষেও একটু জ্ঞান থাকা প্রয়োজন । যে ব্যক্তি দূরদর্শী সুধীর প্রশান্ত জ্ঞানীর সঙ্গ পাইরাছে, সে ইচ্ছা করিলে সুখে বিহার করিতে পারে, কিন্তু যাহার সঙ্গ ইহার বিপরীত, বরং অজ্ঞানতিমি-রাচ্ছন্ন, তাহার পক্ষে একা থাকাই শ্রেয়ঃ । অতএব তোমাদের সঙ্গ আর আমার প্রয়োজন নাই, আমি একাকী জীবন যাপন করিয়া স্বীয় কর্তব্য সাধন করিব, তোমরা আমার কার্যের বিশেষ প্রতিবন্ধক ।” তাহার এই নিতান্ত কাতরোক্তি শ্রবণ করিয়া অনেকেই অনুতপ্ত হইয়া রোদন করিতে লাগিলেন । এই ভাব দেখিয়া শাক্যের হৃদয় দয়াতে দ্রবীভূত হইয়া গেল । তখন তিনি তাহাদিগের সহিত শ্রাবস্তি নগরে উপনীত হইলেন, এবং তথা হইতে মগধে পুনরায় চলিয়া যান । এখানে বীজ-বপকের আখ্যানিকা দ্বারা ব্রাহ্মণতন্ত্র ভরদ্বাজকে স্বীয় পথে আনয়ন করেন । এই ব্রাহ্মণের কিছু ভূমিসম্পত্তি ছিল, তিনি কৃষিকার্য্য করিয়া জীবিকা নির্বাহ করিতেন । একদা সিদ্ধার্থ ভিক্ষাপাত্র হস্তে লইয়া ইহার দ্বারে দণ্ডায়মান হইয়াছেন, তেজস্বী পুরুষ দেখিয়া গৃহের অপরাপর সকলে তাঁহার চরণে প্রণাম করিয়া সমাদর করিলেন, কিন্তু ভরদ্বাজ সন্ন্যাসী দেখিবামাত্র অগ্নিসম্ব হইয়া উঠিলেন । গৃহ হইতে বহিঃপ্রাঙ্গণে আসিয়া বলিলেন, “দেখ, শ্রমণ ঠাকুর ! আমি ভূমি কর্ষণ করিয়া তাহাতে বীজ বপন করি, তাই

শস্য হয়, আর আহার করিয়া শরীর রক্ষা করি। তুমিও যদি ভিক্ষাবৃত্তি ছাড়িয়া কৰ্ষণ কর ও বীজ বপন কর, তাহা হইলে সহজে আহার পাও, এরূপ দুঃখ পাইবার কোন প্রয়োজন নাই।” তদন্তরে শাক্য বলিলেন, “ও হে ব্রাহ্মণ, আমিও যে কৃষিকার্য্য করি ও বীজ বপন করিয়া থাকি, তজ্জন্যই আহার উপস্থিত হয়।” তাহা শুনিয়া ব্রাহ্মণ কিকিৎ হাসিয়া বলিলেন, “বেশ তুমি বৈরাগী, তুমি আবার কৃষক কিরূপে? তোমার বলদ নাই, বীজও নাই, হলও নাই, তবে আর কৃষিকার্য্য কিরূপে নির্ব্বাহ হইয়া থাকে?” ইহা শুনিয়া শাক্য বলিলেন, “বিলক্ষণ, কেন বিশ্বাস আমার বীজ, যাহা আমি মানবের হৃদয়ক্ষেত্রে বপন করিয়া থাকি, সাধুকার্য্য আমার জলসেচন, ইহা যত করি তত ভূমি উর্ব্বর হয়, জ্ঞান ও বিনয় আমার ফল এবং আমার চিত্ত পরিচালক রশ্মি। আমি ধর্ম্মরূপ হলমুষ্টি ধরিয়া আছি। বান্ধুলতাই আমার তাড়নী, পরিশ্রম আমার বলদ। এইরূপে আমি কৃষিকর্ম্ম করিয়া থাকি, ইহাতে ক্ষেত্রজ অবিদ্যাকটকতরুসকল বিনষ্ট হইয়া যায়; তৎপরে নির্ব্বণের অমৃতময় অপূর্ব্ব ফল উৎপন্ন হয়। দেখ, এবংবিধ কৃষিকার্য্যে দুঃখের অবসান হয়।” এই আখ্যায়িকার প্রত্যেক ভাব ভরদ্বাজের হৃদয়ে বিদ্ধ হইয়া গেল, কে যেন তাঁহার চিত্ত কাড়িয়া লইল, কি এক অপূর্ণ ভাব তাঁহার আত্মাকে বিমুক্ত করিয়া

ফেলিল। ব্রাহ্মণ আর আশ্রমস্থ থাকিতে পারিলেন না, তদুপেই জীবন বুদ্ধের চরণে সমর্পণ করিলেন এবং কৃষিকার্য্য ও বলদ হল ছাড়িয়া ভিক্ষুর নূতনবিধ কৃষিকর্মে নিযুক্ত হইলেন।

শাক্যসিংহ পুনরায় বর্ষা ঋতুতে চালিয় গ্রামে মাসত্রয় বাস করিয়া শ্রাবস্তিতে প্রত্যাবর্তন করিলেন। পরে কপিলবস্তুর নাগোধ বনে গিয়া কিছু দিন অবস্থিতি করেন। তথায় মহানাম নামে তাঁহার অপর এক খুল্লতাতপুত্র পিতা শুকোদনের রাজত্বের অধিকারী হইয়া রাজকার্য্য করিতেন, তাঁহার সুমধুর উপদেশ শুনিয়া ঐ ব্যক্তি সন্ন্যাসব্রত গ্রহণ করিলেন। এই বার শাক্যরাজ্য একেবারে ধ্বংস হইয়া গেল, আর ধংশের মধ্যে কেহই উত্তরাধিকারী রহিল না। কথিত আছে, যশোধরা গোপা সন্ন্যাসী হওয়াতে দণ্ডপাণি শাক্যের প্রতি অতিশয় বিরক্ত হইয়া অভিসম্পাত দিয়াছিলেন। এই পাপে নাকি তিনি সবংশে উৎসন্ন হইলেন।

এখান হইতে আলবী হইয়া রাজগৃহে আবার কিছু দিন বিহার করত বেণুবনবিহারে চারি মাস অতিবাহিত করেন। তথায় এক দিবস তিনি দেখিলেন যে, এক শিকারী ব্যাধ জাল বিস্তার করিয়া এক যুগ ধরিতে আছে। বুদ্ধদেব বড় দয়াদ্রুচিত ছিলেন, জীবের ক্লেশ কোন প্রকারে দেখিতে পারিতেন না, সুতরাং আস্তে আস্তে ঐ

মৃগকে পাশ হইতে মুক্ত করিয়া দিয়া, এক তরুতলে উপ-
 বিষ্ট হইয়া সমাধিস্থ হইলেন । ঐ ব্যাধ দূর হইতে সমুদার
 দেখিতেছিল, তৎক্ষণাৎ ক্রোধে তাঁহার প্রতি লক্ষ্য করিয়া
 সে তীক্ষ্ণ বাণ নিক্ষেপ করিল, কিন্তু উহা ধ্যানাবস্থায় সংজ্ঞা-
 হীন শাক্যের শরীর স্পর্শ না করিয়া ভূপতিত হইল । অতঃ-
 পর ঐ ব্যাধ তাঁহাকে তদবস্থাপন্ন দেখিয়া স্তম্ভিত হইয়া
 গেল । শাক্য তখন ধ্যানভঙ্গ করিয়া তাহাকে দয়া ও
 প্রেমের কথা বলিতে লাগিলেন, সে তখন চিত্রার্পিতের
 ন্যায় হতভম্ব হইয়া শুনিতে শুনিতে অবশেষে তাঁহার
 শরণাগত হইল । উহারা সপরিবারে তাঁহার ধর্ম গ্রহণ
 করিয়া নীচ বৃত্তি পরিত্যাগ করিল । তৎপরে তথাগত
 শ্রাবস্তিতে গিয়া আবার কিছুকাল বিশ্রাম করেন । প্রথমে
 বুদ্ধ স্বয়ং ভিক্ষার্থ দ্বারে দ্বারে যাইতেন, কিন্তু শেষে নিতান্ত
 বয়োধিকা বশতঃ তাহা পরিত্যাগ করেন । তাঁহার এক শিষ্য
 তাঁহার জন্য ভিক্ষা করিয়া আনিত । কিন্তু এ ব্যক্তি তাহাতে
 আপনাকে গৌরবাস্থিত মনে করিয়া স্বীয় গুরুদেবকে বড়
 অবমাননা করিত । ইহা নিতান্ত গর্হিত কার্য্য জানিয়া
 শাক্য অতঃপর আনন্দকেই তাঁহার নিতান্ত অনুগত সঙ্গী
 করিলেন । আনন্দ ছায়ায় ন্যায় তাঁহার সঙ্গে সঙ্গে
 থাকিতেন । কিছু কাল পরে দূরতর স্থান ভ্রমণের ইচ্ছা
 হওয়াতে শাক্যসিংহ দক্ষিণ প্রদেশ পর্যটন করিয়া
 আসিলেন । রাজগৃহ ও শ্রাবস্তি এই দুই বিহীন তাঁহার

সর্বাপেক্ষা প্রিয় ছিল। অধিকাংশ সময় তিনি এই দুই বিহারে প্রবাস করিতেন।

একদা সিদ্ধার্থ রাজগৃহে উপনীত হইয়াছেন, এমন সময় তাঁহার এক শিষ্য দেবদত্ত তথায় রাজা বিশ্বসারতনয় অজাতশত্রুর সহিত মিলিত হইয়া তৎসাহায্যে এক বিহার নির্মাণ করত এক স্বতন্ত্র দল সংস্থাপন করিতে উদ্যত হয়। দেবদত্ত আনন্দের সহোদর ও শাক্যের আত্মীয় ভ্রাতা। ঐ ব্যক্তির প্রকৃতি তত বিগত ছিল না, বিশেষতঃ কিছু স্বাভাব্যপ্রিয় হওয়াতে স্বয়ং এক জন গুরু ও নেতা হইবার বাসনা করিত। গৌতম বেণুবনবিহারে আছেন শুনিয়া দেবদত্ত তাঁহারই নিকট আসিয়া জিজ্ঞাসা করিল, আমার অধীনে স্বতন্ত্র সন্ন্যাসাশ্রমস্থাপন করিতে চচ্ছা করি এবং আপনার বৈরাগ্যপ্রণালী অপেক্ষা আমি কঠিনতর শাসনপ্রণালী ও পবিত্রতানুসারে সন্ন্যাসীদিগকে পরিচালিত করিতে অভিলাষ করি। কিন্তু তিনি তাহার কথায় সম্মতি না দেওয়াতে দেবদত্ত তাঁহাকে পরিত্যাগ করিয়া বিদ্রোহিতাবে চলিয়া গেল। ঐ দুষ্টমতি অবশেষে অজাতশত্রুর প্রণয়ে বদ্ধ হইয়া গর্হিত কার্য্য করিতেও কুণ্ঠিত হইল না। কথিত আছে, দেবদত্তের কুমন্ত্রণায় অজাতশত্রু পিতা বিশ্বসারকে হত্যা করিয়া মগধের রাজসিংহাসন অধিকার করেন। সুগত ষত দিন জীবিত ছিলেন, ঐ হতভাগ্য পাপমতি তাঁহার জীবনবিনাশের জন্য তিন বার

প্রয়াস করে, কিন্তু কিছুতেই কৃতকার্য হইতে পারে মাই । তিনি বর্ষার সময় যখনই এই বেণুবনবিহারে আসিতেন, তখনই ঐ দুই শিষ্য তাঁহাকে বিবিধ প্রকারে অবমাননা করিত, এবং তাঁহাকে আসিয়া বলিত যে, “ভিক্ষুদিগের এই প্রধান ধর্ম্ম যে, তাহারা নগরের দূরবর্ত্তী অনাচ্ছাদিত প্রান্তরে শয়ন ও অবস্থান করে ; এরূপ বিহারে থাকা কখন উচিত নহে । পরিত্যক্ত চীরখণ্ড পরিধেয় হওয়া কর্তব্য, নিমন্ত্ৰণ গ্রহণ না করিয়া অথবা বিহারে প্রদত্ত অন্ন না লইয়া দ্বারে দ্বারে ভিক্ষা করিয়াই জীবন ধারণ সন্ন্যাসীর ধর্ম্ম, এবং শুদ্ধসঙ্ক শ্রমণের পক্ষে মৎস্য মাংস একেবারে নিষিদ্ধ । অতএব আপনি এইরূপ নিয়মে কেন চলেন না ?” তদুত্তরে শাক্য বলিলেন, “স্থানবিশেষে এরূপ নিয়ম ব্রক্ষিত হইতে পারে, তাহাতে আমার কোন আপত্তি নাই, কিন্তু ইহা সন্ন্যাসিগণের পক্ষে অবশ্যপালনীয়রূপে নির্ণীত হওয়া নিপ্রয়োজন । বিশেষতঃ যুবা ও কোমলপ্রকৃতির সন্ন্যাসীরা এই কঠোর নিয়ম ব্রক্ষা করিতে অক্ষম । ভিক্ষু ঔদরিক না হন, এতদ্ভিন্ন আহারের প্রতি এত বিশেষ দৃষ্টি রাখিবার আবশ্যক নাই । দেশের সাধারণ লোকের মধ্যে যে রূপ খাদ্য প্রচলিত, ভিক্ষু তাহাই গ্রহণ করিবেন ।” নির্ব্বাণপ্রার্থী সন্ন্যাসীর পবিত্র হওয়াই শ্রেষ্ঠ কর্তব্য । তরুতলে বা গৃহবাসে, পরিত্যক্ত ছিন্ন বা ধনিপ্রদত্ত নব বসন পরিধান, মৎস্য মাংস ভ্যাগে বা গ্রহণে কিছু আসে যায় না ।

দেখ এই সকল বিষয়ে এত কঠোর নিয়ম প্রচলিত করিলে
নির্ব্বাণের পথে ব্যাঘাত জন্মিতে পারে । অতএব এইরূপ
একবিধ নিয়ম করিবার কোন আবশ্যকতা দেখা যায় না ।
কারণ কেহ ক্ষুধার্ত, কেহ সৰল, কেহ বা কোমলস্বভাব,
কেহ কঠোর, প্রকৃতি, কেহ কষ্টসহিষ্ণু, কেহ বা তত সহিষ্ণু
নহে, সুতরাং নির্ব্বাণপ্রার্থীর পক্ষে বাহ্য বৈরাগ্যসাধনে
এত কঠোরতার উপকারিতা নাই । আধ্যাত্মিক পবিত্র-
তার প্রতি বিশেষ দৃষ্টি ও সাধন নিতান্ত কর্তব্য ।” দেবদত্ত
ধর্ম্মরাজ গুরু এই কথা শুনিয়া অপ্রতিভ হইয়া চলিয়া
গেল, এবং শেষে নিজে এক স্বতন্ত্র আশ্রম নির্মাণ করিয়া
কতকগুলি সন্ন্যাসী ও শ্রমণদল গঠন করিয়া কিছু দিন ধর্ম্ম-
সাধনের তাগও করে প্রচারও করে ; কিন্তু ভুল্লদিনের মধ্যেই
ইহার লীলা সংবরণ করিতে হইয়াছিল । অজাতশত্রু কেবল
নামে বৌদ্ধ ছিলেন । গৌতমের মৃত্যুর একবর্ষ পূর্ব্ব
ইনি শ্রাবস্তি অধিকৃত এবং কপিলবস্ত সম্পূর্ণরূপে বিনষ্ট
করেন ।

এইরূপে বোধিসত্ত্ব প্রায় ৪৪ বৎসর প্রচার করিয়া-
ছিলেন । তিনি সমুদায় মগধ অযোধ্যা ও উত্তর পশ্চিমাঞ্চ-
লের অনেক স্থান এবং দক্ষিণ দেশে ভ্রমণ করিয়াছিলেন ।
বৎসরের মধ্যে আট মাস পর্য্যটন করিতেন ও চারি মাস
এক স্থানে পর্ণকুটীরে অবস্থিতি করিয়া উপদেশ দিতেন ।
বর্ষাকালে চাতুর্মাস্যের সময় গ্রামস্থ লোকেরা প্রায় উপদেশ

শুনিবার জন্য তাঁহাকে নিমন্ত্রণ করিত, সেই অব-
কাশে খুব মধুর বক্তৃতায় শ্রোতৃবর্গের চিত্ত আকর্ষণ
করিতেন ।

অনন্তর তিনি সর্ব্বশেষে বৈশালীতে সমাগত হন । আগ্র-
দৃষ্টি সহকারে উপলব্ধি করিলেন যে, তাঁহার জীবনের কার্য্য
শেষ হইয়াছে । এই বিবেচনায় এক দিন তথায় সমুদয় অর্হৎ,
স্ববির ভিক্ষু, শ্রমণ ও শ্রাবকদিগকে সমবেত করিয়া এই
উপদেশ দিলেন । “হে ভিক্ষুগণ ! সম্পূর্ণ ভাবে শিক্ষা কর,
সাধন কর, পূর্ণ হও, নির্ব্বাণ লাভ কর । যে ধর্ম্ম আমি প্রকাশ
করিলাম, তাহা ইতস্ততঃ প্রচার কর । এই পবিত্রতা ও
নির্ব্বাণধর্ম্ম যেন চিরস্থায়ী হয়, শত শত নরনারী সুখ ও
কল্যাণের জন্য চীহাতেই যেন নিত্যকাল স্থিতি করে । দেবতা
ও মনুষ্যাগণের মধ্যে শান্তি বিস্তার ও দুঃখ অবসান করিতেই
যেন এই ধর্ম্ম প্রচারিত হয় । হে ভিক্ষুগণ ! অল্পদিনের
মধ্যেই তথাগত ইহলোক হইতে অবসৃত হইবেন । মাস-
ত্রয়ের ভিতর তাঁহার মৃত্যু হইবে । আমার বয়সপূর্ণ হই-
য়াছে, জীবনের কার্য্যও শেষ হইয়াছে, শরীর অবসন্ন ও
দুর্ব্বল হইয়া পড়িয়াছে । আমি এখন তোমাদিগকে রাখিয়া
যাইতেছি, এখন তোমাদের নিকট হইতে বিদায় লইতে
চাই । ভিক্ষুগণ ! অনুরাগী ধ্যানপরায়ণ ও পবিত্র হও ;
প্রতিজ্ঞা ও ব্রতপালনে দৃঢ়তর হও, স্বীয় হৃদয়ের প্রতি নিয়ত
দৃষ্টি রাখ । যে অনুরাগের সহিত এই ধর্ম্মের অনুসরণ ও

সাধন করিবে, সেই জীবনসাগরে পার হইবে এবং দুঃখ হইতে নিস্তার পাইবে ।”

স্ববিবরণ, তাঁহার শেষোক্তি শ্রবণ মাত্র বিস্ময়ান্বিত ও স্তম্ভিত হইলেন, এবং সকলে স্মিয়মাণ হইয়া আশ্চর্য্য নিমগ্ন হইলেন । পরে গম্ভীরপ্রকৃতি সূগত একান্তে নিকটে কাশ্যপকে ডাকিয়া বলিলেন যে, “দেখ তোমার সহিত আমি বস্ত্র পরিবর্তন করিব, তোমাতে আমি এবং আমাতে তুমি, এই ভাবে উভয়ে উভয়ের মধ্যে নিত্য অবস্থান করিব, তুমি আমার প্রতিনিধি হইয়া সকলের পরিচালক হইয়া থাকিবে ।” কাশ্যপ তখন নিতান্ত দীনভাবে প্রেমের সহিত তাঁহার আদেশ পালন করিলেন । কি চমৎকার ! তিনি আধ্যাত্মিক যোগ স্থাপন করিয়া বিচ্ছেদজনিত ক্লেশ হইতে শিষ্যদিগকে মুক্ত করিলেন । এইত প্রকৃত যোগ, ধর্ম্ম ও প্রেম যে যোগ স্থাপিত হয় তাহা কদাপি বিচ্ছিন্ন হয় না । পাছে শিষ্যগণ তাঁহার অদর্শনে দুর্ব্বল ও সাধনহীন হইয়া পড়ে, এজন্য তিনি পূর্ব্ব হইতে সাবধান হইলেন ।

অনন্তর তিনি বৈশালী হইতে কুশী নগরাভিমুখে যাত্রা করিলেন । পথে পাবা গ্রামে চণ্ড নামে নীচ জাতির গৃহে আতিথ্য সংকার গ্রহণ করিলেন । ঐ ব্যক্তি আত্মবৎ সেবা করিবে বলিয়া শূকরের মাংস ও অন্ত প্রস্তুত করিয়া রাখিয়াছিল । তাঁহার ভিক্ষার এই এক প্রধান নিয়ম ছিল যে, দাণ্ডা বাহ্য দিত তাহাই আশী-

ঋদ্ধ পূর্ব্বক গ্রহণ করিতেন । কিন্তু সন্ন্যাসী বলিয়া কেহ তাঁহাকে মাংসাদি আহার করাইত না । তবে তাঁহার কোন স্পষ্ট নিষেধও ছিল না । চণ্ডের সেই মাংস অন্ন গ্রহণ করিয়া শাক্য সিংহ কিঞ্চিৎ পীড়াগ্রস্ত হইলেন ; উদরাময় রোগে আক্রান্ত হইলেন ; পথে যাইতে যাইতে অবসন্ন হইয়া পড়িলেন, চলচ্ছক্তি রহিত হইল, তৃষ্ণায় অস্থির হইয়া পড়িলেন । পরে কুকুটী নদী তীরে উপবেশন করিয়া কিছুকাল বিশ্রাম করিলেন । আনন্দ জল পান করাইয়া তাঁহাকে কতকটা সুস্থ করিলেন । পরে নদীতে অবগাহন করিয়া তিনি বরং সবল হইয়া বেশ আরাম পাইলেন । এইরূপে বিশ্রাম লাভ করিয়া কুশী নগরের নিকটবর্তী উদ্যানে উপস্থিত হইলেন । তথায় গিয়া তিনি বেশ বুঝিলেন যে মৃত্যু তাঁহার আসন্ন । তখন তিনি শান্ত মনে ভাবিতে লাগিলেন যে চণ্ডের প্রদত্ত আহাৰ্য্য আমার এই সাংঘাতিক পীড়ার কারণ । তাহাতে তিনি কিছু মাত্র ক্ষুব্ধ বা ভীত হইলেন না, বরং শান্ত ও ধীর থাকিয়া তাহারই গুণ চিন্তনে দয়াদ্র হইলেন । চণ্ড যদি ইহা জানিতে পারে, তাহা হইলে সে আপনাকে তিরস্কার করিয়া আত্মঘাতী হইবে এবং অপরে আমার মৃত্যুর কারণ অবগত হইলে গরিব চণ্ডকেই সকলে ভৎসনা করিবে ; এই ভাবিয়া তিনি আনন্দকে গোপনে ডাকিয়া বলিলেন, “দেখ তুমি চণ্ডকে শ্লিও যে তোমার জন্মান্তরে

বিশেষ পুরস্কার লাভ হইবে, কারণ তোমারই অল্পে সিদ্ধার্থ নির্বাণ প্রাপ্ত হইলেন । পৃথিবীতে দুই ব্যক্তি তাহার ষথার্থ হিতকারী বন্ধু, সূজাতা ও চণ্ড । সূজাতার প্রদত্ত অন্নৈষ্ট্রাধি প্রাপ্ত হইবার পূর্বে জীবন রক্ষিত হইয়াছিল, আর চণ্ডের ভিক্ষাতে ইহলোক হইতে অবিসৃত হইলেন । সূগত চণ্ডের প্রতি কি অপার ক্ষমা দয়া ও স্নেহ প্রকাশ করিলেন, পাছে তাহার হৃদয় দুঃখিত হয়, তজ্জন্য কত মাস্তানা ও মধুর বচনে প্রবোধ দিলেন । তিনি জীবন ও মৃত্যু দুই সমান ভাবে নিরীক্ষণ করিতেন । তাবিয়া দেখিলেন যে এই তা আমার অন্তিমকাল, এখন জীবনের কিছু গুঢ় কথা বলিয়া যাওয়া আবশ্যক বিধায় প্রিয় শিষ্য আনন্দকে কাছে বসাইয়া তিরোভাব হইলে কিরূপে তাহার অন্ত্যেষ্টিক্রিয়া ও সমাধি হইবে তাহার বিশেষ বিবরণ বলিয়া দিলেন । অপিচ ভিক্ষুকী রমণীগণের প্রতি দৃষ্টি করিয়া বলিলেন, দেখ ইহাঁদের মধ্যে শুদ্ধতা ও বৈরাগ্য যাহাতে প্রবল থাকে তদ্বিষয়ে সর্বতোভাবে যত্ন করিবে । স্থবিরগণের সহিত সন্ন্যাসিনীদের সম্বন্ধ ও ব্যবহার বিষয়েও অনেক গভীর কথা আনন্দকে শেষ উপদেশ দিলেন । নারী শিষ্যাদিগের সম্বন্ধে তিনি যে সকল নিয়ম ও সাধন নিরূপণ করিয়াছেন তাহা যেন বিশেষরূপে প্রতিপালিত হয় । স্থবির ও ভিক্ষুকল যেন তাহার প্রতি বিশেষ দৃষ্টি রাখেন, ইহার একটি নিয়মও যেন

অন্যথা না হয়, তিনি দৃঢ়রূপে এবিষয়ে সৌবধান করিয়া দিলেন ।

তাহার এই বাক্যাবসানে আনন্দ নিত্যন্ত ভগ্নোদ্যম ও অবসন্ন হইয়া পড়িলেন এবং একান্তে গিয়া ~~বিলাপ করিতে~~ লাগিলেন । হায় ! এখনো ত আমি পূর্ণ হই নাট, আমার সিদ্ধিলাভের এখনো কিছু অবশিষ্ট আছে, ইহার মধ্যে ত ভগবান্ লোকনাথ গুরুদেব আমাদের নিকট হইতে বিদায় লইতেছেন ? তিনি যে আমার বড় ভাল বাসিতেন, আমার প্রতি অত্যন্ত সদয় ছিলেন । এইরূপে রোদন করিতে করিতে আনন্দ অস্থির হইয়া গেলেন, তাহার নয়ন অশ্রুজলে ভাসিয়া গেল, গুরুদেবের প্রেম ও স্নেহ স্মরণে হৃদয় উত্তলিত হইতে লাগিল, শোকাবেগ সংবরণ করা তাহার পক্ষে কঠিন হইয়া উঠিল । আনন্দ অতিশয় কোমল প্রকৃতি প্রেমিক ছিলেন এবং শাক্যের প্রিয় ও অলুপ্ত ছিলেন, তাহার জীবন ও উপদেশ আনন্দের হৃদয়ে যেন জলন্তভাবে মুদ্রিত হইত । তিনি গুরুর প্রত্যেক বাক্যের অনুসরণ করিতে যত্নবান্ ছিলেন । আনন্দ নির্জনে গিয়া রোদন করিতেছেন, গৌতম উতাবসরে দেখিলেন আনন্দ নিকটে নাই । তাহার রোদনধ্বনি দূর হইতে শুনিতে পাইয়া এক শিষ্যের দ্বারা ডাকাইয়া আনিলেন, অনেক সান্তনা ও নির্ব্বাণের আশা দিয়া বলিলেন, “আনন্দ, আমিত তোমায় সংসারের অনিত্যতাবিষয়ে অনেক দ্বন্দ্ব বলিয়াছি । দুঃখিত হইও না

বিলাপ করিও না। আমি কি তোমাকে বলি নাই যে আমরা অত্যন্ত প্রিয়তম ও সুখকর বিষয় হইতেও বিচ্ছিন্ন হইব না। এই জীবনীমণ্ডলে যে কোন জীব প্রেমে সাম্মান্য হইক না, কেহই বিচ্ছেদের হস্ত হইতে নিষ্কৃতি পাইবে না। আনন্দ, তুমি আমার নতিত অনেক দিন হইতে আছ, আমার অতিশয় প্রিয় নিকটস্থ, তুমি সেবা ও দয়া চরিত্র, ধ্যান ও কথায় আমার বিশেষ ঘনিষ্ঠ। তুমি নিয়ত সংকার্য্য করিয়াছ, এখন সাধনে দৃঢ় ও অধাবসায়ী হও, তবে অজ্ঞানতার শৃঙ্খল যে জীবনভঙ্গ্য তাহা হইতে মুক্ত হইতে পারিবে।” অতঃপর অপরাপর শিষ্যের প্রতি চাহিয়া আনন্দের দয়া ও আশ্রয় উল্লেখ করিয়া উপদেশ দিলেন।

যে দিন তিনি এই নখর ধূলিময় দেহ পরিত্যাগ করিবেন, তাহার পূর্ব রজনীতে কুশীনগরস্থ সুভদ্র নামে এক দার্শনিক ব্রাহ্মণ তাঁহার নিকট জিজ্ঞাসু হইয়া উপস্থিত হইলেন। আনন্দ এই ভয়ে ব্রাহ্মণকে গুরুদেবের নিকট যাইতে নিষেধ করিলেন যে পাছে অনেক ক্ষণ কথোপকথনে রোগ বৃদ্ধি হয় ও কাতর হইয়া পড়েন। এদিকে বুদ্ধদেব তাঁহাদের কথা শুনিয়া জানিতে পারিয়া সুভদ্রকে নিকটে ডাকিলেন। ব্রাহ্মণ তদবস্থায় জিজ্ঞাসা করিলেন যে, শেষ ছয় জন গুরু কি সমুদায় বিষয় জানিতেন, অথবা কতক অংশ জানিতেন, কিংবা কিছুই জানিতেন না। তিনি বলিলেন, ‘দেখ এখন এ বিষয় চূচ্চা করিবার সময়

নহে । তুমি শ্রবণ কর, আমি আমার ধর্মের তত্ত্ব তোমার নিকট ব্যাখ্যা করিতেছি ।” এই বলিয়া তিনি মুক্তি ও নির্বাণ বিষয় বিশদরূপে বর্ণন করিয়া ~~আর~~ আর কৃত্রাপি পরিলক্ষিত হয় না । অষ্ট ~~এ~~ কার পবিত্র-সাধনের মার্গও বুঝাইয়া দিলেন । নির্বাণের প্রথম গুণ ও অন্তে প্রেম, এই শেষ কথা বলিয়া তিনি তুষণীভাব অবলম্বন করিলেন । সুভদ্র তাঁহার এই উপদেশে ঐ নূতন ধর্ম গ্রহণ করিলেন ।

ভগবান্ শাক্যসিংহ ক্রমে দুর্বল ও অবসন্ন হইয়া পড়িলেন দেখিয়া তখন তিনি আনন্দ প্রভৃতি ভিক্ষু ও স্থবির-গণকে সম্বোধন করিয়া কহিলেন, “তোমরা মনে করিও না যে আমার কথা নিঃশেষিত হইল, গুরু-দেব ইহলোক হইতে চলিয়া গেলেন, আর আমাদের কেহই নাই । আমার প্রচারিত ধর্ম উপদেশ ও সাধন-প্রণালী তোমাদের চির উপদেশার্থ নেতা হউক । ভিক্ষুগণ, এই সময় তোমাদের কাহারো কোন বিষয়ে সন্দেহ থাকে তবে বল । ধর্ম বা মার্গে অথবা সাধুতা বিষয়ে প্রশ্ন থাকিলে মীমাংসা করিয়া লও, আর আমার সহিত তোমাদের সাক্ষাৎ হইবে না, এখন শেষ অবস্থা । পুনরায় বলিতেছি এই গুণ মুহূর্ত্ত ।” এই কথা বলিয়া তিনি কিছু স্তম্ভিত হইয়া রহিলেন, কিন্তু সকলেই নিস্তর হইয়া নহিল দেখিয়া তিনি মনে করিলেন,

ইহারা নির্বাণের চরম সাধনে উপনীত হইয়াছে। কিন্তু

তথাপি স্নেহ ও প্রেম বশতঃ স্থির থাকিতে পারিলেন না।

~~কিন্তু~~ হইতে, পুনরায় বলিলেন, “ভিক্ষুগণ! আমার

শেষ উপদেশঃ সংসারের সকল বস্তুই ক্ষণভঙ্গুর, অতএব

নির্বাণ কামনায় যত্নশীল হও।” এই কথা বলিলত বলিতে

তিনি অচেতন হইয়া পড়িলেন, একেবারে সংজ্ঞা রহিত

হইলেন।

হায় ! সুগত বহুশিষ্যপরিবেষ্টিত হইয়া অশীতি বৎসর

বয়সে গুরুপক্ষে বিশাল শালতরুতলে কুশী নগরে

অন্তর্হিত হইলেন। ৫৪৩ খৃঃ পূর্বে ৫০০ শত শিষ্য রাখিয়া

শাক্যসূর্য্য অন্তর্মিত হইলেন। যিনি জীবনের শেষ পর্য্যন্ত

পরসেবা ও নির্বাণপ্রচারে যত্নবান্ ছিলেন, যিনি আপনার

সুখ দুঃখের প্রতি দৃষ্টি না করিয়া পরকে সুখী করিবার

জন্য প্রাণপণে সচেষ্ট ছিলেন, তাঁহার অদর্শনে ও বিচ্ছেদে

সাধারণ ভিক্ষুগণ অস্থির হইয়া পড়িলেন। তাঁহা-

দের বিলাপ ও খেদোক্তিতে যেন গগন আচ্ছাদিত

হইল, বনের পশু পক্ষী বৃক্ষ লতাদিও যেন সম-

দুঃখী হইল; কিন্তু অহর্দগণ বিচ্ছেদ অকিঞ্চিৎকর মনে

করিয়া শোকাবেগ সংবরণ করিলেন। অতঃপর সকলে

সুস্থির হইয়া চন্দনকাষ্ঠের চিতার উপর তাঁহার মৃত দেহ

নব বস্ত্রে আবৃত করিয়া স্থাপিত করিলে মহাকাশাপ ও অপ-

রাপর পাঁচ শত ভিক্ষু উহা দ্রব্য বার প্রদক্ষিণ ও প্রণাম

করিলেন এবং তাঁহার চরণবন্দনা ও স্তব স্তুতি করিয়া চিতা প্রজ্জ্বলিত করিয়া দিলেন । অসার নগর শরীর কণেকের মধ্যে ধ্বংস হইয়া ভস্মাশেষ হইল । ১৩মু- সমুহ সেই ভস্মাশি ধাতুময় পাত্রে পূর্ণ করিয়া সুগন্ধ পুষ্প তদুপরি আচ্ছাদিত করতঃ নৃত্য গীত করিতে করিতে নগর মধ্যে আনয়ন করিলেন । উহা তথায় মহাসম্মানের সহিত সপ্ত দিবস রক্ষিত হইল । পরিশেষে তাঁহার ক্ষুদ্র ক্ষুদ্র অস্থি খণ্ড রাজগৃহ, বৈশালী, কপিলবস্ত্র, অলকাপুর রামগ্রাম, উথ দ্বীপ, পাণ্ডরা এবং কুশী নগর, এই আট স্থানে প্রোথিত করিয়া তদুপরি আটটি স্তূপ নির্ম্মিত করা হইল । মহাসত্ত্ব বুদ্ধদেবের প্রতি লোকের এতাদৃশী ভক্তি ও অহু- রাগ হইয়াছিল যে সেই সময়ে তাঁহার দন্ত ও কেশাদি লইয়া ব্যবহার করিয়া তাহা সংরক্ষণ জন্য প্রকাণ্ড প্রকাণ্ড মন্দির নির্ম্মিত হইয়াছে । এই সকল মন্দির বিশেষ বিশেষ তীর্থ স্থান বলিয়া প্রসিদ্ধ ।

অভিধর্ম্ম চিন্তামণি ও সদ্ধর্থপুণ্ডরীক নামক পুরাতন সংস্কৃত গ্রন্থে বোধিমার্গের বিষয় বিশেষ বিবৃত হইয়াছে । প্রথমতঃ এক আদি বুদ্ধ আছেন, তিনি অনাদি, অনন্ত, চৈতন্যরূপ, অশরীরী, মূলাধার ও সকলের কারণ । তাঁহা হইতে পাঁচটি বুদ্ধ প্রসূত হয়, তাঁহারা আদি বুদ্ধের অধীন । ইহঁারা পঞ্চভূত, পঞ্চেন্দ্রিয় ও পঞ্চ মনোবৃত্তির সাক্ষাৎ কারণ অর্থাৎ পাঁচ আত্মস্বরূপ হইতে এই ত্রিবিধ

সৃষ্টি হইয়াছে । কিন্তু পৃথিবীর বিভিন্ন রূপ, বিভিন্ন জাতি, পশু পক্ষী কীট পতঙ্গ মানব মানবীর রচনা বোধিসত্ত্বদিগের জিন্মা ... হাহারাই শাসনকর্ত্তা । ফলতঃ জড় ও সচেতন জগৎ এই পথে বুদ্ধ হইতেই সৃষ্টি হইয়াছে । যষ্ঠ বুদ্ধ বজ্র-স্বরূপ আদি বুদ্ধ হইতে সম্ভূত হইয়া মানবের চিহ্ন, ভাব ও বেদনা গঠন করিয়া থাকেন । রত্নপাণি, বজ্রপাণি, সমস্তভদ্র, পদ্মপাণি ও বিশ্বপাণি, এই পঞ্চ বোধিসত্ত্ব পর্যায়ক্রমে বিশ্বের স্রষ্টা ও শাসনকর্ত্তার কার্য্য করিয়া থাকেন । বর্ত্তমান যুগের শাস্তা ও পাতা পদ্মপাণি বা অবলোকিতেশ্বর ।

সম্পূর্ণ ।

